






22.07.







LATINÆ POESEOS


Opusculum Primum,

A UTHORE

CÆSARE FANELLI

EX FLOREN.O.





BRACHYMACROLOGIA
S E U

LATINÆ POESEOS

Opusculum Primum

D E I I S,

Quæ pertinent ad discendum, & docendum cum facilitate; & felicitate Metrum

In quocumque Genere, & in quacumque Specie,

A U T H O R E

CÆSARE FANELLI

Laureato Archipoëta ex Floreno, & Academico Peregrino in Romana Peregrinorum Academia, ubi Pausilypi Apollodorus antonomastice appellatur,

D I V O

MICHAELI
ARCHANGELO

Cœlestium Militiarum Principi

D I C A T U M.



NEAPOLI MDCCXIV:

Ex Superiorum permiffu.

THE
FEDERAL
BUREAU OF
INVESTIGATION
OF THE
DEPARTMENT OF JUSTICE
WASHINGTON, D. C.

REPORT OF THE
FEDERAL BUREAU OF
INVESTIGATION
ON THE
ACTS OF
VIOLENCE
COMMITTED BY
THE
KLU KLUX KLAN
IN THE
STATE OF
MISSISSIPPI
DURING THE
SUMMER OF 1955

D I V O
MICHAELI
ARCHANGELO

Supremo Empyreï Duci , Cœlestium
Militiarum Principi , & præsen-
tissimo Musarum Patrono.

CÆSAR FANELLI



Uò Benevolentiam
meam peculiarem
ergà Te, & Gra-
tiam Tuam specialem er-
gà me aliqua ex parte
a 3 Mor-

*Mortalibus ostendam , o
Cælestium Militiarum Su-
preme Dux , ac Princeps,
Archangele Michaël ; Ti-
bi uni Opusculum pri-
mum de Arte Poëtica Do-
no , Dedico , ac humili-
ter Dico ; Accipias , de-
precor quidquid in eo
meæ parvæ complexæ sunt
Elucubrations, nec obstu-
pescas si Terrarum Mæ-
cenatibus , & Populorum
Magnatibus Opus hoc
non obtulerim , namque
bisce nostris Temporibus
tanta est Inscitia Mentis ,*

tan-

tanta Cupiditas Auri, & Iniquitas Cordis in Humana Progenie, ut Vestimenta Virtutibus præferant, & speciosa Numismata Nominis Immortalitati anteponant; contemnunt proinde quod plausu excipi debet, & gravi persequuntur Odio quod Affectionem Amoris expectat; Æquo Animo dignare quod Offero, & pro præmio laborum ea Menti posthàc inspira, quæ Apollinarem Lauream Crinibus laudabili-

ter promereant , & me
ama , sicuti ex primo
Ætatis curriculo Te sem-
per excolui , Te semper
in Oculis tuli , atque in
Operibus meis pro meo
Tutelari singulariter ha-
bui , & in posterum spe-
cialissimo Pietatis fervo-
re singularissimè babebo :
Si contra me , measque
Musas Momï , Zoili , atq;
Aristarchi veneno arma-
ti , toxicoque muniti for-
tassè insurgant , Gladium
babes , quo destruas , dis-
sipes , perimas . Occidisti
In-

*Inferorum superbientem
Pythonem , & pestiferum
Erebi Anguem , eumque
per totam sæculorum Or-
bitam desolatoriis Geben-
næ Carbonibus dedisti ad
comburendum ; Non mi-
nor Triumphus accedet ,
si serpentinam Hominum
Progeniem , & Viperi-
nam Mortalium Cobor-
tem ea morte plectas ,
quam merent ; Interim
summo Obsequio, summa-
que Reverentia Te deve-
neror , & rogo , atque
exoro , ut nec præsidium*

Pœ-

*Poësi , nec Patrocinium
Poëtæ deneges , Quoniam
ex fulgescantibus Digni-
tatis Tuæ Splendoribus
primò eruditæ Intelligen-
tiæ Auroram ; secundò co-
ruscantis Gloriæ Meri-
diem ; tertio Corporis Oc-
casum non sine speciosa
Nominis Immortalitate
firmiter , certè , ac fidu-
cialiter spero . Archange-
lus es , Archipoëtam de-
fendas , nè pereat in eo
Judicio , ubi Deus vel Ju-
stitias severissimè judica-
bit ; Vive denique , & Vale .*

*Author ad Lectorem
sui Operis.*

N Eapolis omni tempore ita bonis literis floruit, Amicissime Lector, ut Insignium Artium Museum, illustrium Scientiarum Domicilium, & nobilium Facultatum Emporium non minus Domesticis, quam Exteris visa sit; Adolescentia tamen lumine indiget, ut eò tendat, ubi Gloria habitat, & Sapientia Gloriæ Genitrix immoratur; proinde duo Opuscula de Poësi elaboravi, ut inde Adolescentes cum Lumine Calcar accipiant ad futuram Speciosi Nominis Immortalitatem, ac Decus; Non pro Senibus, pro Imberbibus scripsi; Non pro Eruditis, pro Tyronibus construxi; Non pro Sapientibus, pro Insciiis prælo commisi quod spectas; Quoniam Imberbis, & non barbatus Apollo est
Mu.

Musarum Lumen, ac Numen; Non
Senex, sed Puer est Amor Musicæ
Præceptor, & Poëticæ Artis Magi-
ster; Non Vir, sed Adolescens est
Hermes; qui ad Eloquentiam si-
mul, & Poëticam Professionem in-
clinat; Pacato, humanoque igitur
animo legas Opus, quod tibi legen-
dum expono, nec dente dilaceres
quidquid in hisce Chartis inspicias:
Virum Te volo, non Aprum; Ho-
minem Te exposco, non Colu-
brum; Vive igitur, & secundum
Opusculum, Deo auspice, expecta
longè quidem nobilius, longè qui-
dè præstantius propter speciosas
metrorum Imágenes ex variis Au-
thoribus excerptas ad concipien-
das Idæaseorum præceptorum, quæ
tradimus.

Authoris Protestatio.

Nihil est equidem in hoc meo Opusculo, quatenus arbitror, quod aut Regiæ Jurisdictioni temerè adversetur, aut Ecclesiasticæ potestati perfidè contrarietur; Quoniam Utramque ita semper deveneratus sum, & deveneror, ut ad amissim exequi videar celebre illud nostri Redemptoris Affatum. *Quæ sunt Cesaris Cesari, & quæ sunt Dei Deo*; Siquid tamen casu, præter Intentionem ex calamo effluxit, quod & corrigi mereat, & emendari exposcat, Dictum pro non Dicto, & Scriptum pro non Scripto tenaciter volo. vel emendet Flamma, vel corrigat Spongia quidquid aut Deum fortassè dedecet, aut Regi fortassè præjudicat; hoc noscas, & Vale.

Au.

Author de se ipso

CARMEN.

M Antua Virgilio, felix Verona Catullo,
Nasconi cunas incluta Sulmo dedit,
Sed mihi Florenti Patremque, Domumque, Genusque
Præstitit; baud tantis Vatribus invidco:
Patria florescit ceu Nomine, floret in Aruis,
Indicium Musæ floridioris habet:
Ingenium vivax ad vivida carmina pronum.
Natura in fibris indidit alta meis:
Quot versus poscis, totidem tibi reddit Apollo;
Neve mihi sterilis vena, nec illa rudis;
Undique Parthenope speciosa Epigrammata plaudit,
In mediis passim facta, redicta viis:
Plurima legisset memori dignissima lauro,
Si Sors, quas rapuit, blanda dedisset Opes;
Divitiæ Musas augent, & commoda, & aurum;
Negligitur Virtus, cum malè culta jacet:
Pauperies quandoque juvat pro carminis Oestro,
Quandoque ingenio Vimque, Decusque rapit:
Ex teneris annis hausi præcepta legendi
In Patria; vultus lacte mædebat adhuc;
Postea me Genitor duxit Sirenis in urbem,
Hic Ego Grammaticæ prima Elementa bibi:
Loyolæ veneranda cohors me jura metrorum
Edocuit; paruum Cura peregit opus:
Naturæ causas, primævæque semina rerum,
Astrorumque Ortus, Interitusque leves,
Cæsareas Leges, Canones, Celumque, Deumque
Noscere tentavi tempus in omne vigil:
Fœdera Amicitia sprevi pro Palladis Arte,
Corn-

Compressere Animos Otia nulla meos :
 Otia cum Sociis eneruant Mentis Acumen,
 Moribus exitium, Perniciemque ferunt :
 Antiquos Vates legi, legique Recentes,
 Glisceret ut studiis culta Minerva suis:
 Prototypa inspiciat laudanda Poësis, oportet,
 Ex illis lumen, Consiliumque fluit :
 Alterius formas imitatur Pictor ; Ideas
 Alteritus spectat quique Poëta bonus ;
 Sol erat in Cancræ Signo sub parte suprema,
 Cùm capit Vitæ munere Vita frui ;
 Pulchra Dies Veneris vidit me Matris ab alvo
 Enasci, primum cùm daret Alba jubar :
 Juppiter hinc stabat, mæstus Saturnus & illinc ;
 Valdè juvant Musis talia signa meis :
 Alter dat stimulos bilares ad Carmina, & alter
 Segregat è populo, tristitiamque parit :
 Contribuit Defunctus Avus mihi Nomen ; ab illo
 Augusto Caesar Nomine dicor Ego :
 Carminus est dictus Genitor, mea Carmina tali
 Nomine prædixit forsàn, & Ingenium :
 Sed Genitrix Dorothea Deas, Phæbique Sorores
 Præsenst, Genio Numina grata meo :
 Tres habui fratres conjunctos Sanguine utrinque,
 Parca unum necuit, Spemque, Decusque Domus :
 Ter ternas Natas genuit charissima Mater,
 Vix orta Fatæ præda fuere sui :
 Bis jacui in lecto infirmus ; bis proxima tergo
 Mors visa est ; Superis bis mea vota dedi :
 Gustavi lymphas per tempora longa. Lyæus
 Neve Gula vino pocula plena dabat ;
 Hippocrates jussit, biberem quod munera Bacchi,
 In toto è studiis corpore Pallor erat :
 Bis jam quina fluunt mihi lustra fugacia ab ortu,

O to-

O totidam tribuant, Fata benigna precor :
Omnia temporibus super addita tempora limant ;
Omnia nobilitat Cura, comesque Labor ;
Stramina fecerunt primo sub tempore Romam,
Nunc Mundi Stupor est, Orbis & illa caput :
Sublimis Platanus, Quercus, Cupressus, & Ornus,
Exiguum exiguo Corpore Gramen erant :
Sunt qui Thesauros cumulant, titulosque requirunt,
Atque augent parta Nobilitate Genus ;
Sunt qui conantur tolli super aethera fastu,
Sive illud pascat Fas sibi, sive Nefas ;
Committunt Alii per Carula Carbasa Ventis,
Proque Opibus Velis extera Regna petunt ;
Opponunt Alii rigido sua Corpora ferro,
Ut rigidae vitent Vulnera dura Famis ;
Romanas Aulas Alii quærunque, coluntque,
Ut decoret tandem Mitra decora caput,
Ipse Ego contentus parvo traducere Vitam,
Delicias reputo Carmina sola meas ;
Extra Virtutem sunt Omnia Maror, & Angor,
Aspectu quamvis sint pretiosa suo ;
Dat quæcumque Homini felix Fortuna, peribunt ;
Gloria post Cineres una superstes erit :
Regna, Urbes, Populi, tacite labentibus Annis,
Praescriptum certo in tempore funus habent :
Pulvis, & umbra tegit sublimi fronte Colossos,
Atria seu Martis, Templaque sive Jovis :
Amphitheatra, prius Miracula maxima Rerum,
Anguibus, & Colubris non nisi Nidus erunt ;
Temporis ad fluxum Sapia provida mentis
Pubescit, semper pulchrior ore nitet ;
Ut sese renovat melior post funera Phœnix,
Sic Virtus melior post sua Fata viger :
Una mori nescit, moriantur cætera quamvis ;

Cæ-

*Cetera prætereunt, attamen una manet;
Felix qui studiis format Mentemque, Animumque
Nam cultum Vitæ Simplicioris habet;
Associat Superis Pallas, redditque beatos
Quorquor Consilii dulce sequuntur iter;
Pindarus, Anacreon, Alcaeus, & Orpheus Umbra est;
Nase levis pulvis, Virgiliusque Cinis;
Sed vivit Nomen quod Sol enascitur, & quod
Post Ortum extincta luce peremptus obit:
Seu Cras, sive Hodie moriar miser, Urnaque
claudet;*

*Omnia quod vivat Sæcula, Nomen erit.
Conspicuos Equites colui, magnosque Dynastas,
Quod mihi prodesset, nil tamen inde venit:
Mæcenat obiit, nec nostro hoc tempore Cæsar
Ullus adest, Musas qui super Astra debat:
Auriferæ Chlamydes plusquam bona Carmina
amantur:*

*Virtutes Auro postposuisse juvat:
Omnia contemno, satis est mihi sola Poësis,
Hæc Nos vel Reges, vel facit esse Deos,*

CENSORIS LAUS

Metra Endecasyllaba.

INter Carmina nostra sanctiora,
Qua leges redolent Pudoris, atque
Infamis Veneris fugant Amores,
Censor noluit esse quæ Catullus
Lascivis numeris, metrisque fadis
Forsan scripserat, ut reor; proinde
Factum nobile censeo, putoque
Dignum conspicuis quidem triumphis,
Dignum plausibus, atque laude, fulget
Quæ pulchris radiis, nitetque Phabus,
Quæ mersus tenebris jacet sepultus.
Quotquot Carmina condidit Væustas,
Quotquot Carmina nostra format Ætas,
Committi facibus, merentque flammis,
Cum sunt dissona sensibus pudicis,
Cum castis Animis nocent, & aures
Ladunt Xenocratis, Deique Cultum;
Nam sensim pariunt, foventque pravas
Cordi delicias, necantque Honestum,
Virtutem perimunt, latente Viru,
Mores insciant, proculque tollunt
Quidquid Religio, Fides, Decorque
Nostris addiderat fibris, & Orco
Damnant quot lepidas legunt Camenas;
Sit quamvis tenuis favilla, sepe
Ignes Immodicos parit, domumque
Perdis cum Domino, diùque gazas
Servatas scriniis; Cinisque sunt
Gemma, Divitia, Trabes, Supellex.

Et quidquid sibi Fastus optat, amabit,
Et Curis parat, & Labore quarit;
Addiscas sine labe semper esse
Carmen, quod docet, & notat Possis
Semper Virgineis amica Musis;
O quantum mihi displicet Cupido!
O quantum Venus, & Pater Læus,
Cum versus lego, scribo, pango, & illos
Chartis infero, paginisque trado,
Ut vivant, nimium dolente Fato,
Postquam me Lachæsis recludet Urna,
Et vitam rapiet maligna Clotho!
Plures tartareo cremantur Igne
Æternum Miseri dolent sub Orco,
Atque inter Stygios queruntur Angues,
Qui laudes capiunt, habentque plausus
Per totos Populos, canente Fama
Felix Ingenium, sublime Carmen,
Mœsas laurigeras, Salesque cultos,
Quid prodest tamen hoc Reis Gebenne,
De Cælo Exulibus per omne lustrum,
Infestisque Deo, Deique Juri
Dum stabit Deus, & manebit Æther?
Non Lascivia, sed Pudica Honestas
Felices facit, & bonos Poëtas.

ERRATA CORRIGE.

Primo Impetu facile erramus, advertentia deinde corrigit errores, qui incaute irreperunt: Reflexio est veluti Urſa, quæ Arte, & ingenio reformat quidquid informetur, & conſpicit: pauca evenerunt in hoc Opere, partim ex Incuria Typographi, partim ex Inadvertentia Authoris; corrige Igitur, Lector, & diu Vale.

Pagina 98 omiſſum eſt. Ri Conjunctivi in quacumque conjugatione apud Oratores breve eſt, apud Poëtas anceps.

Pagina 99 Navis devenit ad ultimas ſyllabas, quam ad finem, & metam Artis, quam Metricam appellamus: legas; Navis devenit ad ultimas ſyllabas tamquam ad finem, & metam Artis, quam Metricam appellamus.

Pagina 284 Adavus, Adavia, Adnepos, Adneptis, legas, Abauus, Abavia, Abnepos, Abneptis.

Imprimatur die 25. Maii 1714.

**CAN. D. NICOLAUS ROTA
PROVIC. GEN.**

D. Petrus Marcus Giptius Can. Dep.

L A T I N Æ

P O E S E O S

Opusculum primum

| In duos libros partitum.

P R Æ F A T I O.



Oësis bicipiti, at-
que bilingui mō-
stro comparatur
à Poëtis, quo-
niam delectat fa-
bulis, & prodest

allegoriis; fictis rerum imagi-
nibus jocatur ad animorum
hilaritatem; & sanis consiliorū
eruditionibus mentes illustrat
ad capeffendam virtutem, un-
de est illud Horatij in sua poë-
tica, & prodesse volunt, & dele-
ctare Poëtæ. Pallas ex capite
Jovis, Poësis ex mente Apolli-
nis natalia agnoscit, & Genesim,

A

ejus

3
 ejus Comites duæ sunt, Musica, &
 Symphonia, hisce magis emi-
 cant verba, & plus oblectat ver-
 borum artificiosa textura. Nos
 hoc Opusculum in duos Li-
 bros dividimus; in uno de Arte
 metrica pro recta syllabarum
 quantitate; in altero de Arte
 poetica pro urbana metrorum
 coagulatione tractabimus; sit
 ergo felici Numinis auspicio, &
 felicioris exordij alite.

DE ARTE

M E T R I C A

Liber Primus.

ARs Metrica ita dicitur à
 Metro, quod per pedes
 metimur: non est aliud nisi Ars
 metiendi Metra in quocumque
 genere; docet enim regulas, &
 præcepta cognoscendi syllaba-
 rum quantitatem, & percipien-
 di

3

di pedum qualitatem pro metrorum compositione, & eorundem elaboratione. Metrum fit ex pedibus, pedes constat ex syllabis cum certa quantitate, syllabæ componuntur ex literis: Quamobrem primò de literis, secundò de syllabis, tertio de pedibus, quartò de metro, quinctò de regulis cognoscendi quantitatem omnium, & singularum syllabarum agemus.

DE LITERIS.

Litera ita dicitur á lituris, seu maculis illis, quas recipit ab atramento, cum notatur, imprimitur, & delineatur; litera est minima pars vocis articulatæ; literæ plura accidunt, primò figura, secundò nomen, tertio potestas, quartò numerus, quinctò ordo. Literæ quibus utitur

Latini sunt viginti tres A, b, c, d, e, f, g, h, i, k, l, m, n, o, p, q, r, s, t, u, x, y, z, ex quibus tres sunt proprię Græcorum, v, x, y, z, quia in dictionibus græcis locum habent; illis tamen utuntur Latini in dictionibus græco-latinis; propterea literę proprię Latinorum non sunt nisi viginti, quę remanent, hisce tribus ademptis. Literę dicuntur etiam Elementa, quia sicuti ex Elementis tanquam corporibus simplicibus omnia mixta efficiuntur, ita ex literis tanquam simplicibus, & rudibus principiis omnes lexes, seu dictiones elaborantur; dicuntur etiam notę, quia a tramento notantur, cū scribuntur.

Literę dividuntur in alias vocales, & in alias consonantes. Vocales sunt sex A, e, i, o, u, y; dicuntur.

cuntur vocales, quia solæ vocē
habēt, & solē proferri possunt. Ex
vocalibus sex totidē diphthong-
i enascuntur; diphthongus est
syllaba una, & eadem compacta
ex duabus vocalibus simul, ut
ae, au, ei, eu, oe, yi: ex his diph-
thongis quædam scribuntur, &
pronunciantur, ut scribuntur,
quales sunt au, ei, eu, yi; quædam
aliæ scribuntur, & non pronun-
ciantur, ut scribuntur, quales
sunt ae, oe; nam pronunciantur
ut e: Poetæ habent facultatem
dissolvendi diphthongū in duas
syllabas per duo puncta, singula
posita supra singulas vocales:
Consonantes sunt decem, & se-
ptem, quæ remanent ex Abece-
dario, ademptis sex vocalibus;
nempè b, c, d, f, g, h, k, l, m, n,
p, q, r, s, t, x, z, dicuntur consonā-
tes; quia consonant, & vocem

habent cum vocali adjuncta, ut be, ce, de, ef, ge, ah, ka, el, em, en, pe, qu, er, es, te, ix, zeta.

Consonantes iterum dividuntur in octo mutas, & octo semivocales; mutæ sunt illæ, quæ habent vocalem post se, ut be, ce, de, ge, ka, pe, qu, te: Semivocales sunt illæ quæ proferuntur cum vocali ante se, ut ef, el, em, en, er, es, ix & zeta quæ æquivalet duplici S, & proinde numeratur inter semivocales. Nunc lis est an h sit litera an aspiratio: summa dissentio est inter Authores cum Donato, Diomede, & aliis; nos docemus esse aspirationem, & non literam, unde in metro habetur, ut si non esset.

Ex semivocalibus quatuor sunt liquidæ, m, n apud græcos, sed rarò; l, r apud latinos, sed frequentissimè: duæ sunt duplices

x, &

7

x, & zeta; x valet duas consonā-
tes cs, gs; zeta totidem cōsonan-
tes complectitur, scilicet duas s;
nec literæ contemnendæ sunt,
licet minimæ, quia sine iis sylla-
barum natura dignosci non po-
test, & consequenter nec pedes,
nec metra rectè percipi queunt.
Minima nunquam sunt despi-
cienda, si sine minimis maxima
cōsistere, aut subsistere nequeāt.

Advertas primò circa literas,
quòd I, & V extra dictionem vo-
cales sunt, quia solæ proferun-
tur: intra dictionem, si præcedāt
aliā vocalem, cum qua faciūt
eandem syllābam, habent vim
consonantis, quia cum sequenti
vocali sonum, et pronuntiatio-
nem habent; ut jecur, janua, vi-
ta, victoria, jocus, video.

Advertas secundò, quòd I po-
situm inter duas vocales in ali-

qua dictione naturam induit
consonantis, ut major, Troia, ajo
quia proferri non potest sine
vocali subsequenti,

Advertas tertio, quod jota
græcorum semper est vocalis,
quia semper pronuntiatur so-
lum, ut I, aſon, I, ambus, I, aspis:
iod Hæbreorum semper est con-
sonans, quia semper profertur
cum vocali sequenti, ut Je, ſus,
Ja, cobus: Jo, annes: Poetæ ta-
men in metro possunt pronun-
ciare iota, ut iod, et iod, ut iota.

Advertas quarto, quod u post
q semper est consonans, quia
pronunciatur simul cum eodem,
& vocali sequenti, ut quare,
quamobrem, quod.

Advertas quinto, quod lite-
ræ liquescunt, quotiescunque
mutant propriam naturam in-
tra dictiones, ita ut vocales fiant

con.

9
consonantes, aut consonantes ex
semivocalibus fiāt mutæ, aut vo-
cales, ex brevibus fiāt cōmunes.

Advertas ultimò, quod litera
f, quamvis extra dictionem sit
semivocalis, quia profertur cū
vocali ante se, ut ef; tamen in-
tra dictionem, si præcedat liqui-
dam l, aut r, evadit muta, quia
sonum recipit à vocali subse-
quenti, ut flecto, et non eflecto;
frango, et non efrango; fræno,
et non efræno; flamen, et non
eflamen.

DE SYLLABIS.

Syllabæ ex literis fiunt: Syl-
laba est unius, aut plurius
literarum unica comprehensio,
ut amor, amator, amatus. Syl-
laba multiplex est, primò divi-
ditur in alias primas, in alias
medias, et in alias ultimas: secun-

dò dividitur in alias longas, in alias breves, et in alias cōmunes, seu ancipites. Syllabæ primæ sunt illæ, quæ habent primum locum, syllabæ mediæ sunt illæ, quæ habent medium locum; syllabæ ultimæ sunt illæ, quæ habent ultimum locum in dictione, ut amatores, audiemus, legemus: syllabæ longæ sunt illæ, quæ pronunciantur tempore lōgo, ut audimus, obedimus; syllabæ breves sunt illæ, quæ pronunciantur tempore brevi, ut légimus, cúrrimus; syllabæ cōmunes, seu ancipites sunt illæ, quæ pronunciantur utroque tempore, ut volucres, et volucres, tenebræ, et tenebræ.

DE PEDIBUS.

Pedes ex syllabis componuntur, duobus, tribus, aut pluribus. Pes est pars metri cum certo

certo numero, ordine, et quantitate syllabarum: partes metrorum dicuntur pedes, quia sicut in pedibus ultra procedamus, ita metrum per pedes paulatim progreditur ad sua fine, et ad principium alterius metri subsequenteris.

Pedes sunt in multiplici specie, pro nunc sufficiat nosse Dactylum, Anapæstum, Spondæum, Pyrrichium, Choriæum, et Iambum, de cætera familia pedum agemus in arte pœtica. Dactylus pes est constans ex tribus syllabis, quarum prima est longa, cæteræ breves, ut sydera, flumina, carmina. Anapæstus pes est constans ex tribus syllabis, quarum ultima est longa, cæteræ breves, ut animos, tumidos, fluvios. Spondæus pes est constans ex duabus syllabis, quæ

ambæ longæ sunt, ut armis, castris, arvis pyrrichius pes est constans ex duabus syllabis; quæ ambæ breves sunt, ut dolor, furor, Deus. Chorus, seu Trochæus, pes est constans ex duabus syllabis, quarum prior est longa, posterior brevis, ut bella, regna, plaustra. Iambus pes est constans ex duabus syllabis; quarum prior est brevis, posterior longa, ut dolos, Deos, foves

DE METRO.

Metrum ex pedibus contextitur: metrum est Oratio certo genere, certo numero, et certo ordine pedum alligata; unde pedes in metro habent genus, numerum, et ordinem definitum ab Authoribus; etiam Poëseos professoribus differunt

maximè inter se Oratio Poetarum, et Oratio Oratorum, illa est pedibus colligata, et compaginata; hæc est à pedibus immunita, et absoluta: facilius est proinde orare cum Oratoribus, scilicet cum Tullio, Demosthene, et Isocrate, quam poetizare cum Poetis, nempe cum Virgilio, Pindaro, aut Homero.

Metrum multiplex est ex dicendis in arte poetica; pro nunc duplex est, Exametrum nimirum, et Pentametrum: Exametrum metrum est constans ex sex pedibus, quorum primi quatuor, vel omnes sunt Dactyli, vel omnes sunt Spondæi, vel mixti ex Dactylis, et Spondæis; quintus semper est Dactylus; sextus semper est Spondæus: Pentametrum metrum est constans ex quatuor pedibus, et duabus Cæsuris;

furis; duo primi pedes, vel sunt
ambo Dactyli, vel ambo Spon-
dæi, vel alter Dactylus, et alter
Spondæus; postea sequitur syl-
laba longa, quæ dicitur Cæsura,
quasi cæsa, et disjuncta à duobus
pedibus antecedentibus; deinde
sequuntur duo Dactyli, ultimò
syllaba altera longa, quæ tan-
quam secunda Cæsura est quasi
abstracta, et recisa à cæteris
omnibus præcedentibus, pro
exemplo sint illi versus Ovi-
dij in suis Epistolis, Epistola
prima Penelopes ad Vlyssæm.

*Hanc tua Penelope lento tibi
mittit, Ulyssæ:*

*Nil mihi rescribas, attamen
ipse veni.*

Quorum metrorum prius
est Exametrum, posterius est
pentametrum, et sic scanduntur
seu dividuntur in suos pedes.

Hanc

15
*Hanc tua: Penelo: pe len to tibi:
mittit U:lisse.*

*Nil mibi: rescri:bas: attamen ;
ipse ve:ni.*

Vbi apertè, et evidenter inspi-
ciuntur ea , quæ dicta sunt de
utroque metro, Exametro nimi-
rùm, et Pentametro.

DE REGULIS

Cognoscendi quantitatem om-
nium , et singularum
syllabarum.

Regulæ cognoscendi quanti-
tatem omnium , et singu-
larum syllabarum sunt in qua-
druplici genere, aliæ pertinent
ad primas , et medias syllabas;
aliæ pertinent ad incrementa
nominum , aliæ ad incrementa
verborum , aliæ denique ad ul-
timas syllabas ; de omnibus sin-
gil.

gillatim, et ordinatim dicemus.

DE REGULIS

Pertinentibus ad primas, et medias syllabas.

Regule cognoscendi tempora, et quantitatem primarum, et mediarum syllabarum plures sunt, prima est vocalis ante vocalem in dictionibus latinis: secunda est vocalis ante vocalem in dictionibus græcis: tertia est Diphthongus, quarta est positio, quinta est liqueſcētia, sexta est præteritum dissyllabum, septima est præteritum geminans primam, octava est supinum dissyllabum: nona est supinum polysyllabum, decima est derivatio, undecima est compositio, duodecima est præpositio; decimatertia est terminatio

natio prioris partis in compo-
sito.

DE VOCALI ANTE VOCA-
lem in dictionibus latinis.

REGULA PRIMA.

Quotiescumque in dictio-
nibus latinis vocalis præ-
cedit vocalem, quæ prior est,
brevis est: ut *Deus*, *pius*, *redeo*,
video, *obedio*, et sic deinceps.

EXCEPTIONES.

Primò excipitur *Fio* cum cō-
positis, ut *Confio*, *Defio*,
Perfio, in quibus vel post utrāq;
vocalē sequitur *R*, vel non se-
quitur *R*; si post utramque vo-
calem non sequitur *R*, vocalis
ante vocalem longa est in om-
nibus temporibus, et modis, ut
fio,

fio;fiam,confio,confiam, et sic de cæteris, si post utramque vocalem sequitur R, vocalis ante vocalem brevis est, ut fierem fieri,confierem,confieri,et idem di. as de similibus.

Secundò excipiuntur nomina quintæ declinationis, quæ in genitivo, et dativo singulari desinunt in ei; nam vel ante e stat vocalis, vel ante e stat consonās; si ante e stat vocalis, e longa est ante vocalem sequentem ut diei speciei, meridiei; si ante e stat consonans, e brevis est ante vocalem subsequenter, ut spei, rei fidei. Vocalis tamen, quæ præcedit e, brevis est ex regula generali, vocalis ante vocalem in dictionibus latinis brevis est.

Excipiuntur tertio omnia nomina, et pronomina, quæ in genitivo singulari desinunt in i, us,

us, ut unius, illius, istius, ipsius: nam apud Oratores habent I ante VS longum, apud Poetas habent I ante VS commune, varium, et anceps: Oratores dicunt invariabiliter un/us, ill/us, ist/us ips/us. Poetæ modò dicunt un/us, ill/us, ist/us, ips/us, modò dicunt in metro un/us, ill/us, ist/us, ips/us. Alius tamen in nominativo semper habet I ante V breve: Alius in genitivo semper habet I ante V longum: sicuti Alterius semper habet I ante V breve tum apud Poetas, tum apud Oratores.

Excipiuntur quartò hæc nomina Pompejus, Caius, Vultejus, et similia, quæ in vocativo singulari faciunt Pompei, Cai, Vultei cum vocali ante vocalem longa.

Excipiuntur ultimò hæc duæ
in:

interiectiones, eheu, et ohe; ex
quibus prima habet e ante e lō-
gam, secunda habet o ante e cō-
mune, varium; et anceps.

Versus pro hac Regula.

*Vocalem breviant, alia subeun-
te, Latini;*

*Produc, ni sequitur R Fio, & no-
mina quinta,*

*Quæ geminos casus, E longo, as-
sumit in ei:*

*I, us commune est vati: produ-
cito Alius,*

*Alterius brevia, Pompei, & cæ-
tera produc:*

*Eben produces semper, variabi-
tur Obe.*

DE VOCALI ANTE VOCALEM
in dictionibus græcis.

REGVLA SECVNDA.

NOmina græca non habent certam, et determinatam regulam, normam, et legē apud Latinos; quandoq; sunt brevia, quandoque sunt longa, quandoque sunt communia in suis syllabis: unde primò symphónia habet penultimam brevem; secundò díus, dia, díum, Thalía, Daríus, Cytheréa, A'er, Eleg'a, atq; alia quāplurima habent penultimam longam; tertiò chorea, et platea habent penultimā communē modò brevem modò longam; nunc enim dicimus in metro platea; nunc plátea; nunc dicimus chorea; nunc chórea; in

soluta tamen oratione apud O.
ratores habent penultimam
semper longam.

Poetæ potestatem habent dis-
solvendi, et resolvendi syllabā
unam longam in duas in qui-
busdam certis dictionibus, ut
Cytherèa, 'Cythereia, Elegia,
Elegeia, et tunc e ante i longa
est; i ante a brevis.

Hæ dictiones græco-latinae
Andreas, Idea, Eucharistia, Phi-
losophia, Astrologia, Ethymolo-
gia, Orthographia, Antiochia,
Samarita, et si quæ sūt aliæ, apud
latinos habent penultimā com-
munem, modò brevem, modò
longam: brevem ex vocali
ante vocalem, longam ex
accentu acuto posito in pe-
nultima à græcis, eum sint
voces paroxytonæ apud eosdē
quam obrem dicere potes, sive
ora.

orator sis cum Tullio, five Poeta
 sis cum Marone, Andre'as, Ide'a
 Eucharistía, Philosophía, Astro-
 logía, Æthymología, Ortho-
 graphía, Antiochia, Samaría, et
 dicere etiam potes ex arbitrio
 A'ndreas, I'dea, Eucharistía, Phi-
 losóphia Astrológia, Ethymo-
 lógia, Orthográphia, Antióchia,
 Samária: sed standum est usui.

Vbi advertas quòd Maria no-
 men proprium Deiparæ sine
 labe conceptæ habet penulti-
 mam communem ex eadem ra-
 tione: mária nomen appellati-
 vum acceptum pro Congrega-
 tione omnium aquarum habet
 penultimam brevem, quia est
 vox latina cum vocali ante vo-
 calem,

Versus pro hac Regula.

*Græca per Ausonia fines sine
 lege vagantur:*

Quæ

Quædam etenim brevibus, ve-
luti Symphonia, gaudent,
Et quædam longis ceu Dia, Cho-
re'a, Tbalia
Darius, Cytheræa, A'er, Elegia,
platea;
Atque alia: at choream rapuit,
plateamque Poeta;
Solvit & in geminas, veluti Cy-
theræa, longam.

DE DIPHTHONGIS

REGVLA TERTIA.

Diphthongi sex sunt æ, au,
 ei, eu, oe, yi hujusmodi di-
 phthongi omnes longæ sunt in
 græcis, et latinis dictionibus. ut
 Æneas, Aurora, Achillei, Euro-
 pa, Cœlum, Harpyia.

Excipitur præpositio præ;
 nam extra dictionem semper
 est

est longa, quia diphtongus; intra dictionem, si præcedit vocalem, est brevis, ut præuro, præustus, præopto, præeo; si præcedit consonantem, est longa, ut præmitto, præpono, præcurro.

Versus pro hac Regula.

*Diphongus longa est in Græcis,
atque Latinis;*

*Præ rape præpositam vocali, dic
que præustus.*

DE POSITIONE.

Regula Quarta.

Positio accidit quadrupliciter in metro, primò si vocalis præcedat duas consonantes in eadem dictione, ut arma, mitto, fructus: secundò si præcedat duas consonantes in diversis dictionibus, ut quatit muros.

B

ar.

armatur gladio . Nobilitat virtus ; tertio si vocalis præcedat unam ex literis duplicibus , ut gaza , gazophylacium , Alexander, maximus; quarto si vocalis præcedat I positum inter duas vocales, modò valeat duplex i, ut Troja, Troija, major, maior, ajo, aijo . Quotiescumque vocalis præcedit duas consonantes in eadem dictione, vel unam ex duplicibus in eadem dictione, vel i positum inter duas vocales in eadem dictione, modò sit i duplex, longa est, ut constat in vocibus præpositis.

Versus pro hac Regula.

Vocalis longa est, si consona binæ sequantur.

Aut duplex, aut I vocalibus interjectum.

”bi advertas primò, quòd si concurrant in metro duæ dictiones;

nes, quarum prior cennat in vo-
calem brevem, posterior habeat
in principio duas consonantes,
vel unam ex duplicibus, tunc
vocalis brevis in fine dictionis
antecedentis remanet brevis,
nec ei tempus addit, vel litera
duplex, vel duplex consonans
in principio dictionis sequentis;
ut Arma Xerxes, Castra steterunt;
unde sunt illi versus.

*Consona principium Verbi for-
tita sequentis,*

*Aut duplex, aut bina, nihil pra-
euntibus augent*

*Temporis, ut fiant longae, ceu
Clara Zacynthos.*

Advertas secundò quòd vo-
calis praecedens i positum in-
ter duas vocales est brevis, quo-
tiescumque i est simplex, & non
duplex i, ut quadriugus, biu-
gus, in quibus i ante i brevis est

quia secundum i est simplex, & non duplex: in metro dicimus subiycio, & subicio, deijcio, & deicio, obijcio, & obicio, in prima tamen dictione prima syllaba longa est, in secunda est brevis, pro quo sunt illi alij ver-
fus.

*Quadriugus raptur, biugus
conjungitur illi,*

*In quibus i duplex non est, sed
consona simplex.*

*Subiycit, & subicit dicunt in
carmine vates.*

DE LIQVE SCENTIA.

Regula Quinta.

Liquescentia est quoties vocalis ex natura brevis præcedens mutam, & liquidam simul in eadem dictione fit communis, ut volucres, po-

podagra, chiragra, pharetra, palpebra, & similia.

Vocalis ex natura brevis præcedens mutam, & liquidam simul in eadem dictione apud Oratores est brevis; apud Poetas est communis, modo brevis, modo longa; unde in soluto sermone dicimus te'nebræ, vo'lucres, po'draga, chíragra, pháretra, pálpēbra: in metro dicimus te'nebrę, & tene'brę, vo'lucres, & volúicres, pódagra, & podágra, chíragra, & chirágra, pháretra, & phare'tra, pálpēbra, & palpebra.

Id intelligendum est non solum in dictionibus latinis, sed etiam in græcis, ut cyncus, tecmessa, in quibus dictionibus prima syllaba communis est apud Poetas, quia habet vocalem ante mutam, & liquidam græcorum. B 3 Ver.

Versus pro hac Regula.
Contrahit Orator, variant in
carmine vates ,
Si mutam, liquidamque simul
brevi una præbit.

Si tamen vocalis ex natura longa præcedit mutam , & liquidam, tunc remanet longa, ut salúbre, volutábrum, lavácrum arátrum, mátris, átros , nec fit brevis per liquefcētiā, ut constat ex illis versibus sequētibz.

At mutam, & liquidam quoties
ab origine longa

Præcedit , rapitur nunquam,
cui Matris, aratrum.

Vocalis quando fit ex natura longa , quādo ex natura brevis, dignoscitur ex nominativo singulari; nam si vocalis in nominativo, antequam præcedat mutam, & liquidam in obliquis , fit longa.

longa, ex natura censetur longa, ut mater, deinde in obliquis matris, matri, matrem, matre, matres, matrum, matribus prima semper est longa: si vocalis in nominativo, antequam præcedat mutam, & liquidam in obliquis, sit brevis, censetur ex natura brevis, ut Pater, Calaber, Cantaber, deinde in obliquis patris, patri, patrem, patre, Calabri, Calabro, Cantabri, Cantabro, & sic deinceps, observatur regula de liquefcentia, & idem dicimus in Coluber, colubri, colubro, colubrum, & sic ulterius.

Insuper si vocalis præcedat mutam, & liquidam in dictionibus compositis, ita ut muta pertineat ad partem antecedentem, & liquida ad partem subsequentem, remanet longa,

& liquescentia nullum habet effectum, ut obruo, abrepo, abluo, quod patet ex illis aliis versibus.

*Utraque vocalem si consona
iuncta sequentem*

*Non ferit, anteiens brevis est,
velut obruo, nunquam.*

dicimus enim ob·rūo, nō o:bruo
ab:repo, non a:brepo, ab:lūo,
non a:bluo.

DE PRÆTERITIS DISSYLLABIS.

REGULA SEXTA.

Præterita dissyllaba, seu dissyllaba sunt illa, quæ duas habent syllabas, ut vidi, vici, movi, sedi.

Omnia præterita dissyllaba habent primam longam, ut vidi, vici, movi, sedi, & idem dicas de compositis, ut pervidi, devici,

ci, commo'vi, conse'di, quoniam
composita sequuntur legem, &
regulam simplicium, ut dicemus
inferius.

Excipiuntur sex præterita ste-
ti à sto, dedi a do, scidi à scindo
tuli à fero, fidi à findo, & bibi à
bibo, quæ habent primam bre-
vem, & idem observatur in cõ-
positis, ut abstiti, circumdedi,
abscidi, contuli, diffidi, combibi.

Veni vel est præteritum, vel im-
perativum; si præteritum, habet
primam longam, quia est bisyl-
labum: si imperativum, habet
primam brevem, quia deriva-
tur à venio, in quo prima est
brevis: derivata sequuntur na-
turam derivantium.

Fidi à Fido habet primam
longam, quia est præteri-
tum dissyllabum: à Findo ha-
bet primam brevem, quia pati-

tur exceptionem; unde dicimus
diffidi à diffindo, & dididi à dif-
fido.

Versus pro hac Regula

*Præterita assumunt primam dis-
syllaba longam;*

*Sto, Do, scindo, fero rapiunt,
bibō, findo priores.*

Nunc lis est, quomodo di-
cendum sit Abscidit, an A'bsci-
dit? utrumque dici potest apud
Pòetas; apud Oratores dicitur
A'bscidit, quia Pòetæ putant
componi à Scindo, & à Cedo:
Oratores existimant componi
à solo verbo Scindo, cum reces-
serit ab usu compositum à Cæ-
do: unde est ille versus

*Abscidit, Abscidit modulatur
utrumque Pòeta.*

~~DE PRÆTERITIS~~

geminantibus primam.

REGULA SEPTIMA.

PRæteritum geminat primam, cum ex tribus syllabis constat: tripliciter præteritum geminat primam, primò sine ulla positione in syllabis, ut peperi; secundò cū positione in alterutra, ut tetendi: tertio cum positione in utraque, ut concessi.

Si præteritum geminet primam sine ulla positione, tunc ambæ primæ syllabæ sunt breves, ut peperi, cecini tetigi: si utramque cum positione, utraque est longa, ut extendi; si alterutram, tunc syllaba cum positione longa est, ut tetendi, cucurri.

Cecidi à cædo, & Pepédi à pædo habet primam brevem, & se-

secundam longam per exceptionem; cecidi à cado habet primam, & secundam brevem; omnia manifestantur ex illis versibus.

*Præteritum geminet si primam,
corripe utramque;*

*Ut pario, peperî, vetet id nisi
consona bina;*

*Cado cecidit habet longam, ceu
pedo pepédi.*

DE SUPINIS DISSYLLABIS

REGULA OCTAVA.

Supina dissyllaba, seu dissyllaba dicuntur illa, quæ ex duabus syllabis constant, ut motû, visum, latum; hujusmodi supina primam syllabam longam habent.

Excipitur primò supinum à reor, ut ratum; secundò à cieo ut citû; tertio à sero, ut satum; quarto ab eo, ut itû; quinto situm

tum à sino; sextò litum à lino;
 septimò datum à do; octavò
 quitum à queo; nonò rutum à
 ruo, in quibus prima syllaba est
 brevis.

Versus pro hac Regula.

*Cuncta Supina volunt primam
 dissyllaba longam;
 At Reor, & Cieo, Sero, & ire, sino.
 que, Linoque,
 Do, Queo, & orta Ruo breviabūt
 ritè priores.*

Nunc advertas omnia Supi-
 na composita ab his, retinent
 penultimam brevem, quia cō-
 posita sequuntur quantitatem
 simplicium in iisdem syllabis, ut
 infrà dicemus. Quamobrem ex-
 citum, cōcēitum à cieo; cōsi-
 tum, circūmsitum à sero; re'di-
 tum, ōbitum ab eo; de'situm
 pērsitum à sino; o'blitum, pe'r-
 litum à Lino; circūdatum à

Do

Do, cónquítum à queo, & dí-
rutum, óbrutum à Ruo habent
penúltimam brevem. Cítum
habet primam longam à Cio
verbo quartæ conjugationis, &
sic cōpōsita concítum, excítum
habent penúltimam longam.
E contra Cítum habet primam
brevem à verbo Cio secundæ
conjugationis, & sic composita
éxcítum, cóncítum habent pe-
núltimam brevem.

DE SUPINIS POLISYLLABIS REGULA NONA.

Supina Polysyllaba sunt ea,
quæ habent plures syllabas,
quàm ~~duas~~ : alia desinunt in u-
tum, alia desinunt in itum à
præterito in ui; alia desinunt in
itum à præterito in V, i, vel di.

Omnia Supina Polysyllaba
desinentia in Utum, ut pollú-
tum,

tum, argútum, solútum, volútum habent penultimam longam.

Omnia Supina Polysyllaba in itum, à præterito in *U*i habent penultimam longam, ut auditum, petítum, cupítum à præterito audiui, petivi, cupivi.

Omnia Supina Polysyllaba in itum à præterito in *u*, *i*, vel *di*, habent penultimam brevem ut monitum à monu, *i* tacitum à tacu, *i*, creditum a credidi.

Excipiuntur Agnitum, & cognitum a præterito agnovi, & cognovi, quoniam habent penultimam brevem.

Versus pro hac Regula.

Utum produciunt Polysyllaba cū.

Et a Supina;

*De V, præterito semper produci-
tur Itum;*

*Agnitus agnosco; cognosco cogni-
tus effert.*

Cæ.

*Cetera corripies in Itum tu cun-
Ha Supina.*

Dubitatur nunc quomodo sit pronuntiandum, conditum, an conditum. Distinguas, vel huiusmodi Supinum venit à verbo Condio, vel à verbo Condo: si à verbo Condio, condis, habet penultimam longam, & dicitur conditum, quia venit à præterito condivi desinente in ui. Si à verbo Condo, condis, habet penultimam brevem, & dicitur conditum, quia à præterito condidi, ut volunt Experti in hac materia.

DE DERIVATIS

REGULA DECIMA.

Derivata sunt ea, quæ ab aliis derivantur, & ab aliis originem trahunt.

De.

Derivantia sunt ea, ex quibus alia derivantur: sic Venio, Veni, Amo, Lego, Fero, Bibo, Video dicuntur derivantia, quia à Venio derivatur venis, veniebam, veniam, venire: à Veni derivatur venisti, veneram, venissem, venerim, venero, venissem: ab Amo derivatur amans, amator, amor: à Lego derivatur legans, legatus, legatio: à Fero derivatur ferens: à Bibo bibens: à Video videns, & sic de similibus.

Omnia derivata sequuntur naturam eorum, a quibus derivantur: unde in iisdem syllabis sunt longa, brevia, aut communia. Sic paternus, paterna, paternum in omnibus casibus, & numeris habent primam brevem, quia derivantur a Pater, ubi prima syllaba est brevis:

n. aternis, ma terna, mater-
num in omnibus casibus, & nu-
meris habent primam longam,
quia derivantur a Mater, ubi
prima est longa. Propinans,
propinator, propinaturus in
omnibus casibus, & numeris
habent primam communem,
quia derivantur a Propino, ubi
prima est communis; modò
brevis, modò longa.

Excipiuntur primò mobilis,
lances, laterna, regula, & se-
des, in quibus prima syllaba est
longa, licèt eadem brevis sit in
Moveo, Foveo, Lateo, Rego, et
Sedeo, à quibus derivantur.

Excipiuntur secundò Arista,
Vadum, Sopor, et Lucerna, in
quibus prima syllaba est brevis,
quamvis eadem sit longa in A-
reo, Vado, Sopio, et Luceo, à
quibus derivantur: cætera ò-
mnia

omnia pertinentia ad hanc regulam usu, Prosodia, et exemplis Poëtarum addiscuntur.

Versus pro hac Regula.
Derivata Patris naturam Ver-
ba sequuntur,
Mobilis, & Fomes, Laterna, ac
Regula, Sedes,
Quamquam orta è brevibus, gau-
dent producere primam:
Corripiuntur Arista, Vadum,
Sopor, atque Lucerna,
Nata licèt longis; Usus te plura
docebit.

DE COMPOSITIS.

REGULA UNDECIMA.

Composita sunt ea, quæ ex aliis componuntur, ut perlego à lego, Adamo ab Amo, Deprecor à Precor, ebibo à bibo,

bo, præfero à fero.

Simplicia sunt ea, quæ ex aliis non componuntur, ut lego, amo, precor, bibo, fero. Simplicia tripliciter reperiuntur in compositis, primò omnibus integris & invariatis, ut eo redeo, fero, antefero, luceo, perluceo: secundo mutata vocali in aliam vocalem, ut cado, occido; tertio mutata diphthongo in simplicem vocalem, ut audio, obedio, & sic in aliis.

Composita sequuntur, et retinent legem, regulam, & quantitatem suorum simplicium; unde si simplex sit breve, longum, aut commune, compositum pariformiter erit breve, longum, aut commune in eadem syllaba; siue simplex stet integrum, siue mutet vocalem in vocalẽ, siue mutet diphthongum

in vocalē in cōposito, ut cōstat
 in dictionibus prepositis: ex quo
 sequitur primò, quòd ebibo,
 perlego, adamo, deprecor ha-
 bent penultimam brevem, quia
 eadem est brevis in simplicibus
 bibo, lego, amo, precor. sequitur
 secūdò, quòd occido, occidis, oc-
 cidit habent penultimam bre-
 vem a simplici cado, cadis, cadit:
 habent penultimā longā a cædo,
 mutata a in i in suis compositis
 sequitur tertio, quod obedio,
 obedis, obedit habent penulti-
 mam longam, quia eadem est
 longa in simplici audio, audis,
 audit, quod mutat au in e in
 suis compositis.

i Primò excipiuntur deiero, &
 peiero, in quibus secunda sylla-
 ba brevis est, licet eadem sit lon-
 ga in simplici iuro, iuras.

Secundò excipiuntur innu-
 ba,

a, & pronuba, in quibus penultima est brevis, quamvis eadem sit longa in simplici nubo, nubis

Tertiò excipitur nihilum, ubi penultima est brevis, quantumvis eadem sit longa in simplici hilum.

Quartò excipitur semosopitus, ubi antepenultima brevis est, etsi eadem longa sit in simplici sopio.

Quineto excipiuntur omnia nomina composita à dico, ut fatidicus, causidicus, veridicus, falsidicus, in quibus penultima est brevis, cum sit longa in simplici dico, dicis,

Sextò excipitur ambitus, ambìta, ambitum, participium, ubi penultima longa est, licet eadē sit brevis in simplici itum. Ambitus, ambitus, ambitui nomen quartæ declinationis habet penultima.

nultimam brevem.

Versus pro hac Regula.

*Legem simplicium retinēt com.
postea suorum;*

*Vocalem licet, aut diphthongum
syllaba mutet:*

*Deiero, sed iuro dat, peieroque;
innuba nubo,*

*Pronubaque, atque bilum ni-
bilum dat, semisopitus*

*Sopio: fatidicus, fratresque à di,
co creantur:*

*Participiale ambitum ab itum
inter longa repone.*

DE PRÆPOSITIONE REGULA DUODECIMA.

P Ræpositio ita dicitur, quia
præponitur verbis, aut no-
minibus simplicibus, mutando,
augendo, aut diminuendo eo-
rum significationem.

Pre,

Præpositio multiplex est, alia in a, ut amitto: alia in e, ut eripio: alia in de, ut depono: alia in se, ut separo, alia in di, ut dimitto: alia in re, ut remitto, alia in pro, ut propono: alia in ab, ad, in, ob, per, sub, super, ante, & circum, ut aberro, adamo, inuro, obeo, perungo, subeo, superaddo, antefero, circumago.

Primò præpositio a, de, e, se, di longa est in compositis, ut amitto, depono, eripio, separo, dimitto, in quibus prima syllaba elongatur. Excipiuntur dirimo, & difertus, in quibus præpositio di brevis est per exceptionem.

Præpositio Re brevis est, ut repono, remitto, reduco: Excipitur refert referebat impersonale, quod habet Re longum in omnibus temporibus, & modis: Refero, refert personale in omni.

omnibus temporibus, & modis
habet Re breve; disparitas est,
quia refert, referebat imperso-
nale habet ly Re tanquam no-
men quintæ declinationis,
quod est longum, ut dicemus
in ultimis syllabis: refero, refers
personale habet ly Re tanquam
præpositionem, quæ brevis est
in compositis.

Præpositio Pro apud Græcos
in dictionibus græcis brevis est,
ut propontis, propontidos, ubi
pro breve est in omnibus casi-
bus utriusque numeri. Præpo-
sitio pro apud Latinos in dictio-
nibus latinis longa est, ut pro-
moveo, protraho, produco, plu-
ra tamen excipiuntur ab hac
regula.

Primò excipiuntur compo-
sita à fundus, ut profundus, pro-
funda, profundum, quæ in om-

nibus casibus, & numeris habent.
Pro breve.

Secundò excipiuntur composita à Fugio, ut profugio in omnibus temporibus, & modis: profugus, profuga, profugum in omnibus casibus, & numeris habent Pro breve.

Tertiò excipiuntur composita à Nepos, & Neptis, ut pronepos pronepotis, proneptis hujus proneptis in omnibus casibus, et numeris habent Probreve.

Quartò excipiuntur composita à Festus, ut profestus, profesta, profestum, in omnibus casibus, et numeris cum Pro breve.

Quintò excipiuntur omnia composita à faris, vel fare, ut profaris, profare, profatur, profatus in omnibus temporibus,

et modis cum Pro breve.

Sexto excipiuntur omnia
posita à fateor, ut profiteor
iteris, profiteri, profitetur
in omnibus temporibus, et mo-
; professio etiam, et profes-
; professa, professû in omni-
s casibus, et numeris habent
o breve.

Septimò excipiuntur omnia
imposita à Fanum, ut profa-
us, profana, profanum in o-
mnibus casibus, et numeris ha-
bent Pro breve.

Octavò excipiuntur profe-
cto adverbium, procella, et pro-
tervus, proterva, protervum
in omnibus casibus, et nume-
ris habent Pro breve.

Proficiscor, proficisceris in o-
mnibus temporibus, et modis
habet Pro longum; sicuti pro-
fectus, profecta, profectum in

omnibus casibus, et numeris, et consequenter profecto in dativo, et ablativo singulari, habent Pro longum.

Nono excipitur propago; nam vel est nomen, vel est verbum: si nomen, et significat genus, stirpem, prosapiam, habet Pro breve; si nomen, et significat vites, habet Pro longum: si verbum, habet Pro commune in omnibus temporibus, et modis, ut propagas, propagabam, propagavi, propagaveram, propagabo, et sic deinceps.

Decimo excipiuntur propino, propinas; procuro, procuras, et profundo profundis in omnibus temporibus, et modis habentia Pro commune, modo breve, modo longum.

Præpositiones ab, ad, in, ob, per, sub, super, ante, et circum, bre-

breves sunt in compositis, ut
 aberro, aduro, inhæreo, obo,
 perago, subeo, superaddo, an-
 tefero, circumago: si tamen se-
 quantur post earum vocalem
 duæ consonantes, tunc vocalis
 longa fit positione, ut abripio,
 adsono, insurgo, obtempero,
 pertingo, submitto, superpono,
 circumdo. Præpositio Cir-
 cùm apud Antiquos remane-
 bat integra ante vocalem, aut
 diphthongum, & erat brevis:
 nunc absorbetur M cum vocali
 antecedenti, quoties præcedit
 vocalem, aut diphthongum,
 per figuram, quæ appellatur
 Ecclipsis à Poëtis; ut dicemus
 infra in ultimis syllabis.

Versus pro hac Regula.
Longa A, De, E, Se, Di, præter Di-
rino, atque Disertus;

*Sit Re breve, at refert à Res pro-
ducito semper:*

*Curripo, Pro gracum; produces
ritè latinum.*

*Contrabe quæ, Fundus, Fugio,
Neptisque, Neposque,*

*Et Feslus, Fari, Fateor, Fanum
que crearunt,*

*Hiscæ profectò addes, pariterque
procella, protervus,*

*Atque propago genus, propago pro-
trabe Vitis;*

*Propino varia, procuro, propago,
profundo:*

*Corripo Ab, & reliquas, obstant
nisi consonabina,*

*Quæ sunt Ad, Vel, In, Ob, Per,
Sub, Super, Antequæ, Circum.*

55

DE PRIORI PARTE

terminante in Composito.

REGULA DECIMATERTIA.

Compositum habet duas partes componentes, ex quibus fit, & integratur, prior pars multipliciter desinit, quandoque in A; quandoque in E; quandoque in I, aut Y; quandoque in O. Unde hic videndum est, an prior pars in composito habeat ultimam vocalem brevem, longam, an ancipitem.

Si prior pars compositi desinat in A, A longum est, ut Trado, Traduco, Trano, & alia, in quibus prima syllaba longa est; nec huiusmodi regula patitur exceptionem ullam.

Si prior pars desinat in E, E breve est, ut tepefacio, calefacio, frige facio, in omnibus temporibus,

bus, & modis, habent secundam syllabam brevem; idem dicas de verbis passivis, de participiis, gerundiis, & supinis derivatis ab huiusmodi verbis.

Si prior pars desinat in *i*, vel *y*, etiam *i*, aut *y* est brevis, ut omnipotens, causidicus, omniparens, fatidicus, veridicus, falsidicus, Polydorus, Polysinthon, polysyllabus, in quibus omnibus, & similibus secunda syllaba est brevis.

Excipiuntur primò nequidquam, nequando, nequam, nequaquam, nequis, nequa, nequod in omnibus casibus, & numeris, in quibus prima syllaba longa est.

Secundò excipitur veneficus, venefica, veneficū, veneficiū, in quibus secunda syllaba longa est.

Tertiò excipitur idem, nam
vel

vel est neutrum, vel masculinū;
 si neutrum, habet i breve; si ma-
 sculinum, habet i longum.

Quartò excipitur siquis, si qua
 siquod, vel siquid in omnibus ca-
 sibus, & numeris, in quo pri-
 ma syllaba est longa.

Quinctò excipitur ibidem, ti-
 bicen, ubique, quadrigæ tantid-
 em, videlicet, & composita à
 die, ut quotidie, postridie, me-
 ridie, in quibus secunda sylla-
 ba longa est.

Sextò excipitur scilicet, bige,
 bimus, bima, bimum in omni-
 bus casibus, & numeris, ubi pri-
 ma syllaba longa est.

Ultimò excipitur quidam, si-
 ve singulare, sive plurale, quod
 habet primam longam.

Si prior pars desinat in o; vel
 loquimur apud Græcos; vel lo-
 quimur apud Latinos; si apud

58
Græcos, habet o breve; ut Sa-
mothracia, ubi secunda syllaba
est brevis: Minotaurus, & Geo-
metra per exceptionem habent
secundam syllabam longam,
quamvis sint dictiones Græco-
rum: Si loquimur apud Lati-
nos, o est varium, & commu-
ne, modo breve, modo longum
in diversis dictionibus: Alio-
quin, & quandoque habent o
longum; quandoquidem habet
o breve.

Versus pro hac Regula.

*Produc A semper compositi parte
priori;*

*At simul E, simul I crebrò bre-
viare memento;*

*Nequidquam produc, nequando,
venefica, nequam,*

Nequaquam, Nequis, sociosque,
vi.

videlicet addes:

Idem masculinum prodest; & si
quis, ibidem,

Scilicet, & bigæ, tibicen, ubi.
que, quadrigæ,

Bimus, tantidem, quidam, com-
posita diei;

Compositi O breviant Græci; Sa-
morbracia testis

Sed Minotaurus, pariterque
Geometra longum est.

O Latium variat; pro lucer e
namque Alioquin,

Et Quandoque, at Quandoqui-
dem breviamus solemus.



REGVLIS

Pertinentibus ad Incrementa Nominum.

Post Regulas spectantes ad quantitatem primarum, & mediarum syllabarum, explicamus Regulas pertinentes ad Incrementa Nominum, quæ sunt in duplici genere: alia in numero singulari, alia in numero plurali; prius de Incrementis Nominum in numero singulari, posterius de Incrementis Nominum in numero plurali tractabimus.

DE INCREMENTIS NOMINUM

in numero singulari.

Nomen habet incrementum in numero singulari, si casus obliqui singulares crescunt, seu increscant in syllabis plusquam Nominativus, seu rectus: si casus obliqui singulares habent pares syllabas cum recto singulari, tunc Nomen nullum habet incrementum singulare, sic musa, terra, Domina nullum habent incrementum in numero singulari, quia casus obliqui singulares habent pares syllabas cum nominativo singulari. E contra felix, corpus, fulmen habent incrementum in numero singulari, quia casus obliqui singulares habent plures syllabas quam

quàm rectus singularis, ut felix, felicitis, felici felice; corpus, corporis, corpore; fulmen, fulminis, fulmipe: Agimus hic de Incremento singulari in nominibus primæ, secundæ, & tertiæ declinationis, non autem quartæ, et quintæ, in quibusquavis sit incrementum, tamen ejus quantitas patet ex regula vocalis ante vocalem; propterea primò sermo erit de Incrementis nominum primæ, & secundæ declinationis; deinde de Incrementis tertiæ declinationis in numero singulari.

DE INCREMENTIS NOMINUM

*Primæ, & secundæ declinationis
in numero singulari.*

REGULA PRIMA.

Nomina primæ declinationis nullum habent incrementum.

mentum in numero singulari, quia pares syllabæ sunt in recto, & in obliquis singularibus, ut musa, musæ, musam. Terra, terræ, terram; Domina, Dominae, Dominam.

Apud Poëtas habent quandoque incrementum, si diphthongus æ dissolvatur in ai, ut musa, musai pro musæ: terra, terrai pro terræ. Aula, Aulai, pro Aulæ, & tunc incrementum longum est; Ubi advertas, quod incrementum semper consistit in penultima syllaba.

Nomina secunde declinationis habent incrementum breve in numero singulari, ut vir, viri, viro, virum; semivir, semiviri, semiviro, semivirum; Satyr, Satyri, Satyro, Satyrum, & semper illud exposcunt breve unde præcedentes obliqui habent

bent penultimam brevem.

Excipitur Iber, quod habet incrementum singulare longū, ut Iberi, Ibero, Iberum, ubi penultima elongatur per exceptionem.

Versus pro hac Regula.

Casibus obliquis vix crescit prima; secunda

Corripit incrementa, tamen producit Iberi.

De Incrementis nominum tertiæ declinationis in numero singulari.

Nomina tertiæ declinationis habent incrementum in numero singulari. Primo in a, ut Annibal, Annibalis. Secundo in e, ut merces, mercedis. Tertiò in i, ut felix, felicitis. Quarto in y, ut Onyx, Onycis. Quinto

ctò in o, ut candor, candoris.

Sextò in u, ut virtus, virtutis.

De singulis agendum.

De incrementis tertiæ declinationis in A in numero singulari.

REGULA SECUNDA.

OMnia nomina tertiæ declinationis, quæ in numero singulari habent incrementum in A, illud habent longum, ut pax, pacis, paci, pacem, pace. Titan, Titanis, Titanē, Titane; vestigal, vestigalis, vestigali, vestigale; Ajax, Aiakis, Aiaki, Aiakē, Aiace, in quibus penultima longa est, quia incrementum singulare nominum tertiæ declinationis in a.

Excipiuntur primò ex hac regula omnia nomina masculina

na tertiæ declinationis desinen-
tia in *AL*, & *AR*, ut *Annibal*, *Anni-*
balis, *Annibali*, *Annibalē*, *Anniba-*
le: *Amilcar*, *Amilcaris*, *Amilcari*,
Amilcarem, *Amilcare*, in quibus
incrementum a breve est.

Secundò excipitur *par*, *paris*,
cum compositis, ut *dispar*, *di-*
sparis, *compar*, *comparis*, *impar*
imparis, in quibus incremen-
tum a breve est.

Tertiò excipiuntur *hepar*, *he-*
patis: *bacchar*, *baccharis*: *nectar*,
nectaris: *vas*, *vadis*: *mas maris*:
anas, *anatis*: *lar*, *laris*, & *iubar*, *iu-*
baris, in quibus incrementum
a per exceptionem corripitur.

Ubi advertas quòd *Vas*, *vasis*
habet penultimam longam,
quia incrementum singulare
tertiæ declinationis in *a*: *Vas*,
vadis habet penultimam bre-
vem, quia excipitur.

Ver.

*Versus pro hac Regula
Nominis A crescens, quod fle-*
bit tertia longum est;

*Mascula corripies AL, & AR
finita, simulque*

*Par cum compositis, hepar cum
bacchare nectar.*

*Cum vades mas, & anas, cui
iunge laremque iubarque*

*Omnia nomina græca tertiæ
declinationis desinentia in a, &
as habent incrementum singu-
lare breve, ut pòëma, pòëmatis,
vel pòëmatos, pòëmati, pòëma-
te: Pallas, palladis, vel pallados,
palladi, palladem, vel pallada,
pallade habent penultimā bre-
vem. Sicuti omnia nomina ter-
tiæ declinationis desinentia in
s cum aliqua consonante ante s,
ut Arabs, arabis, arabi, arabem,
arabe: trabs, trabis, trabi, trabem
trabi, trabe corripuntur in pe-
nul.*

nultima; quibus adduntur sequentia nomina dropax, dropacis; antrax, antracis; atrax, atracis; smilax, smilacis; climax, climacis; athax, athacis; panax, panacis; colax, colacis; sty-rax, styracis; fax, facis; abax, abacis; corax, coracis; phylax, phylacis, in quibus incrementum breviatur per exceptionē.

Arctophylax, arctophylacis habet penultimam brevem, quia componitur à phylax phylacis, in quo penultima est brevis; composita enim sequuntur naturam suorum simplicium ex dictis superius; reperitur tamē arctophylax cum incremento longo, sed rarò apud poetas; fortasse ex necessitate metrica.

Syphax, syphacis habet penultimam longam, quandoque tamen brevem. Pharnax, pharna-
na.

nacis ; seu potius pharnaces,
pharnacis, & Candax, Candacis,
seu potius Candace, Candaces
habet penultimam ancipitem
apud poetas, unde sunt illi ver-
sus.

*A quoque, & asgracum breve
postulat in rementum,*

*S quoque finitum, si consona
ponitur ante,*

*Ei dropax, antrax, atrax cum
smilace, climax:*

*His Atbacem, panacem, cola-
cem, styracemque, facemque,*

*Atque abacem, coracem, phyla-
cem, compositaque necesse.*

DE INCREMENTO SINGV-
laritertiæ declinationis in E.

REGULA TERTIA.

OMnia nomina tertiæ decli-
nationis, quæ habent in nu-
mero singulari incrementum in E,
il.

Ilud habent breve, ut pulvis, pulveris, pulveri, pulvere; funus, funeris, funeri, funere; teres, teretis, tereti, terete, in quibus, & similibus penultima corripitur, quia incrementum in e.

Primò excipiuntur omnia nomina tertiæ declinationis oû genitivo in enis, ut firen, firenis, fireni, firenem, firene, in quibus penultima producitur per exceptionem.

Secundò excipitur iber, iberis; ver, veris; luter, luteris; locuples, locupletis; hæres, hæredis; merces, mercedis; quies, quietis; lex, legis; veruex, veruecis; halec, halecis; seps, sepis; plebs, plebis; ren, renis, in quibus penultima est longa.

Tertiò excipiuntur omnia nomina peregrina, seu hebraica

ca desinentia in el, ut Michàèl, Michàèlis. Raphàèl, Raphaelis, Salathiel, Salathielis, in quibus penultima est etiam longa.

Quartò excipiuntur omnia nomina græca desinentia in er, & es, ut Crater, crateris; labes, labetis; soter, loteris; taves, tape- tis, in quibus, & aliis incremen- tum est lōgū: æther, ætheris, et aer, aeris habent incrementum breve, quantum vis sint nomi- na græca desinentia in er.

Versus proba c Regula.

*E crescens nume no breuiabit
tertia primo:*

*Verum protrahitur genitivus
in Enis, Iberque,*

*Ver, luter, locuples, bæres, mer-
cesque, quiesque,*

*Lex, ueruecx, balec, seps, plebs,
ren: insuper adde*

*EL peregrinum: er, es græcum,
etbere, & àère demptis. DE*

DE INCREMENTO SINGV.
 lari tertiæ declinationis
 in i, vel y.

REGULA QVARTA.

OMnia nomina tertiæ declinationis habentia incrementum singulare in i, vel y, illud habent breve, ut pugil, pugilis: ordo, ordinis: stipes, stipitis: chalybs, chalybis: chlamys, chlamydis, in quibus penultima est brevis.

Primo excipiuntur nomina tertiæ declinationis cum genitivo in inis, vel ynīs, ut delphin, delphinis: salamin, salaminis: phorcyn, phorcynis, in quibus penultima producitur cōmunissimè apud Authores.

Secundò excipitur vibex, vibicis: Nesis, nesidis: lis, litis: Dis, ditis: & samnis, samnitis, in quibus
 pe-

penultima per exceptionem est longa.

Versus pro hac Regula.

Corripiet pariter crescens tertia primo

*In numero, at græcum patrum
producit in inis,*

*Et vibex, Nesis, lis, Dis, quibus
addito samnis.*

Omnia nomina tertiæ declinationis desinentia in ix, vel yx habent i, vel y incrementum longum, ut perdix, perdicis, per dici, perdicem, perdice; felix, felicitis, felici, felice; bōbyx, bōbycis, bōbyci, bombycem, bombyce, in quibus penultima est longa, quia incrementum in i, vel y ex nominibus tertiæ declinationis desinentibus in ix, vel yx.

Excipiuntur primo histrix, histricis; fornix, fornicis; varix,

D

va-

varici; coxendix, coxendicis, in quibus incrementum est breve.

Excipiuntur secundo chænix chænisis; cilix, cilicis; natrix, natrix; calix, calicis; & phryx, phrygis, in quibus incrementum etiam est breve.

Excipiuntur tertio eryx, erycis; onyx, onycis; nix, nivis; pix, picis; salix, salicis; filix, filicis; Sardonix, Sardonis; Calyx, Calicis, & Laryx, larycis, in quibus incrementum etiam corripitur.

Excipitur quarto Bebrix, Bebricis, in quo incrementum est commune, & anceps, modo breve, modo longum apud Poetas, unde sunt illi versus.

*IX produc: breviato b strix cum
fornice varix,*

*Coxendix, chenixque, cilix,
natrixque, calixque.*

*Phryx, & Eryx, & onyx, nix, pix.
que*

*que, salixque, filixque,
Sardonycis, Calycis, Larycis: sit
Bebrycis anceps.*

DE INCREMENTO SINGV- lari tertiæ declinationis in O.

REGULA QUARTA.

OMnia Nomina tertiæ de-
clinationis habentia in-
crementum in o, illud habent
longum in numero singulari,
ut Fulgor, fulgoris, fulgori,
fulgorem, fulgore: Candor, can-
dor, candori, candorem, can-
dore: Decor, decoris, decori, de-
corem, decore, in quibus incre-
mentum o longum est in omni-
bus obliquis singularibus.

Excipiuntur primò omnia
nomina græca; nam vel habent
pro incremento Omicron, seu
o parvum; vel habent pro in-

cremento Omega, seu o magnū;
 si habent pro incremento Omi-
 cron, seu o parvum, illud ha-
 bent breve; si habent pro incre-
 mento Omega, seu o magnum,
 illud habent longum; quamob-
 rem hæc nomina Philemon,
 Philemonis: Sindon, Sindonis;
 Palæmon, Palæmonis; Agamen-
 non, Agamemnonis; Jason, Ja-
 sonis; Amazon, Amazonis; Sē-
 non, Sennonis; Briton, Brito-
 nis; Lingon, Lingonis; Teuton,
 Teutonis; Vascon, Vasco-
 nis; Macedo, Macedonis: Sa-
 xo, Saxonis; Peppo, peponis, at-
 que alia habent incrementum
 breve in numero singulari quia
 scribitur per Omicron apud
 Græcos. E contra hæc nomina
 Solon, Solonis; Plato, Platonis;
 Spadon, Spadonis; Sidon, Sido-
 nis; Lacon, laconis; Sycion, Sy-
 cio-

cionis habent incrementum longum; quia illud scribitur per Omega. Orion, Orionis; & Ægon, Ægonis habent incrementum commune, quia modò per Omicron, modò per Omega scribuntur. Cætera addiscuntur exemplis, & praxi; usu, & Prosodia.

Excipiuntur secundò omnia nomina tertiæ declinationis neutra cum genitivo in eris, ut Marmor, marmoris; corpus, corporis; ebur, eboris; decus, decoris; in quibus incrementum ò breve est. Ubi advertas, quòd aliud est decor, decoris masculinum; aliud decus, decoris neutrum: Decor, decoris masculinum habet incrementum longum ex regula generali. Omnia nomina tertiæ declinationis habentia incremen-

-mum

D ;

tum

tum in o, illud habent longum in numero singulari; Decus, decoris, neutrum habet incrementum breve per exceptionē, quia nomina neutra cum genitivo in oris habent incrementū breve; Os, oris, licet sit nomen neutrum tertiæ declinationis, tamen habet O longū, quia excipitur Majus, majoris; & minus, minoris habent o longum in obliquis, quia sequuntur quantitatem masculinorum Major, majoris; & minor, minoris, in quibus incrementum est longum. Castor, & Nestor, quamvis nomina masculina, etiā habent incrementū breve, sicuti Arbor, arboris. Lepus, leporis corripitur in obliquis; Lepor seu lepos, leporis producit in incremento per exceptionem.

Excipiuntur tertio omnia

com-

composita à pus, ut bipus, bipodis: tripus, tripodis: quadri-
pus, quadripodis, in quibus in-
crementum o est breve.

Excipiuntur quarto Bos, bo-
vis: compos, cōpotis, & impos,
impotis, in quibus incremen-
tum est breve.

Excipiuntur quinto Cappa-
dox, Cappadocis: Allobrox, Al-
lobrogis: Præcox, præcociis: obs,
obis, & ops, opis, in quibus incre-
mentum o etiam est breve: Ce-
crops, cecropis: hydrops, hi-
dropis: & Cyclops, cyclopis ha-
bent incrementum longum.

Versus pro hac Regula.

O crescens numero producimus
usque priore:
O parvum in Græcis brevia, pro-
ducit magnum:

*Corripitur genitivus oris, quem
neutra dedere*

*Nomina, sed produc Os, oris: sit
brevis Arbor,*

*Et Lepus, & puer compositum, bos,
compos, & impus;*

*Adde bis Cappadocem, Allobro-
gem cum præcoce, & obs, ops;*

*Verum produces Cecrops, Hy-
dropsque, Cyclopsque.*

DE INCREMENTIS NOMINUM

Tertiæ declinationis in U.

REGULA QUINTA.

SI nomina tertiæ declinatio-
nis habeant incrementum
in U, illud habent breve in nu-
mero singulari, ut murmur,
murmuris: furfur, fuffuris:
turtur, turturis: redux, redu-
cis, in quibus incrementum U
bre-

breve est in numero singulari.

Excipiuntur primò omnia nomina tertiæ declinationis desinentia in Us eum genitivo in udis, uris, & utis, ut palus, paludis: tellus, telluris; Virtus, virtutis, in quibus incrementum *V* longum est.

Excipiuntur secundò Fur, furis; lux, lucis: & frux, frugis, in quibus *V* etiam est longum. Intercus, intercutis: pecus, pecudis: & ligus, liguris habent *V* breve, quamvis sint nomina tertiæ declinationis desinentia in *U* Scum genitivo in utis, udis, & uris.

Versus pro hac Regula.

*U, brevia incrementa feret, sed
casus in Udis, uris, & utis,
Uris, & Udis ab Us recta prode-*

Luci, fruce, sed brevis interdicti s-
que, Pecujque, Liguſque.

DE INCREMENTIS NOMINUM

in numero plurali.

REGULÆ DUE.

NOmnia habent incremen-
 tum in numero plurali
 quotiescumque caſus obliqui
 plurales habent plures ſylla-
 bas, quam nominativus plura-
 lis, ut *muſe, muſarum*. *Domi-*
ni, Dominorum. *patres, patri-*
buz, viſus, viſibus. *dies, dierū*.
 Si caſus obliqui plurales habent
 æquales ſyllabas cum nomina-
 tivo plurali, nullum habent in-
 crementum in numero plurali,
 ut *muſe, muſis, muſas*. *Domi-*
ni, Dominis, Dominos. Si ex
 obliquis pluralibus alii habeant
 equa-

æquales syllabas cum nominativo plurali; alii habeant plures, tunc casus habentes syllabas æquales non habent incrementum plurale. Casus vero habentes plures syllabas habent incrementum in numero plurali.

Incrementum plurale consistit in penultima syllaba, & quincuplex est; aliud in A, ut terra, terrarum; aliud in E, ut dies dierum; aliud in I, ut patres, patribus; aliud in O, ut Cæli, Cœlorum; aliud demum in U, ut lacus, lacubus: de his omnibus tractatur per duas regulas.

Omnia nomina, cujuscumque declinationis sint, habentia incrementum plurale in A, E, & O, illud habent longum, ut musæ, musarum: dies, dierum:

Domini, Dominorum, in quibus, & similibus penultima consistens in A, in E, & in O, longa est.

Omnia nomina, cuiuscunque declinationis sint, habentia incrementum plurale in I, aut V, illud habent breve; ut patres, patribus. corpora, corporibus. lacus, lacubus. specus, specubus, in quibus penultima consistens in I, & V brevis est. Excipitur tamen bubus pro bobus, ubi V in penultima est longa.

Versus pro his Regalis.

Pluralis casus si crescit, protrahes A, E,

Atque O, corripiet I, U; verum Excipe bubus,

D E

REGVLIS

PERTINENTIBVS

Ad Incrementa Verborum.

HActenus actum est de incrementis nominum; nunc agere incipimus de incrementis Verborum, quibus completis, progrediemur ad ultimas syllabas.

Incrementum in Verbis cuiuscumque conjugationis habetur, quotiescunque personæ utriusque numeri, in quocumque Modo, & tempore crescunt in syllabis plusquam secunda persona singularis Modi indicativi præsentis; si autem syllabæ sint æquales, nullum incre-

crementum habetur in Verbis; unde amat, amant, amem, ames, amet, ament, nullum incrementum important, quia cum secunda persona Modi indicativi presentis, qualis est *Amas*, habent æquales syllabas: è contra amamus, amatis, amabam, amabas, amabat, amabamus, amabatis, amabāt, amavimus, amaverunt amavere, & sic deinceps, habent incrementum, quia crescunt in syllabis pluri quàm secunda persona Modi indicativi presentis, uti est *Amas*. Incrementum consistit in cæteris syllabis, nunquam in ultima.

Incrementum in Verbis multiplex est, aliud in A, aliud in E, aliud in I, aliud in O, aliud in V, ut volunt hujus Artis Authores: Eadem persona potest habere unum, vel plura in.

incrementa eiusdem, vel diver-
 ſæ ſpeciei: primum in penulti-
 ma ſyllaba, ſecundum in ante-
 penultima, tertium in ſyllaba
 antecedenter ad penultimam,
 quartum in ſyllaba remotiori;
 Quamobrem amabam habet
 unum incrementum, quia ha-
 bet unam ſyllabam pluſquam
 Amas, conſiſtit in penultima, &
 eſt incrementum in A. Amaba-
 mus habet duo incrementa,
 quia habet duas ſyllabas pluſ-
 quam Amas, alterum conſiſtit
 in penultima, alterum in ante-
 penultima, & utrumque eſt in
 A. Amaveramus habet tria in-
 crementa, quia habet tres ſylla-
 bas pluſquam Amas: primum
 conſiſtit in penultima, & eſt in
 A: ſecundum conſiſtit in ante-
 penultima, & eſt in E; tertium
 eſt in ſyllaba antecedenter ad
 an.

antepenultimam, & est etiam in A: idem observa in cæteris.

Secunda persona singularis Modi indicativi presentis est Index, Regula, & Mensura. Incrementorū in omnibus, & quibuscumq; verbis per excessum, defectum, aut æqualitatem syllabarum; ubi tamen excessus, ibi incrementum. In verbis Activis, & Neutris facile est nosse incrementa; in passivis, communibus, deponentibus, & impersonalibus difficilius; nam in verbis Activis, & neutris secunda persona Modi indicativi presentis est regula incrementorum, ut Doces, docemus, docetis, docebam, docebamur; Aras, aramus, aratis, arabam, arabamus, in verbis passivis secunda persona verbi Activi est regula incrementorum, ut Amas, amaris, ama-

amatur, amabar. Doces, doceris, docetur, docemur, docemini, In verbis communibus, depopulentibus, & impersonalibus fingitur secunda persona Modi indicativi præsentis tamquam activa pro cognoscendis incrementis, ut depopulas, depopularis, depopulare, depopulatur, depopulabar: Auxilias, auxiliaris, auxiliare, auxi iatur, auxiliamur, auxiliabor. tonas tonabat, tonabit, tonaret, tonare, atque idem specularis ulterius.

Agemus igitur primò de incrementis in *A*, & *E*, secundò de incrementis in *I*, *O*, & *V*, nam distinguere est clarius veritatem, & naturam rerum attingere, ut docent omnes ij, qui bonis literis præditi sunt, & exculti.

90
DE INCREMENTIS VERBORUM IN A, ET E.
REGULÆ DUÆ.

OMnia verba habentia incrementum in A, illud habent longum, siue sit primū in penultima; ut *Aras, aramus, arabam, arabo*, siue sit secundū in antepenultima, ut *Aras, araveram, araveras, araverat*, siue sit tertium in syllaba antecedēter ad antepenultimam, ut *Amas, amaverimus, amaveritis*, siue sit quartum in syllaba remotiori.

Excipitur ex hac regula *Do, das*; nam vel habet unum incrementum in A, uel habet duo incrementa in A, vel habet duo incrementa, primum in A, & secundū in E, I, aut O. Si habet unum incrementum in A, illud habet bre-

breve, ut das, damus, datis, dabā,
 dabas, dabat, dabant, dabo, dabis,
 dabit, dabunt, darem, dares, da-
 ret, darent, dare, in quibus pri-
 ma syllaba brevis est: Si habet
 duo incrementa in A, primum
 est breve, secundum longum,
 ut pas, dabamus, dabatis, in qui-
 bus prima syllaba est brevis, se-
 cunda longa; si habet duo in-
 crementa, primum in A, secun-
 dum in E, I, aut O, tunc incre-

mentum in A etiam est breve,
 ut das, daremus, daretis, dabi-
 mus, dabit, datote, in quibus
 prima syllaba in A est brevis; de
 secunda in E, I, & O dicemus
 infra.

Omnia verba habentia in-
 crementum in E, illud habent
 longum, ut das, demus, detis,
 daremus, daretis; doces, doce-
 mus, docetis, docebam, docebo.

Le.

Legis, legebam, legebas, legebat, legemus, & sic in reliquis, in quibus penultima syllaba longa est, quia incrementum in E.

Excipiuntur primò duo prima tempora verborum tertiæ conjugationis, primò præsens indicativi passivi in secunda persona singulari, ut le'geris, vel le'gere: spe'rneris, vel spe'rnerere, in quibus penultima est brevis, licet eadem sit longa in futuro passivo, ut lege'ris, vel legére; spernéris, vel spernére; secundò imperfectum Modi Optativi, & Coniunctivi Activi, ut legerem, legeres, legeret, legerent: spernerem, sperneres, sperneret, spernerent, in quibus penultima est brevis, exceptis prima, & secunda persona plurali ejusdem Modi, ut legeremus, legeretis; sperneremus, sperneretis, in quibus

antepenultima est brevis , penultima est longa ex regula incrementorum in E.

Excipiuntur secundò verba desinentia in reris , vel rere , in Optativo , & Coniunctivo passivo , Communi , & Deponenti , ut amareris , vel amarere : depopulareris , vel depopularere : auxiliareris , vel auxiliarere , in quibus penultima longa est per exceptionem.

Excipiuntur tertio omnia verba desinentia in ram , rim , & ro , ut amaveram , amaveras , amaverat , amaveramus , amaveratis , amaverant , amaverim , amaveritis , amaverit , amavero , amaveris , amaverit , amaverimus , amaveritis , amaverint , in quibus incrementum in E est breve , sive sit penultima , sive antepenultima.

Exc-

Excipiuntur quartò omnia verba desinentia in beris, & bere in futuro Indicativi, ut amaberis, vel amabere: doceberis, vel docere; depopulaberis, vel depopulabere; auxiliaberis, vel auxiliabere, in quibus penultima brevis est, quamvis sit incrementum in E.

Excipiuntur ultimò hæc duo præterita, & fortasse alia, steterunt, & dederunt, in quibus penultima est longa apud Oratores, apud Poëtas communis, & anceps, modò brevis, modò longa.

Versus pro his Regulis.

A crescens produc, Do incremento excipe primo:

E quoque producunt verba in crescentia: verum

Car.

*Corripiunt E ante R Ternæ
duo tempora prima;*

*Sed reris , vel rere datur pe-
nultima longis:*

*Sit brevis E, quando ram, rim,
ro adjuncta sequentur,*

*Et beris , atque bere in verbis
breviato futuris,*

*Corripit interdum steterunt,
dederuntque Poëta.*

DE INCREMENTIS VERBO- RVM IN I, O, & V.

REGULÆ TRES.

OMnia verba habentia in-
crementum in I, illud ha-
bent breve, ut Legis, legimus, le-
gitis; Amas, amavimus, amabi-
mus, in quibus penultima bre-
vis est, quia incrementum in I.

Excipiuntur primo omnia
præ-

præterita in *ivi*, ut *audiri*, *cupi*, *peti*, *obedi*, in quibus, & similibus penultima longa est.

Excipiuntur secundo omnia Verba desinentia in *imus*; nam in præterito, cuiuscumq; conjugationis sint, habent penultimam breuem, ut *amauimus*, *docuimus*, *legimus*, *audiuimus*, in præsentis Indicatiui, si sint tertiæ conjugationis, habent penultimam breuem, ut *legimus*, *currimus*, *occidimus*, si sint quartæ conjugationis, habent penultimam longam, ut *audimus*, *obedimus*, *seruimus*, *sicuti uelimus*, *nolimus*, *simus* cum compositis, ut *adsumus*, *obsumus*, *absumus*, *desumus* habent penultimam longam.

Excipiuntur quarto omnia uerba quartæ conjugationis
hinc

habentia primum incrementum in *I*, ut Audimus, sentimus, obedimus; auditis, sentitis, obeditis, in quibus incrementum *I* per exceptionem est longum; si verba quarta conjugationis habeant primum, & secundum incrementum in *I*, siue activa, siue passiva sint, ut Audivimus, obediimus, audimini, exaudimini, & sic de cæteris; tunc primum *I* est longum, secundum breve.

Omnia verba habentia incrementum in *O*, illud habent longum, ut Amatote, docetote, legitote; auditote;

Incrementum in *U* est breve, ut Volumus, nolumus, possumus adsumus.

Versus pro his Regulis.

Corripit I crescens verbum; pro-
ducitur Ivi

E

Præ-

*Præteritum ; sed Imus brevia
tur ; deme velimus,*

*Nolimus, Simus, quæque hinc
composita dabuntur;*

*Et quodvis quarta incrementū I
pro trabe primum;*

*Ri conjunctivi possunt variare
Pœtæ;*

*O incrementum produc, U corri-
pe semper.*



REGVLIS

PERTINENTIBVS

Ad ultimas Syllabas.

POST varios fluctus, atque pluriū Regularum diversitatē, nostri Ingenioli Navis devenit ad ultimas syllabas quam ad finem, & metam Artis, tāquam Metricam appellamus, undē tanquā ē portu, vix projectis Anchoris, iterum vela faciemus, Artem Poeticam inchoaturi, ut ultimam manum huic Opusculo, Deo dante, imponamus, atque extremam lineam, ut ita dicam, eidem laudabiliter præfigamus.

E

2

Ul.

Ultimæ syllabæ sunt in multiplici specie; aliæ sunt in *A*; aliæ in *E*; aliæ in *I*, & *T*; aliæ in *O*; aliæ in *U*, *B*, *D*, *T*; aliæ in *C*, *L*, *M*; aliæ in *N*; aliæ in *R*; aliæ in *AS*; aliæ in *IS*, & *TS*; aliæ in *OS*; aliæ in *US*; de omnibus singillatim præcepta dabimus.

DE ULTIMIS SYLLABIS

desinentibus in A

REGULA PRIMA.

OMnes dictiones, quæcumque sint, desinentes in *A*, habent *A* longum in fine, ut *Contrà*, *ultrà*, *frustrà*, *ama*, *memora*, *commemora*, *accusà*, *appella*, *increpa*, *oblecra*, in quibus, & similibus *A* longum est in fine.

Excipiuntur primò *Ità*, *Postea*, *Eia*, & *Quia*, in quibus *A* bre.

breve est in fine.

Excipiuntur secundò omnia nomina desinentia in *A* in suis casibus singularibus, aut pluralibus, ut Musa, domina, terra, aula, bella, astra, carmina, sidera, pòema, stemma, epigramma, in quibus *A* breviatur in fine; ablativus tamen singularis nominum primæ declinationis habet *A* longum in fine, ut pòeta, terra, anima, advena, in quibus, & similibus nominativus, & vocativus singularis habet *A* breve; ablativus, seu sextus casus habet *A* longum a pud Pòetas.

Excipiuntur tertio omnia nomina græca primæ declinationis desinentia in *AS* in nominativo singulari, in vocativo verò in *A*, ut Æneas, ò Ænea; Pallas, ò Palla; Atlas, ò Atla

E 3 Tho.

Thomas, ò Thoma; Lucas, ò
Luca: Matthias, ò Matthia; Py-
thagoras, ò Pythagora, in qui-
bus *A* longum est in fine per
exceptionem.

Versus pro hac Regula.

*A finita dato longis; Ità, postea
deme,*

*Ejà, Quia, & casus omnes, sed
protrahesextum;*

*Productis græcos casus adijunge
vocandi.*

DE ULTIMIS SYLLABIS

desinentibus in E.

REGULA SECUNDA.

OMnes dictiones desinentes
in E, habent E breve in
fine, ut occide, aufuge, sperne,
despice, curre, litore, carmine,
li.

limine, Pallade, stemmate, morte, in quibus E in fine est breve.

Excipiuntur primò nomina græca masculina primæ declinationis Latinorū desinētia in ES in nominativo singulari cū vocativo in E, ut *Anchisiades*, ò *Anchisiade*; *Pelides*, ò *Pelide*; *Æacides*, ò *Æacide*; *Achilliades*, ò *Achiliade*, & fæminina desinētia in E in nominativo, & vocativo singulari, ut *Calliope*, ò *Calliope*; *Uranie*, ò *Uranie*; *Parthenope*, ò *Parthenope*; *Grammatice*, ò *Grammatice*; *Rhetorice*, ò *Rhetorice*, in quibus, & aliis E longum est in fine.

Excipiuntur secundò omnia nomina quintæ declinationis desinentia in ablativo singulari in E, ut *Re*, *spe*, *die*, *meridie*, *fide*, in quibus E longum est in fine; idem dicas de compositis ab his,

E

4

ut

utquare, hodie, postridie, in quibus *E* etiam est longum in fine, quia composita sequuntur quantitatem suorum simplicium ex dictis superius.

Excipiuntur tertio *Fame, Cete, Tempe, ferme, & fere*, in quibus *E* etiam longum est in fine.

Excipiuntur quarto omnia verba secundæ conjugationis desinentia in *E* in secunda persona singulari modi Imperativi, ut *stude, fave, mone, habe, vide*, in quibus *E* longum est in fine: id intelligas de verbis activis, & neutris; non autem de passivis, ut *docere, monere, habere*; nam hæc habent *E* breve in fine.

Excipiuntur quinto omnia monosyllaba in *E*, ut *me, te, se*, in quibus *E* longum est in fine. *Enclytica tamen, & syllabica bre,*

brevia sunt, licet monosyllaba in *E*, ut *sce*, *pte*, *que*, ut in his dictionibus *hilce*, *suapte*, *armaque armaue*, in quibus *E* breve est in fine: *Ne*, vel est particula interrogativa, ut *Tune facis tantum facious?* & *E* est breve; vel est particula prohibitiva, ut *Ne fugias patriæ confinia*, & *E* longum est in fine.

Excipiuntur scilicet omnia adverbia desinentia in *E*; & nata ab adjectivis secundæ declinationis, ut *doctè* à *doctus*, *docta*, *doctum*; *indoctè* ab *indoctus*, *indocta*, *indoctum*; *placide* à *placidus* *placida*, *placidum*; *lentè* à *lentus*, *lenta*, *lentum* minimè à *minimus*, *minima*, *minimum*; *optimè* ab *optimus*, *optima*, *optimum*; in quibus, & similibus *E* longum est in fine: *benè* tamen à *bonus*, *bona*, *bonum*; & *malè* à

E s ma.

malus, mala, malum habent E
breue in fine.

Versus pro hac Regula.

*Corripe E; sed prima, quin&aque
vocalia produc,
Atque Fame, Cete, Tempe, Fer-
mèque, Ferèque;
Adde Doce, similemque modum, &
monosyllaba; præter
Exclyticas, ac syllabicas: nec non,
malè dempto,
Ac benè, produces Adverbia cum-
En secundæ.*

Vbi nota quòd caue, super-
nè, & infernè apud Authores
reperiuntur cum E breue: licèt
caue sit imperativum à caueo
secundæ coniugationis: & super-
nè, & infernè sint aduerbia nata
ex adiectivis secundæ declina-
tionis secundùm doctrinam Al-
uari.

DE

DE ULTIMIS SYLLABIS

Desinentibus in I, & T

REGULA TERTIA.

OMnes dictiones desinentes in I, illud habent longū in fine, ut felici, infelici, classi, patri, matri, fratri, sorori, nepoti, nepoti, amari, fieri, legi, in quibus, & similibus I longum est in fine. Imperatium I monosyllabum à verbo eo etiam est longum.

Excipiuntur primò Nisi, & quasi, in quibus I breue est in fine.

Excipiūtur secundò omnia nomina quintæ declinationis Græcorum, & tertię Latinorum in datiuo singulari, ut Palladi, Minoidi, Amaryllidi, Cloridi, Phyllidi, Daphnidi, in quibus, & similibus I breue est in fine: idē dicas in

uocatio singulari, ut *Daphni*,
Pieri, *Amarylli*, *Moly*, *Tethy*, in
 quibus *I*, & *Y* breue est in fine.

Excipiuntur tertio mihi, ti-
 bi, & sibi, in quibus *I* commu-
 ne est, modo breue, modo lon-
 gum apud Poetas.

Excipiuntur quarto ibi, &
 ubi, in quibus *I* breue est in
 fine: composita tamen ubique,
 & ibique habent penultimam
 longam; ut diximus supra in
 præcepto de priori parte ter-
 minante in composito.

Excipitur ultimo cui: nam
 uel est monosyllabum, & habet
I longum: uel est dissyllabum,
 et habet *I* melius breue, quam
 longum.

Versus pro hac Regula.

I-produc; brevia Nisi tum quasi,
 græcaque quintæ,
 Jure mihi variare, tibi, sibi. •
 que

que solemus:

*Corripies Ibi, Ubi: melius dissila-
bon & cui.*

Hic Alvarus docet i in Vbi esse
breue, et illud facit longum
in suo uersu.

DE ULTIMIS SYLLABIS

desinentibus in O

REGULA QUARTA.

OMnes dictiones terminan-
tes in O, habent O ambiguum
varium, & commune in fine,
modò breue, modò longum, ut
amo, eo, curro, sedeo, quando,
vigilando, redeundo, ambulan-
do, in quibus, & similibus O
commune est in fine.

Excipiuntur primò nomina
græca desinentia in o, ut Uido,
Erato, Alesto, Clio; in quibus o
est Omega, seu o magnum, lon-
gum apud græcos.

Excipiuntur secundo monosyl-

syl.

syllaba in o, ut do, sto, no, o', quæ omnia longa sunt.

Excipiuntur tertio ergo, nam vel est adverbium, & habet o commune; vel est nomen significans causam, & habet o longum in fine.

Excipiuntur quarto omnes dativi, & ablativi singulares nominum secundæ declinationis desinentes in o; ut domino, famulo, Deo magistro, Androgeo, Atho, Melibeo, in quibus o longum est in fine.

Excipiuntur quinto ideo, & adeo, in quibus o etiam est longum in fine.

Excipiuntur sexto omnia adverbia nata ex adjectivis secundæ declinationis, ut sedulo à sedulus, sedula, sedulum, subito à subitus, subita, subitum, merito à meritus, merita, meritum, cre-

bro

brò à creber, crebra, crebrum:
 mutuò à mutuus, mutua, mu-
 tuum, in quibus o longum est,
 licèt de quibusdam sit lis apud
 poët as. Cito, scio, nescio, imo,
 & duo o habent o breve in fine:
 Modo vel est dativus, & ablati-
 vus singularis à nomine mo-
 dus, modi, & habet o longum,
 vel est adverbium, seu conjun-
 ctio, & habet o breve.

Excipiuntur septimò; sero, &
 vero; nam vel sunt dativi, &
 ablativi singulares ab adjectivis
 ferus, fera, ferum; verus, vera,
 verum, & habent o longum, ve-
 serò est adverbium, & verò cō-
 junctio & habent o commune
 modò breve, modò longum in
 metro,

Versus pro hac Regula.

*O datur ambiguis, græca, & mo-
 nosyllaba præter,*

Ergo

*Ergo pro causa, ternus, sextusque
 secunda,
 Atque adeò, atque ideò, atque ad-
 verbia nomine nata,
 Sed citò corripies, modoque, scio,
 nescio, & imo,
 Et duo: sit varium serò, & con-
 junctio verò.*

**DE ULTIMIS SYLLABIS
 DESINENTIBUS IN
 U, B, D, T.**

RECUA QUINTA.

OMnes dictiones desinentes
 in V habent V longum
 in fine, siue sint nomina latina,
 siue græca, ut manu, cornu, vi-
 su, Orpheu, Theseu, Panthu, in
 quibus, & similibus V in fine
 longum est apud Poëtas.

Omnes dictiones desinentes
 in B, D, T, habent B, D, T, breve
 in

in fine, ut Aminadab, Achab, David, ab, ad, sed, audit, amat, legit, in quibus B. D. T. breuiatur in fine.

Versus pro hac Regula.

*U semper produc; B, D, T, corripe
semper.*

DE ULTIMIS SYLLABIS DE SINENTIBUS IN C, L, & M.

REGULA SEXTA.

OMnes dictiones desinentes in C, illud habent longū, ut produc, duc, introduc, hoc, sic, in quibus C longum est in fine.

Excipitur primò hic, nam uel est adverbium locale, & habet c longum, vel est pronome; & habet C commune in fine.

Excipiuntur secundò donec, & nec, in quibus c breve est,
fac

fac habet c longum , meliùs tamen breve apud Poëtas.

Omnes dictiones desinentes in *L*, habent *L* breve, ut *Conſul*, *Proconſul*, *Vigil*, *pugil*, in quibus *L* breve eſt in fine.

Excipiuntur *ſal*, & *ſol*, in quibus *L* longum eſt: nil habet *l* longum , nihil habet *l* breve, quia non ſemper compoſita retinent quantitatem ſimplicium ſicuti multa nomina hebræa, ut *Michàèl*, *Raphàèl*, *Salathiel*, *Nabal*, *Daniel*, *Saul*, habent *l* longum in fine: *Baal*, & *Michol* corripuntur quandoque in fine, videas proſodiam, & uſu.

Omnes dictiones desinentes in *M* apud Antiquos habent *M* breve; apud Recentiores Poetas, vel poſt *M* ſequitur conſonans, vel ſequitur vocalis, aut diphthongus: ſi ſequitur conſonans
M lon.

M longum est positione etiam in diversis dictionibus; si sequitur vocalis, aut diphtongus **M** absorbetur, eliditur, & voratur simul cum vocali antecedenti per figuram Ecthypsim, de qua infra agemus.

Versus pro hac Regula.

C longum est: varium hic pronomen; corripe d anec,

Et nec fac pariter malunt breviare Poetae:

Corripe l, at produc sal, sol, nil, multaue Hebræa.

M vorat Ecthypsis, prisci brevigare solebant.

DE ULTIMIS SYLLABIS DESINENTIBUS IN N.

Regula Septima.

O Mnes dictiones desinentes in **N**, habent **N** longum, siue sint græcæ, siue latinae,

næ, ut *fin*, *Titan'*, *Siren*, *fin-*
don, *Adæon*, *Orion*, *Ægon*, in
 quibus, & similibus N longum
 est: *En* particula demonstrativa
 etiam est longa.

Excipiuntur primò omnia
 nomina tertiæ declinationis de-
 finientia in *en* in nominativo
 cum genitivo singulari in *inis*
 breve, ut *carmen*, *carminis*; *ful-*
men, *fulminis*; *flumen*, *flumi-*
nis, in quibus, & aliis N breve
 est in nominativo.

~~*Excipiuntur*~~ *secundò* omnia
 nomina primæ, & secundæ de-
 clinationis græcorum, primæ
 autem latinorum, definientia in
 N in Accusativo singulari, ut *Æ-*
nean, *Anchisen*, *Alciden*, *Callio-*
pen, *Rhetoricen*, *Grāmaticen*, in
 quibus N breve est in fine, sicu-
 ti omnia nomina tertiæ græco-
 rum definientia in accusativo
 fin-

singulari in N à nominativo
 brevi in OS, ut Scorpion a Scor.
 pios: Tytion a tytios: Carolon a
 Carolos habent N breve ; sic
 etiam omnia nomina græca de-
 finientia in on, & reducibilia ad
 secundam latinorum habent N
 breve, ut Ilion, ilium , quibus
 adduntur etiam nomina quin-
 ctæ declinationis græcorū defi-
 nientia in on in genitivo plu-
 rali, ut epigrammaton pro epi-
 grammatum , grammaton pro
 grammatum , stemmaton pro
 stemmatum, in quibus N breve
 est in fine.

Excipiuntur ultimò forsitan,
 in, forsan tamen, an, viden , in
 quibus N breviatur in fine.

Versus probat Regula.

*N longum est Græcis pariter, pa-
 riterque Latinis:*

*En brevia, quod format inis bre-
 ve*

*ve, græca secunda
Jungimus, & quartum, si sit bre-
vis ultima recti:
Forsitan, in, forsan, tamen, an, vi-
den, adice curtis.*

**DE ULTIMIS SYLLABIS
IN R.
Regula Octava.**

OMnes dictiones de finētes
in R habent R breue in fi-
ne, ut Hector, vir, semivir, Ami-
car, amatur, legitur, statur, cur-
ritur, murmur, turtur, marmor,
in quibus R breuiatur in fine.

Excipiuntur primò far, farris.
& par, paris cum compositis;
ut impar, compar, dispar, in qui-
bus R longum est in fine.

Excipiuntur secundò lar,
laris, nar, naris, cur, & fur, furis,
in quibus R longum est fine.

EX.

Excipiuntur tertio nomina
græca desinentia in er cum ge-
nitivo in eris, ut **Crater**, **crateris**
luther, **lutheris**, in quibus **R** lon-
gum est in fine.

Excipitur quarto **Iber**, **iberi**,
seu **iberis**, in quo **R** longum est.
Cor habet **R** longum, melius
breve: **Celtiber**, **celtiberis** habet
R in fine commune, & varium,
modo breue, modo longum.

Versus pro hac Regula.

*R breue, sed longum est far, par
cum pignore, tar, Nar,
Cur, fur, cum græcis, quibus est
genitivus in eris:*

*Addito Iber, sed Cor melius bre-
ve, Celtiber anceps.*

**DE VLTIMIS SYLLABIS
DESINENTIBVS IN AS.**

Regula Nona.

O Mnes dictiones desinentes
in **As** habent **A** longum, siue
sint

sint græcæ, siue latinæ, ut *Æneas*,
Thomas, *Lucas*, *Pythagoras*, *fas*,
nefas, *amas*, *legas*, *curras*, in qui-
 bus *As* longum est in fine.

Excipiuntur primò nomina
 tertiæ declinationis desinentia
 in *As* in accusatiuo multitudi-
 nis, seu plurali, ut *Delphinas*;
Troas, *Heroas*. *Platonas*, *Cicero*
nas, *Dæmonas*, *Rhecoras*, in qui-
 bus, & similibus *As* breue est in
 fine.

Excipiuntur secūdò omnia no-
 mina græcorū tertiæ etiā decli-
 nationis desinentia in nomina-
 tiuo, seu recto singulari in *AS*,
 cum patrio, seu genitiuo singu-
 lari terminante in *Adis* habente
 incrementum breue, ut *Arcas*,
arcadis, *Ilias*, *iliados*, *Troas*, *troa-*
dos, in quibus, et similibus *AS*
 breue est in recto singulari: si
 nomina græcorum tertiæ de-
 cli-

clinationis desinant in *As* cum
genitivo in *Antis*, tunc *As* lon-
gum est in recto, ut *Abas*, *Aban-*
tis; *Atlas*, *Atlantis*; *Athamas*, *A-*
thamantis, in quibus *As* longū
est in nominativo. Ex quibus
sequitur quòd *Pallas* *Palladis*
habet *As* breve; *Pallas*, *Pallantis*
habet *As* longum.

Versus pro hac Regula.

As produc; quartum Græcorum
Tertia casum

Corripit, & rectum si in Adis bre-
ve patrius exit.

DE VLTIMIS S T L L A B I S DESINENTIBVS IN ES.

Regula Decima.

OMnes dictiones desinentes
in *Es*, siue apud Latinos,
siue apud Græcos, habent *Es* lō-
gum, ut *Alcides*, *Anchises*, *Peli-*
des, *Consules*, *Reges*, *Ames*, *fa-*
F *cies*,

cies, properes, in quibus Es elongatur in fine.

Excipiuntur primò omnia nomina tertiæ declinationis desinentia apud Latinos in Es in recto cum genitivo habente incrementum breve, ut *Dives*, divitis; *Eques*, equitis; *hospes*, hospitis; *pedes*, peditis, in quibus Es breve est in nominativo: *Pes*, pedis; *Paries*, parietis; *Abies*, abietis; *Aries*, arietis; & *Ceres*, *Cereris* habēt Es longum in recto, licet incrementum in genitivo sit breve.

Excipitur secundo Es desum cum compositis, ut *potes*, *dees*, *præes*, *obes*, *ades*; & *penès* adverbium, in quibus Es breve est.

Excipiuntur tertio omnia nomina græca tertiæ declinationis desinentia in nominativo,

vo, accusativo, & vocativo plurali in *Es*, ut *Rhetores*, *Dæmones*, *Arcades*, *Troades*, *Amazones*, *Teutones*, in quibus *Es* breve est.

Versus pro hac Regula.

Es quoque produces; breuiat sed

Tertia rectum,

Cum patrii brevis est crescens
penultima; pes hinc

Excipitur, paries, aries, abies-
que, Ceresque:

Corripe & Es de Sum, penes, &
pluralia græca.

DE ULTIMIS SYLLABIS

desinentibus in IS, & YS.

Regula Undecima.

O Mnes dictiones desinentes
in IS, aut YS corripuntur
in fine, ut *Itys*, *Tethys*, *Tiphy-*
legis, *curris*, *occidis*, *sperni*^s,
F. 2 me^s,

metis, metuis, in quibus Is, & Ts breve est in fine.

Excipiuntur primò casus plurales, scilicet dativus, & ablativus pluralis, ut Armis, arvis, astris, Musis, Dominis, terris, in quibus Is longum est apud Pòetas.

Excipiuntur secundò Glis, gliris; & Sis á sum cū compositis, ut adsis, præsis, desis, absis, obsis, prosis, in quibus Is longum est.

Excipiuntur tertio Vis, sive nomen, sive verbum; Nolis, & velis, in quibus Is longum est.

Excipiuntur quarto omnia verba quartæ conjugationis in secunda persona singulari Modi indicativi præsentis, ut Audis, obedis, servis, sentis, in quibus, & similibus Is longum est in fine.

Ex.

Excipiuntur quintò omnia nomina tertiæ declinationis desinentia in *Is* cum genitivo singulari in *Inis*, *Entis*, aut *Itis*, habente incrementum longum, ut *Salamis*, *Salaminis*; *Simois*, *Simois*; *Samnis*, *Samnitis*, in quibus *Is* longum est in nominativo.

Versus pro hac Regula.

Corripias Is, & Ts; plurales excipe casus;

Glis, sis, vis verbum, ac nomen; nolisque, velisque,

Audis cum sociis; quorum & genitivus in Inis,

Entisue, aut Itis longum, producito semper.

DE ULTIMIS SYLLABIS

desinentibus in OS.

Regula Duodecima.

OMnes dictiones desinentes in OS habent OS longū, siue sint ex Græcis, siue sint ex Latinis; ut *Heros*, *Athos*, *Androgeos*, *Tros*, *Mos*, *Dos*, *Cos*, *Dominos*, *Servos*, *bonos*, *malos*, *honestos*, in quibus, & similibus dictionibus os longum est in fine.

Excipiuntur primò *Compos*, & *Impos*, in quibus os breuiatur in fine.

Excipitur secundò os, *os*, *os*, namque habet os breve; sicuti *os*, *oris* habet os longum.

Excipiuntur tertio omnia nomina græca neutra, ut *Argos*, *Chaos*, *Melos*, in quibus, & aliis os breve est in fine.

Ex.

Excipiuntur quartò omnia nomina tertiæ declinationis Græcorum reducibilia ad secundam declinationem Latinorum; ut *Tyros*, *Arctos*, *Tytios*, *Ilios*, in quibus, & similibus osbreve est in fine, quia hæc, & similia nomina græca reducuntur ad secundam declinationem Latinorum; apud Latinos enim dicitur *Tyros*, *Tyri*; *Arctus*, *Arcti*; *Tytius*, *Titij*; *Ilius*, *Ilij*, non adiectivum; nam *Ilion* est substantivum, & dicitur *Ilium*, *Ilij*.

Excipiuntur quintò omnia nomina græca habentia genitivum singularem, seu primi numeri in os, ut *Pallas*, *Pallados*; *Arcas*, *Arcados*; *Tethys*, *Tethyos*; *Typhys*, *Typheos*; *Phyllis*, *Phyllidos*; *Cloris*, *Cloridos*, in quibus, atque aliis sexcentis

ditionibus græcis os breve est
in fine.

Versus pro hac Regula.

*Vult Os produci; Compos bre-
uiatur, & Impos;*

*Osque, ofis; Græcorum & neutra,
& cuncta secunda*

*Addita Ausonidum, græcus ge-
nitivus & Omnis.*

DE ULTIMIS SYLLABIS

desinentibus in US

Regula xiii. & ultima.

OMnes dictiones terminan-
tes in US, habent US bre-
ve, ut Deus, litus, funus, cor-
pus, fœnus, Dominus, servus,
meus, tuus, suus, in quibus
Us breve est in fine.

Excipiuntur primò mono-
syllaba desinentia in Us, ut thus,
mus, rus, plus, in quibus Us
longum est. Ex.

Excipiuntur secundo omnia nomina tertiæ declinationis desinentia in *Us* cum genitivo singulari habente incrementum longum, ut *Tellus*, *telluris*: *salus*, *salutis*: *palus*, *paludis*: in quibus, & aliis *Us* longum est in nominativo; si nomina tertiæ declinationis desinant in *Us*, & habeant genitium singularem cum incremento brevi, tunc *Vs* breve est in nominativo; cum contrariorum contrariæ sint proprietates, ut *intercus*, *intercutis*: *pecus*, *pecudis*: *ligus*, *liguris*, in quibus, & aliis *Us* breviatur in nominativo; atque idem dicas de vocativo; quia vocativus sequitur quantitatem *Recti*, præcipue in tertia declinatione, cum habeant eandem terminationem. Vnde si rectus habet *Vs* longum, vo-

F s can.

candi casus habet etiam **Vs** longum ; si **Rectus** habet **Us** breve, etiam **vocandi casus** habet **Vs** breve.

Excipiuntur tertio nomina quartæ declinationis desinentia in **Us** in utroque numero, ut **manus**, **visus**, **domus**, **motus**, **sensus**, in quibus, & similibus nominibus **Us** longum est in omnibus casibus utriusque numeri, excepto nominativo, & vocativo singulari, in quibus **Us** breve est; nec non dativo, & ablativo plurali, ut **manibus**, **visibus**, **domibus**, **motibus**, **sensibus**, in quibus **Us** in fine corripitur.

Excipiuntur quarto omnia nomina tertiæ declinationis desinentia in **Us** cum genitivo in **untis**, ut **Opus**, **opuntis**; **Amathus**, **amathuntis**, in quibus
Us

Us longum est in Recto, & in quinto casu.

Excipiuntur sext^o nomina græca desinentia in *Eus*, contractis *E*, & *Vs* in unam, eandemque syllabam, ut *Ilioneus*, *Tydeus*, *Theseus*, *Orpheus*, *Vlysseus*, *Achilleus*, in quibus, & similibus longum est *Us* in recto; sicuti excipiuntur nomina græca desinentia in *O* cum genitivo in *Oos*, & per contractionem in *Vs*, ut *Manto*, *Mantoos*, vel *Mantus*; *Dido*, *Didoos*, vel *Didus*; *Alecto*, *Alectoos*, vel *Alectus*; *Clio*, *Clioos*, vel *Clius*, in quibus *Vs* longum est in patrio, seu in genitivo. Nomina græca desinentia in *Os* non contracta, & desinentia in *Vs* per reductionem ad secundam Latinorum habent *Vs* breve, ut *Pamphagos* græcè, *Pamphagus*

latinè; Polypus græcè, Polypus
latinè, habent *V*s breve.

Denique excipitur Nomen
illud venerabile, & semper a-
dorabile, JESUS; in nomine JESU
omne genuflectatur cœlestium
terrestrium, & infernorum, in
quo *V*s longum est in fine, quia
venit ex nomine græco Ἰησοῦς
desinente in diphthongum lon-
gum.

Versus pro hac Regula.

*V*s breve ponatur: produc mono-
syllaba, quæque

Casibus increscunt longis, & no-
mina quartæ,

Excepto Recto, & quinto, & qui-
bus exit in Untis,

Patrius, & conflata è Pus, con-
tractaque græca

In recto, & patrio, & venerândum
Nomen JESUS.

JE.

JESUS Alpha , & Omega re-
 rum omnium nostros tenues,
 & juveniles labores terminat,
 nec id immeritò fortasse evenit,
 benignissime mi Lector ; à JESU
 omnia recepi , ad JESUM omnia
 redière , nempe à Patribus So-
 cietatis , tamquam primo fonte
 omnia adolescens ebibi , sive in
 p. iuxta classis Gymnasio , sive in
 humaniorum literarum Aca-
 demia , sive in Parthenio quâ
 Philosophiæ , quâ Theologiæ
 Lycæo ; quamobrem par erat , ut
 meum hoc exiguum Rudimen-
 tum JESUM præferret in fine ,
 ut JESU non oblitus , ad JESUM
 quidquid boni edidi , referrem.
 Putare nosse à se quod sapi-
 mus , superbia est ; putare nosse
 ab alijs , quod docemus , humili-
 tas est , quæ tanquam Regina
 Virtutum majora paulatim ma-

nifestabit ulterius. Vive felix,
ut quæ sequantur, attentiore
animo evolvas.

Addidissim hic titulum de
Dictionibus Irregularibus lon-
gis, brevibus, & communibus
ex natura, usu, & exemplis Scri-
ptorum, non ex regulis supe-
rius expositis; sed hæc videre
potes pro nunc in Prosodia, vel
Synonimo; nam in altera Edi-
tione, quod prætereo, addam,
Deo adjuvante, & auspice.



DE



D E

ART E POETICA

LIBER SECUNDUS.



IN primo libro huius
Opusculi actum est
de Prosodia, seu de
Arte metrica pro
quantitate, & tem-
poribus syllabarum, additis ver-
libus Alvari pro singulis præ-
ce.

ceptis, & Regulis, ut majorem
 auctoritatem ex tanto *Viro* re-
 ciperent, ac præferrent; nec
 deerat nostris Musis extempo-
 raneis aliqua aptitudo ad no-
 vos excudendos. Recentia cu-
 riositatem excitant, pretij mi-
 nus habent. Antiquiora in pre-
 tio quidem sunt, fastidium ta-
 men quandoque pro generant,
 nisi sint apprimè exculta, & no-
 bilitè expolita. Nunc verò in
 hoc secundo ejusdem Opuscu-
 li libro agere incipimus de Arte
 Poetica pro efformatione me-
 trorum in quocumque genere,
 additis omnibus iis, quæ perti-
 nent vel ad Ornamentum, vel
 ad Gratiam, & Venustatem eo-
 rundem; primò igitur sermo
 erit de Æthymologia, Natura,
 Divisione, & Qualitatibus Poë-
 seos; secūdò de Pedibus in qua-
 cun-

cunque specie; tertio de Metro
 in quocunq; genere; quarto de
 Metro dactylico; quinto de
 Metro Hendecasyllabo; sexto de
 Metro Iambico; septimo de Me-
 tro Trochaico; octavo de cete-
 ris speciebus Metrorum; nono
 de Penthemimeri, & Hephthe-
 mimeri; decimo de Syllaba co-
 muni; undecimo de Cæsura;
 duodecimo de Necessitate me-
 trica, & de Licentia poetica; de-
 cimo tertio de Tropis; decimo-
 quarto de Figuris Grammati-
 corum; decimo quinto de Fi-
 guris Dimensionis; decimo sex-
 to de Figuris Poetarum; deci-
 mo septimo de Figuris Orato-
 rum; decimo octavo de Affectio-
 nibus Animi; decimo nono de
 Patronymicis; vigesimo de Vo-
 cibus novis, Inusitatis, Equi-
 vocis, & græcolatinis; vigesimo
 pri-

primò de Phrasibus poeticis; vigesimo secundò, & ultimò de Epithetis, & Synonimis. Sit igitur, Deo Duce.

*De Æthymologia, Natura; Divisione, & qualitatibus
Pòeseos.*

C A P U T I.

Pòesis apud Latinos, Ποιήσις apud Græcos, significat fictionem: nomen accepit à verbo græco Ποιῆν, quod fingere repræsentat, ut docent ii, qui bonis literis adornantur: Poesis enim Fabulis, & fictionibus utitur ad formandum quodcumque opus, quod elaborat: imò quò lepidior in falso, eò ingeniosior existimatur in opere. Poemata in Fabularum venustate

state, *Historiæ* in eventuum
 veritate inniti debent, ut place-
 ant. Poetæ *Pictoribus* assimila-
 tur ab *Horatio* in sua *Poetica*
 utrisque quodlibet licet: quò
 mens est acutior in exprimen-
 dis rerum imaginibus, etiam ad
 insaniam, eò *Ars* censetur ad-
 mirabilior in promerendis en-
 comijs, etiam ad immortalita-
 tem. *Pictoribus*, atque *Poetis*
 quodlibet audendi semper fuit
 æqua potestas.

Poesis est *Ars*, seu doctrina
 componendi *Metrum* in quo-
 cunque genere fundata in *Fa-*
bulis, & *Allegoriis*. Dicitur
Ars, quia numeratur inter sep-
 tem *Artes liberales*, quæ sunt
Grammatica, *Rhetorica*, *Poesis*,
Arithmetica, *Musica*, *Geome-*
tria, & *Astrologia*; insuper sicu-
 ti *Artes* ab imperfectis paula-
 tim

tim progrediuntur ad petse-
 ctiora, ita Poesis á rudibus in-
 cipit, & deinde in admirabilia,
 excellentia, & quasi divina la-
 dabiliter desinit, quod fit labo-
 re, & ingenio: præceptis, & e-
 xercitationibus: studio, & assi-
 dua addiscentis industria; nisi
 dicere velimus, quòd sicuti
Ars est finita de infinitis, ita
Poesis dat finita præcepta pro
 infinitis metrorum compositio-
 nibus, quæ fiunt, & fieri pos-
 sunt ab eo, qui *Poeseos* vestigia
 eruditè sectatur: Dicitur *Do-*
ctrina componendi metrum in
 quocunque genere, quia *Poesis*
 tanquam *Magistra*, atque insi-
 gnis *Præcepatrix* edocet *Regu-*
las, & suggerit *Normas*, quibus
 mediis quodcunque metrum,
 & quodcunque *Poema* efficere,
 aut componere possumus; vel
 ad

ad captandos plausus in publicis *Academiis*; vel ad æternandum nomen in excultis *Musarum* paginis, aut voluminibus: Dicitur fundata in *Fabulis*, & *Allegoriis*, quia *Poesis* ficta describit, & sub fictis vera documenta lateſcunt pro *Virtutibus* fovendis, aut pro vitiis eliminandis; unum sub alio intelligit, ut reprehendat facinora, & parcat facinorosis.

Poesis duplex est, altera *Naturalis*, *Artificialis* altera: *Poesis* naturalis est vis, seu *Virtus* quædam componendi metra nobis inſita à *Natura* ſine *Regulis*, & ſine præceptis: *Poesis* artificialis est vis, seu virtus quædam componendi metra nobis inſita ab *Arte* cum *Regulis* ſimul, & præceptis. *Poesis* naturalis communis est omnibus

bus hominibus, etiam Pastoribus, Agricolis, & Bubulcis, qui ad alleviandam duritiem laborum in incomptas, & venustas cantilenas frequentissime erumpunt: Poesis artificialis est propria Virorum illustrium, qui vel à Magistris, vel ab Authoribus Poesim ebiberunt in libris.

Materia Poeseos sunt res omnes, five sacræ, five profanæ; five humanæ, five divinæ; five pertinentes ad Politicam, Oeconomicam, Militiam, & Agriculturam; five pertinentes ad aliud; quoniam Poetæ de rebus omnibus possunt formare longum carmen, & prolixum volumen.

Forma Poeseos est *Modus* dicendi quod velit in hac, vel illa specie metrorum cum optima

ma Inventione, perfecta Dispositione, & eleganti Elocutione eorum, quæ audienda, aut legenda proponimus.

Officium Poeseos est delectare, & prodesse: delectare Fabulis, seu fabulosis Inventionibus, & prodesse salubribus sententiis, seu laudabilibus consiliis: quoniam ad eam spectat Fabula, & Allegoria; Fabula jocatur, et ridet: Allegoria verò commonet, et docet, ut honestatem virtutis sectemur, et vitii deformitatem effugiamus.

Finis Poeseos est virtus, atque morum honestas, eo fine scribit, ut scelerum turpitudinē ab eventibus revelet, et sanctarum virtutum pulchritudinē ab effectibus manifestet: ex quibus patefactis quis ex malo quandoque fit bonus, et bonus

pedetentim melior fit, aut optimus: nec Poëti, sed Poëtæ attri-
buendum est potius, cum ob-
scœna insinuantur, vel inhone-
sta persuadentur carminibus:
Quidquid contra mores com-
ponimus, igne prudentius,
quàm publica Solis luce frua-
tur oportet, ac decet. Pictores
ex oculis, Poëtæ ex auribus In-
nocentiam Animarum quàm
sæpe prostituunt, sed vae ipsis,
cum laudes exposcant, gehen-
nam reperiunt.

Apollo Poësim invenit secū-
dum Gentiles, unde Poëseos
Numen, Pater, et Author com-
muniter nuncupatur: postea
illam illustrarunt et Græci, et
Latini, atque insignes Hetrū-
sci, quorum volumina admira-
mur in privatis, vel publicis Bi-
bliothecis. Quis non obstupe-
scit

scit *Facundiam* Pindari, *Ingenium* Anacreontis, & *Eruditionem* Homeri? Quis non encomiat Maronem, aut *Horatiū*? Quis non celebrat *Nasonem*, aut *Martialem*? Quis non plaudit *Lu canum*, *Claudianum*, aut *Lucretium*? Quis non decantat *Torquatum*, *Marinum*, & cæteram *Poetarum* familiam ita eruditam, ita excultam, ita concinnam, atque elegantem in metro, ut famem habeas, nedum desiderium legendi *Opera*, quæ transmiserunt ad *Posterostam* quam ingenii immortales *Tibicines*, & *Sapientiæ* immorituras *Reliquias*?

Miranda quidem est *Poeseos* *Vis*, atque ejusdem activa potentia; *Orpheus* cantu, & *Lyra* *Rupes* rigentes attraxit; *feras* immanes mansuefecit; *Aquas*

decurrentes continuit ; Aves
 volantes immobiles reddidit.
 Amphion metro , & Fidibus
 Thebanos muros construxit.
 Arion cythara fretus Delphi-
 nas equitavit per medios pelagi
 fluctus , ut latronum manus
 evaderet , & tutus fieret à la-
 trociniis , si Fabellis fides for-
 tasse præstanda est : Mirabilior
 tamen est gloria , qua potiti
 sunt Poetæ apud Imperatores,
 apud Reges, apud Principes,
 apud Romanos Pontifices ; de
 qua fileam necessum est , cum
 satis loquantur Antiquorum
 volumina , Artificum simula-
 chra , Pictorum imagines , &
 reliqua Sculptorum monumē-
 ta , in quibus post mortem im-
 mortalis est Fama, & sempiter-
 num est nomen , nescium cor-
 rodi ab *Ævo*, quod furtim cor-
 rodit omnia.

De

*De Pedibus in quacunque
specie*

C A P U T I I.

MEtra , quæ efformanda docet Poesis, ex pedibus constant: unde hic de Pedibus agimus, tractaturi deinde de Metro.

Pes est pars Metri certo numero, atque ordine syllabarum definita secundum Professores hujus Artis: partes Metri dicuntur pedes, quia metrum à principio per medium progreditur tandem ad ultimum: Non quæcunque pars metri dicitur pes, sed ea dumtaxat, quæ habet certum numerum, atque definitum ordinem syllabarum; Pedes sunt in triplici genere, alij dicuntur Disyllabi, alij

Trisyllabi, alij denique Quadrisyllabi: de singulis ordinatim agendum.

De Pedibus Dissyllabis.

Pedes Dissyllabi, seu Bissyllabi sunt illi, qui ex duabus syllabis constant: hujusmodi pedes sunt quatuor, Spondæus, Pyrrichius, Choræus, seu Trochæus, & Jambus.

Spondæus pes est constans ex duabus syllabis, quæ ambæ longæ sunt, ut currunt, certant, arvis, aëtris, pugnas, iras.

Pyrrichius pes est constans ex duabus syllabis, quæ ambæ breves sunt, ut labor, dolor, furor, amor, agit, juvat.

Choræus, seu Trochæus pes est constans ex duabus syllabis, quarum prior est longa, posterior

rior brevis, ut Arma, Castra,
arva, miles, obstat, fortis.

Jambus pes est constans ex
duabus syllabis, quarum prior
est brevis, posterior longa,
ut Ama, Deos, precans, bonos,
faces, feres. Unde opponuntur
inter se Spondæus, & Pyrrhi-
chius; Jambus, et Choræus, ut
apparet ex syllabarum quan-
titate.

De Pedibus Trisyllabis.

Pedes trisyllabi sunt illi, qui
ex tribus syllabis constāt.
hujusmodi pedes octo sunt,
Molossus, Tribrachys, Dacty-
lus, Anapestus, Bacchius, An-
tibacchius, Creticus, et Amphi-
brachys.

Molossus pes est constans ex
tribus syllabis, quæ omnes lon-

gæ sunt, ut Mæcenæ, decertant, gaudentes, luctantes, spernebant, commiscunt.

Tribrachys pes est constans ex tribus syllabis, quæ omnes breves sunt, ut Atavus, Dominus, pavidus, metuit, solidus, viride.

Dactylus pes est constans ex tribus syllabis, quarum prima est longa, duæ sequentes breves, ut Regibus, pulvere, fervidus, nobilis, tollere, condidit.

Anapæstus pes est constans ex tribus syllabis, quarum ultima est longa, duæ antecedentes breves, ut tumidos, pavidos, veteres, solidos; Equites; fluvios.

Bacchius pes est constans ex tribus syllabis, quarum prima est brevis, duæ sequentes longæ, ut dolores, tumores, calores,

res, monebunt, docebas, legēbant.

Antibacchius pes est constans ex tribus syllabis, quarum duæ primæ sunt longæ, ultima brevis, ut audisse, legisse, candore, lecturus, contritus, perplexus.

Creticus, seu Amphimacer pes est constans ex tribus syllabis, quarum media est brevis, duæ collaterales longæ, ut fervidos, nobiles, frigidos, protegunt, divites, milites.

Amphibrachys, seu Scholius pes est constans ex tribus syllabis, quarum media est longa, duæ collaterales breves, ut fluemus, nepote, juvenia, petente, probante, retortus; unde opponuntur Molossus, & Tribrachys; Dactylus, & Anapaustus; Bacchius, & Antibacchius; Creticus, & Amphibrachys, ut de-

monstrat syllabarum diversitas, et Oppositio.

De Pedibus quadrissyllabis.

Pedes quadrissyllabi sunt illi, qui ex quatuor syllabis constant; hujusmodi pedes sunt sexdecim: Dispondæus, Proceleusmaticus, Dichoræus, Dijambus, Choriambus, Antipæstus, Ionicus à majore, Ionicus à minore, Pæon primus, Pæon secundus, Pæon tertius, Pæon quartus, Epitritus primus, Epitritus secundus, Epitritus tertius, Epitritus quartus.

Dispondæus pes est constans ex duobus Spondæis, nempe ex quatuor syllabis, quæ omnes longæ sunt, ut Defensores, Oratores, oppugnabant, conspexerunt, spectatores, admirâtes.

Pro.

Proceleusmaticus pes est cō-
stans ex duobus Pyrrichijs,
nempe ex quatuor syllabis, quæ
omnes breves sunt, ut pariete,
abiete, retuleris, rebiberat, re-
dierat.

Dichoræus pes est constans
ex duobus Choræis, nempe ex
quatuor syllabis, quarum pri-
ma, & tertia est longa; secunda,
& quarta est brevis, ut milita-
bis, admonebis, computatur,
ebibisse, attulisse.

Dijambus pes est constans
ex duobus Iambis, nempe ex
quatuor syllabis, quarum pri-
ma, & tertia est brevis; secun-
da, & quarta est longa, ut capef-
feres, quiesceres propinquitas,
retexeres, pœticos.

Choriambus pes est constans
ex Choræo, & Iambo, nempe ex
quatuor syllabis, quarum duæ

mediæ sunt breves, duæ collaterales longæ, ut divitias, delicias, nobilitas, insidias, alliceres.

Antipæstus, seu Antipastus pes est constans ex Iambo, & Choræo, nempe ex quatuor syllabis, quarum duæ mediæ sunt longæ, duæ collaterales breves, ut remisisse, recusabat, amaremus, revolvebat, amavisse.

Ionicus à maiore pes est constans ex Spondæo, et Pyrrichio, nempe ex quatuor syllabis, quarum duæ primæ sunt longæ, duæ postremæ breves, ut fulgoribus, dimittere, maturior, componere, divinitus.

Ionicus à minore pes est constans ex Pyrrichio, & Spondæo, nempe ex quatuor syllabis, quarum duæ primæ sunt breves,

ves, duę postremę longę, ut
fugiendos, metuendos, rebibis-
ses, retulisses, retinendos.

Peon primus pes est constans
ex Choręo, & Pyrrichio, nempe
ex quatuor syllabis, quarum
prima est longa, cęterę bre-
ves, ut fulminibus, divitibus,
nobilibus, temporibus, militi-
bus.

Peon secundus pes est con-
stansex Iambo, & Pyrrichio,
nempe ex quatuor syllabis,
quarum secunda est longa, cę-
terę breves, ut amaveris, remi-
seris, relegeris, docebimus, po-
tentia.

Peon tertius pes est constans
ex Pyrrichio, & Choręo, nem-
pe ex quatuor syllabis, quarum
tertia est longa, cęterę breves:
ut moriemur, habeamus, videa-
mus, legitote, fugiendus.

47
Pæon quartus pes est constans
ex Pyrrichio, & Iambo, nempe
ex quatuor syllabis; quarum
quarta est longa, cæteræ bre-
ves, ut retulerant, rebiberant,
salamitas, aviditas, miserias.

Epitritus primus pes est con-
stans ex Iambo, & Spōdæo, nem-
pe ex quatuor syllabis, quarum
prima est brevis, cæteræ lon-
gæ, ut redundarent, repentinos,
amatores, Senatores, Aratores.

Epitritus secundus pes est
constans ex Choræo, & Spon-
dæo, nempe ex quatuor sylla-
bis, quarum secunda est brevis,
cæteræ longæ, ut consulares,
conditores, condoleres, com-
moneres, audierunt.

Epitritus tertius pes est con-
stans ex Spondæo, & Iambo,
nempe ex quatuor syllabis, qua-
rum tertia est brevis, cæteræ
lon.

longæ, ut exaudies, impervios,
discordiæ, intelliges, defende-
res.

Epitritus quartus pes est cō-
stans ex *Spondæo*, & *Choræo*,
nempe ex quatuor syllabis, qua-
rum ultima est brevis, cœteræ
longæ, ut defensusus, expugna-
tus, percurremus, fortunatus,
infelice, immaturus. Unde op-
ponuntur inter se *Dispondæus*,
& *Proceleusmaticus*; *Dichoræ-*
us, & *Dijambus*; *Choriambus*,
& *Antipæstus*; *Ionicus* à maio-
re, & *Ionicus* à minore; *Pæon*
primus, & *Epitritus primus*;
Pæon secundus, & *Epitritus se-*
cundus; *Pæon tertius*, & *Epitri-*
tus tertius; *Pæon quartus*, & *E-*
pitritus quartus, ut importa^t
syllabarum tempus, & quanti-
tas.

Ex hisce pedibus sexcenti cō-
po-

poni possunt per mutuam com-
 mixtionem , itaut alij sint ex
 quinque, alij ex sex, alij ex sep-
 tem, alij ex pluribus syllabis:
 Usus tamen se continet intrà
 præpositos, & explicatos: nosse
 pedes non solum ad Pòetas pro
 Metro, sed etiam ad Oratores
 pro Periodo benè efformanda
 pertinet, ut docent Authores,
 & nos fortassè docebimus in
Arte Rhetorica.

Pedes enim Cantilenam, &
 Numerum benè cadentem præ-
 stât cuique sermoni, sive ligato,
 sive soluto; in ligato faciunt
 Metrum, in soluto faciunt Con-
 cinnitatem, quæ plausus suos
 meret in *Academiis*, in *Collo-*
quijs, in *Theatris*, in *Volumi-*
nibus, & *Codicibus*, quos relin-
 quimus, ut vivant etiam post
 effrigescentes cineres in sepul-
 cro

chro; Loqui cōmunē est à natura omnibus hominibus, eloqui paucis datum est ab Arte.

De Metro in quocumque genere.

C A P U T III.

Metrum ita dicitur à metiendo, quia illud metimur per pedes plures, aut pauciores. Metrum dicitur etiam Versus, & Carmen. Versus à vertendo, quia finito uno metro, vertimus oculos, & sermonem ad alium subsequenter, & posterius fluentem. Carmen dicitur à canendo, quia per Pœmata, Odas, & Hymnos ex metris contextos vel Heroas, vel Reges, vel Principes, vel Duces, vel Deos canimus, laudamus, &
en-

encomiamus; eorum Virtutes, gesta, & facinora egregia egregio stylo enarrando mortalibus ad immortalē Reminiscētiā.

Metrum non est aliud, nisi Oratio certo genere, numero, atque ordine pedum alligata, seu præscripta ab Authoribus: pedes excedere, aut à pedibus deficere error est in Pòësi; & sicuti corpus claudicat ex defectu, vel excessu pedum corporaliū, ita ab excessu, vel defectu pedū in Metro claudicat pariformiter Pœma apud Pòetas.

Metrum multiplex est, aliud Dactylicum, aliud Hendecasyllabum, aliud Jambicum, aliud Trochaicum; nomine desumpto vel à pedibus, vel à numero pedum ex quibus Metrum cōponitur, aut compositum est.

De singulis generibus præcepta præscribimus.

De

De Metro Dactylico.

CAP. IV.

Metrum *Dactylicum* ita dicitur à *Dactylo*, ex quo fit; Metrum *Dactylicum* tamquam Genus habet sub se diversas species subiectas, nempe Exametrum, Pentametrum, *Adonium*, *Hymeniacum*, *Archilochium*, *Glyconium*, *Pherecratium*, *Alcmanicum*, *Phaliscum*, *Alcaicum*, & *Asclepiadæum*: singulorum notio danda est breviter, remota farragine Exemplorum, ne nimiùm pinguescat *Volumen*.

De Exametro.

EXametrum ita dicitur quasi *Μετρὸν ἑξ*, hoc est metrum ex sex; constat enim ex sex pedibus, neque pluribus,
ne-

neque paucioribus: primi quatuor sunt omnes Dactyli, omnes Spondæi, vel mixti ex Dactylis, & Spondæis; Quintus pes semper est Dactylus; sextus, & ultimus semper est Spondæus, ut constat ex illis versibus Horatii in libro de Arte Pòetica ad Pisones.

*Humano capiti cervicem Pictor
equinam*

*Jungere si velit, & varias inducere
pennas,*

*Undique collatis membris, ut
turpiter atrum*

*Desinat in piscem mulier formosa
supernè,*

*Spēctatum admissi risum teneatis,
Amici?*

Pedes in Exametro, sicuti in quolibet metro, debent connecti, colligari, & concathenari inter se ita, ut non sint dissoluti, et veluti distrahi : Dictiones
epim

enim debent ita dividi, & recidi in syllabas, ut faciant pedes, alios ex aliis dependentes, & veluti confluentes eo modo, quo in ramo eodẽm alij ramuli ex alijs, atque alij ex alijs erumpunt, et frondentem comam mirabiliter efficiunt in trunco; quod videtur dilucidè, si præcitati versus scandantur.

— Vbi advertas primò quòd duri, inepti, incompti, et nullius Artis sunt versus, si singulæ eorum dictiones sine ulla colligatione, et interfecatione singulos pedes efficiant, ut videre est in his.

Omnia dulci scribis semper carmina metro.

Prælia narras horrida dictu, pessima Regno.

Prædia scindis vomere duro proxima nostris.

Vul.

*Vulnera monstras plurima miles
corpore toto.*

Advertas secundò quòd si primi duo pedes nullam colligationem habeant , etiam verus erit ineptus , licèt coeteri pedes sequentes colligentur, et connectantur , ut constat ex his.

Carmina scribis mellifluis repleta Camænis .

Dicis plurima , quæ moveant fastidia menti.

Protegis Urbem consiliis , armisque vicissim.

Huiusmodi versus etiam insipidi sunt , et sine phaleris Venustatis incompti , quia primi duo pedes dissoluti sunt ; quod ex ipso sono satis, superque apparet.

Advertas tertiò quòd si primus, quintus, et sextus pes sit

diffolutus, reliquis intermediis colligatis, versus venustus, elegans, comptus, et speciosus est, ut constat ex his versibus Horatii in Poëtica dispersis.

Undique collatis membris ut turpiter atrum.

Sumite materiam vestris; qui scribitis, equam.

Dixeris egregiè, notum si callida verbum.

Fervidus an matrona potens, an sedula nutrix.

Hujusmodi versus egregiè sonant, & eleganter excurrunt, quamvis primus pes, quintus, et sextus sint separati, & dissoluti.

Advertendum est quartò quòd Exametrum ineptè terminat, si desinat in monosyllabum, ut sunt illi versus Horatii in eadem Arte poëtica.

Quid

*Quid valeant humeri, cui lecta
potenter erit res.*

*Parturiunt montes, nascetur ri-
diculus mus.*

*Semper ad adventum festinat, &
ad medias res.*

*At nostri Proavi Plutinos, & nu-
meros, &*

*Apud Virgilium tamen vo-
lunt esse Artem, et non ineptiā,
cū finit versum illis verbis :
Presaga mali mens; et alibi, pro-
cumbit bumi bos. sed parcunt
fortasse Authoritati.*

*Advertas quinctò quòd insul-
sū est etiā Exametrum, si desinat
in duo monosyllaba, uti sūt illi
versus eiusdem Horatii ibidem.
Sed non ut placidis cōeant immi-
tia: non ut.*

*Grammatici certant, & adhuc
sub Iudicelīs est.*

*Versibus exponi tragicis res Co-
mi-*

mica non vult.

*Quum quæ sunt oculis subiecta
fidelibus, & quæ.*

Advertas sextò quòd Exametrum etiam displicet eruditæ Apollinis auribus, si ante ultimam dictionem habeat Pyrrichium, ut constat ex illis aliis versibus ejusdem Authoris in eadem Pòetica.

*Reddere qui voces jam scit puer,
& pede certo.*

*Quærit & inventis miser abstinet,
& timet uti.*

*Quid deceat, quid non; quò Virtus,
quò ferat Error.*

Verius enim tunc sunt optimi, tunc excellentes, & plausu digni, cum ante ultimam dictionem vel habent integrum Dactylum, vel habent dictionem ex quatuor, vel pluribus syllabis, vel habent monosyllabum cum

cū dissyllabo anteriùs : undè
 optimè definit *Exametrum* pri-
 mò hoc modo, *tegmine fagi* : se-
 cundò hoc modo, *mirabile fa-*
tu : tertio hoc modo, *miserabi-*
le fatum : quartò hoc modo : *ir-*
reparabile tempus ; quintò hoc
 modo, *primus ab oris*. Sicuti
 etiam optimè definit *Exame-*
trum, si in fine habeat dictio-
 nem trisyllabā cū quadrisyllabo
 antecedenter ; vel si in fine ha-
 beat dictionem trisyllabam cū
 dissyllabo antecedenter ; vel si
 in fine habeat dictionem trisyl-
 labam cum trisyllabo ante-
 cedenter, ut constat ex illis ver-
 sibus Virgilii in diversis locis.
Sylvestrem tenui Musam medi-
taris avena.

Conticuere omnes, intentique ora
tenebant.

Sic fatur lachrymans, classique
immittit habenas. *Ad-*

Advertas septimò , quòd in sexto loco quandoque pro spon-
dæo stat dactylus, & Exametrum
dicitur dactylicum à Poëtis; quod
est sciendum, non imitandum, cum
sit insulsum, atque ineptum; ve-
rum est tamen quòd dactylus fit
spondæus per figuram, quam ap-
pellant Syneresim contrahendo
duas syllabas in unam; ut dicemus
infra; pro Exemplo sint illi versus
Horatii libro primo, & secundo
Sermonum, Satyra secunda, & ter-
tia, & libro primo Epistolarum,
Epistola secunda ad Lollium, &
Epistola sexta ad Humicium.

*Hoc illi rectè, me corporis optima
Lyneus.*

*Sudando pinguem Vitiis Album-
que, nec Ostrea.*

*Effugi, & tamen hæc sceleratus
vincula Protheus.*

*Testa diù, quòd si cessas, aut stre-
nuus anteis.* H Ad

Advertas octavò, quòd quandoque Exametrum est Hypermetrum, hoc est habet syllabam superfluentem, & superexcedentem in fine, & id etiam Ineptiæ attribuendum, cùm pariat ingratum Sonum, & displicentem Cantilenam; salvatur tamen perfectio, & Integritas Exametri per Ethlypsim, vel per Synalephem consistentem in fine Versus antecedentis, & in principio Versus subsequents; Nam si Exametrum cum syllaba superabundanti desinit in m, tunc m cum vocali antecedenti absorbetur à Vocali, aut Diphthongo posita in principio Exametri subsequents: Si verò Exametrum cum syllaba superexcedenti desinit in Vocale, aut Diphtongum, tunc Vocalis, aut Diphtongus absorbetur à Vocali, vel Diphtongo posita in principio Versus

sus sequentis , ut videre est ex illis
Versibus Virgilii libro septimo
Æneidos.

*Jamque iter emensi , turres , ac te-
sta Latinorum*

*Ardua cernebant Iuvenes , muros-
que subibant .*

Atque ex illis aliis libro secundo
Georgicorum .

*Inferitur verò ex fœtu Nucis Ar-
butus horrida ,*

*Et steriles Platani Malos gessere
valentes .*

Advertas nonò , quòd quan-
doque in quinto loco pro daëtylo
stat Spondæus , & Exametrum
dicitur Spondaicum , idque fit , vel
ad majestatem , & magnitudinem ;
vel ad stuporem , & admirationem
exprimendam , ut volunt Poëtæ .
Virgilius sæpe id fecit ; Nos rarò ,
vel numquam hoc facere debe-
mus , quoniam quidquid permitti-

tur insignibus Poëtis, non permit-
tendum est Rudibus, & Tyroni-
bus in Arte Poëtica; Exempla
Exametri Spondaici sunt hæc.

*Chara Deum Soboles, magnum Io-
vis Incrementum.*

*Constitit, atque Oculis phrygia
Agmina Circumspexit.*

Advertas decimò, quòd
quandoque in quinto loco stat
Jambus, & Exametrum dicitur
Jambicum, sic est illud Virgilii libro
secundo Georgicorum.

*Muneribus tibi pampineo gravi-
dus Autumno.*

Quandoque in quinto stat Tri-
brachys, quod scire laudabile est;
facere, aut imitari insulsum, & cen-
sura dignum: sic est illud Virgi-
lii libro decimò Æneidos.

*Grajus Homo infectos linquens
profugus Hymenæos.*

Advertas undecimò quòd ex solis
Exametris fiunt Eglogæ, Georgi-
ca,

ca, Poëmata, atque alia genera
Compositionum, ut videre est
apud Antiquos, & Recentiores
Poëtas, Virgilium, Lucanum, Sta-
tium, Silium Italicum, Aufonium,
Tibullum, Catullum, & alios; fiunt
etiam Epigrammata ex solis Exa-
metris, ut videre est apud Martia-
lem, & Nos addimus de nostro hoc
Exemplum ad CAROLUM VI
Augustissimum Imperatorem Au-
striacum.

*Undique belligeri resonant metuen-
da Gradivi*

*Prælia; per Populos passim sunt
FUNERA, & Urbes.*

*Non est qui siccos Oculos ostendat;
ut Imber*

*Emanant lachrymæ; Mater sua pi-
gnora deflet,*

*Sponsa Virum, frater fratrem, pa-
truisque Nepotem;*

*Hispanos Gallis commixtos cerni-
tibus ire* H 3 *Con-*

*Contra Teutonicas Acies ; Anglos-
que minaces ;*

*Nec finis Bello , tantis nec Termini-
nus Armis*

*Ullus erit, nisi Te Nos, CAROLE,
ad æthera vectum*

*Austriacis Aquilis videamus cum
Jove summo*

*Æquatum ; superisque parem , Do-
minumque supremum*

*Europæ , Italiaeque , & tandem to-
tius Orbis :*

*Ut Patrem ; ut Numen Te publica
Vota reposcunt ;*

*Si pugnare libet , pugnes ; Nos ful-
mina MARTIS*

*Ridemus ; tutos reddit tua Regia
Laurus.*

*Advertas duodecimò , quòd
sub Exametro ponitur Pentame-
trum , & ex illis alternatim fiunt
Elegiæ , Epistolæ , Epitaphia , atque
etiam Epigrammata ; quandoque
sub*

sub uno Exametro ponuntur plura Pentametra, & fit Carmen, seu Epigramma, sic est illud Virgilii.

Hos Ego versiculos feci, tulit Alter Honores:

*Sic vos non vobis nidificatis Aves;
Sic vos non vobis fertis aratra Boves,*

*Sic vos non vobis mellificatis Aper:
Sic vos non vobis vellera fertis Oves,*

Advertas decimo tertio quod quandoque sub Exametro ponitur Alcmanicum Acatalecticum, & ex his ad alternas vices fiunt Odae, uti videre est apud Horatium libro primo Carminum Ode VII. ad Humacium Plancum Consularem.

Laudabunt alii claram Rhodon, aut Mitylenem,

Aut Ephesum, bimariseve Corinthi Menia, vel Baccho Thebas, vel

H 4 Apol-

Apolline Delphas

Insignes, aut Thessala Tempe.

Sunt quibus unum Opus est inta-

Etæ Palladis Urbem

Carminē perpetuo celebrare.

Quandoque sub Exametro ponitur Carmen Dactylicum Archilochium, & Odæ etiam alternatim componuntur, ut videre est apud Horatium libro IV. Carminum Ode VII. ad Lucium Manlium Torquatum.

Diffugere Nives, redeunt jam Gramina Campis,

Arboribusque Comæ:

Mutat Terra vices, & decrescentia Ripas

Flumina prætereunt;

Gratia cum Nymphis, geminisque Sororibus audet

Ducere nuda Choros.

Quandoque sub Exametro ponitur Jambicum quaternarium, & fiunt

sunt pariter Odae ad infinitas vi-
ces, ut videre est apud Horatium
libro Epodon Ode illa, in qua que-
ritur Bellis Civilibus non imponi
finem.

Altera jam teritur bellis civilibus

Ætas, super xæ ætate non est

Suis & ipsa. Roma viribus ruit.

Quam neque finitimi vulgierunt

perdere Marfi, quæ hinc

Minacis aut Etrusca Porsena

manus.

Cætera prætereo, ne supra mo-
dum prolixus appaream: In secundo

Opusculo addemus quidquid pro

nunc relinquimus; interim tempus

est, ut agamus.

De Pentametro.

De Pentametro.

Pentametrum ita dicitur à vo-
ce græca, Πεντε, quæ quin-
que significat apud Latinos, quo-

H 5 niam

niam est metrum constans ex quinque pedibus; quorum primus, & secundus, vel est dactylus, vel Spondæus; tertius semper est Spondæus; quartus, & quintus, semper est Anapæstus; seu constat usitatiùs ex quatuor pedibus, & duabus cæsuris, quæ junctim constituunt quintum pedem; primi duo sunt ambo Dactyli, vel Spondæi; vel mixti; post eos sequitur cæsurâ, seu syllaba longa; deindè necessariò prosequuntur duo Dactyli, ultimò altera cæsurâ, seu syllaba longa. Cæsurâ non est aliud nisi syllaba una quasi cæsa, & derelicta ex dictione antecedenti, uti sunt exempla frequentissima apud Ovidium in Elegiis,

*Imbre per indignas usque cadente
genas.*

Non poterat Fati certior esse sui.

Grândia si parvis assimilare licet.

Car.

*Carminibus vives Tempus in omne
meis.*

Advertendum est primò, quòd
Pentamètrum pro sua speciositate
non debet habere pedes, & Cæsuras
dissolutas, quia malam armoniam,
& sonum efficit, ut patet ex his.

*Carmina dulcia sunt; Carmina flo-
rida sunt.*

*Carmina dicere vis; Carmina plu-
rima scis.*

Advertendum est secundò, quòd
Cæsura non debet desumi ex dictio-
ne sequenti, sed ex antecedenti; Ex
antecedenti metrum est optimum,
uti vides in his.

*Nil mihi rescribas, attamen ipse
veni.*

*Vix Priamus tanti, totaque Troja
fuit.*

*Obrutus insanis esset Adulter aquis.
Nec mihi lassaret pendula tela ma-
nus.*

Ex subsequenti metrum est insipidum, & quasi languidum, uti videre est in his.

Ex fato se defendere non potuit.

Jam tibi vitam concedere nemo potest.

Tu me versus componere sæpe doces.

Advertendum est tertio, quod non displicet Pentametrum, si desinat cum duobus monosyllabis dissolutis, uti videre est in his.

Cætera deficient; Gloria sola sat est.

Jam tibi belligero in pectore grande Cor est.

Advertendum est quarto, quod Pentametrum optime desinit, si desinat in Choriambum, uti constat ex his.

O quantum subitis casibus Ingenium!

Divitiis polles, Robore, Consiliis.

Scilicet hic duo sunt, Exul, & Exilium.

Ad.

Advertendum est quinctò, quòd
ex Exametro, & Pentametro fiunt
Disticha, quæ optima reputantur,
si uterque versus absolvatur qua-
tuor solis dictionibus, uti est illud.
Conturbabantur Constantinopolita-

Innumerabilibus sollicitudinibus.

Advertendum est sextò, quòd
si Exametrum retrogradiendo fiat
Pentametrum, & Pentametrum,
fiat Exametrum, Distichon est ad-
mirabile, uti est illud.

*Sacrum pingue dabo, non macrum
Sacrificabo;*

*Sacrificabo macrum, non dabo
pingue sacrum.*

Advertendum est septimò quòd
Distichon est lepidum, & laudabile
si omnes dictiones incipiant ab ea-
dem vocali, sic est illud ad Vi-
etoriam puellulam.

Virg

*Virtuti ut vivas, vitium, Victoria,
vita;*

*Ut vincas Venerem, vina, virum
que veto.*

Advertendum est octavo, quod
Distichon etiam est laudabile, si
omnes dictiones incipiant ab ea-
dem consonanti, sic est illud.

*Carmina composui cunctis charissi-
ma Cygnis;*

*Castalides Cetus carmina compta
colunt.*

Advertendum est nono, quod
Distichon est argutum, & ingenio-
sum, si contineat Auxesim, & Hy-
perbolem, sic est illud supra Do-
mum Ludovici XIV. Regis Gal-
lorum.

*Par Domus est Urbi, Urbs Orbi;
sed neutra triumphis*

*Et Belli, & Pacis par, Ludovico,
IV. tris.*

Advertendum est decimo, quod
Di-

Distichon comptum, & bene formatum dicitur, si contineat similiter Cadens, similiter Desinens, & Isocolon, uti est illud de Virgilio.

*Pastor, Arator, Eques, pavi, colui,
superavi.*

*Capras, Rus, Hostes, Fronde, ligone,
manu.*

Advertendum est undecimò, quòd Distichon laudatur, si contineat Comparationem, sic est illud de Cæsare Augusto.

*Nocte pluit tota, redeunt spectacula
mane;*

*Divinum Imperium cum Jove
Cesar habet.*

Advertendum est duodecimò, quòd Distichon excitat sibi summos plausus, si contineat Contrarietatem, & sensuum Diversitatem, sic est illud de Austriacis.

*Bella gerant alii, tu felix Austria,
nube:*

Quæ

Quæ dat Mars alijs, dat tibi Regna Venus.

Advertendum est decimo tertio quod Commutatio verborum etiam facit formosum, & concinnum Distichon, sic est illud de Didone Carthaginis Regina.

Infelix Dido, nulli benè nupta Marite;

Hoc pereunte, fugis; hoc fugiente, peris.

Advertendum est decimo quarto, quod Suspendio cum Conjugato etiam dat Disticho leporem, & argutiam, sic est illud Martialis ad Zoilum.

Mentitur qui te vitiosum, Zoile dicit;

Non vitiosus Homo es, Zoile, sed vitium.

Advertendum est decimo quinto, quod Æquivocum, & Æquivocatio etiam dat condimentum, & arti-

artificium Disticho, sic est illud de Nerone.

*Quis neget Æneæ magna de stirpe
Neronem?*

*Substulit hic Matrem, substulit
ille Patrem.*

De Metro Dactylico Adonio.]

Metrum dactylicum Adonium ita dicitur, vel ab Adone Inventore; vel quia eo laudabantur Virtutes Adonis: constat ex dactylo, & spondæo, seu choræo, ut constat ex his.

Carmina feruent:

Sidera fulgent:

Omnia pulvis.

Cætera linquo.

Iura tuebor.

Prava Voluptas.

De

De Metro Dactylico Hymeniaco.

Metrum Dactylicum Hymeni-
niacum ita dicitur ab Hy-
mene Inventore : constat ex duo-
bus Dactylis , seu ex Dactylo , &
Cretico , ut patet ex his versibus.

*Horrida praelia
Cernimus urere
Prædia, & Oppida.
Eminus obstrepit
Buccina, & Agmina
Excitat omnia.*

De Metro Dactylico Archilochio.

Metrum Dactylicum Archi-
lochium nomen habet ab
Archilochio, qui illud invenit: con-
stat ex Semipentametro, scilicet ex
duobus dactylis, & Cæsura in fine,
ut monstrant hi versus.

Arboribusque Comæ.

Flu.

*Flumina prætereunt.
 Ducere nuda choros.
 Omnia lapsa cadunt.
 Obruta grandinibus.
 Oppida quæque gemunt.*

De Metro Dactylico Glyconio.

Metrum Dactylicum Glyconium ita dicitur à Glycone, qui illud primò invenit, & excogitavit: constat ex tribus pedibus, quorum primus est Spondæus, secundus, & tertius est dactylus: tertius tamen potest esse Creticus, ut ostendunt sequentes versus.

Nudum remigio latus.

Possint imperiosius.

Sylvæ filia nobilis.

Debes lullibrium, cave.

De

De Metro Dactylico Pherecratio.

Metrum Dactylicum Pherecratium à Pherecrate Poëta nomen, & Originem sortitum est. Constat ex tribus pedibus, quorum primus, & tertius est Spondæus, vel choræus: secundus, seu medius est dactylus, ut liquet ex his versibus.

Jam formosa Juventus

Ecce pulchro fugit ore;

Robur, quod fuit ante,

Exinctum jacet, atque

Paulatim calor omnis

Per venas gelat, Ætas

Instar labilis undæ

Currit, neve moratur.

De Metro Dactylico Alcmanico.

Metrum Dactylicum Alcmanicum ita dicitur ab Alcmano Authore: triplex est, aliud Acatalecticum, aliud Catalecticum; aliud

aliud Hypercatalecticum ex approbatis Authoribus.

Metrum Dactylicum Alcmanicum Acatalecticum constat ex quatuor pedibus integris; duo primi pedes sunt ambo dactyli: ambo spondæi, vel mixti; tertius est dactylus; quartus est Spondæus, vel Choræus; pro exemplo habes hos versus Horatii.

Aut Ephesum, bimariseve Corinthi.

Insignes, aut Thessala Tempe.

Carmine perpetuo celebrare.

Plurimus in Junonis honore.

Metrum dactylicum Alcmanicum Catalecticum constat ex quatuor pedibus, syllaba deficiente. in primo loco stat syllaba; in secundo, & tertio stat Dactylus, in quarto stat Spondæus, vel Choræus, ut ostendunt hi sequentes versus.

Jam fluctibus obruit æquor

Quot velivolæ Mare naves

Exc.

*Excepit; iners jacet ingens
In litore turba virorum.*

Metrum Dactylicum Alcmanicum Hypercatalecticum constat ex tribus dactylis, & syllaba in fine, ut apparet ex his versibus.

Vivimus, & tacite fluimus

Ad tumulum miseri: morimur:

Quis poterit cobibere pedem,

Aut Lachesis properantis iter?

Quemq; manet Necis atra Dies.

De Metro Dactylico Phalisco.

Metrum Dactylicum Phaliscum ita dicitur à Phalisco quodam insigni Poëta, qui illud invenit: constat ex tribus Dactylis, & Spondæo, vel Choræo in fine, ut vides in his versibus.

Lydia moribus inclyta fulget;

Insidet aurea gratia vultu;

Vulnera Cordibus inserit; atque

Gall.

Gaudia miscet amabilis ore.

De Metro Dactylico Alcaico.

Metrum Dactylicum Alcaicum ita appellatur ab Alcæo Poëta græco Inventore: duplex est; primum dicitur Meshypercatalecticum; secundum Dactylotrochaicum.

Metrum Dactylicum Alcaicum Meshypercatalecticum constat ex quatuor pedibus, & Cæsura: in primo loco stat Spondæus, vel Jambus; in secundo Jambus; in tertio Cæsura; in quarto Dactylus; in quinto Dactylus, vel Creticus, ut patet ex illis versibus apud Horatium.

Vides ut alta stet nive candidum.

Soracte, nec jam sustineāt nives.

Dissolve frigus; ligna super foco.

Large reponens, atque benignius.

Per.

*Permitte diis cætera, qui simul,
Stravere vêtos æquore fervidos.*

Metrum Dactylicum Alcaicum
Dactylotrochaicum cõstat ex qua-
tuor pedibus: primi duo sunt am-
bo dactyli; duo sequentes ambo
Trochæi, seu Choræi; quandoque
ultimus pro Trochæo est Spondæus,
ut constat ex illis versibus apud
eundem Horatium.

Sive Mari libet Adriano.

*Sic geminant Corybantes æra.
Juppiter ipse ruens tumultu.
Vim stomacho apposuisse nostro.*

De Metro Dactilico Asclepiadæo.

METrum Dactylicum Ascle-
piadæum ita dicitur ab Ascle-
piade Authore, & ejus Inventore.
duplex est, alterum Meshypercata-
lecticum, alterum Catalecticum.

Metrum Dactylicum Asclepia-
dæum

dæum Meshypercatalecticum constat ex Spondæo , Dactylo , & Syllaba longa, postea ex duobus Dactylis , ut patet ex illis Versibus apud Horatium .

*Mæcenâs, Atavis edite Regibus,
O & præsidium , & dulce Decus
meum ;*

*Sunt quos Curriculo pulverem
Olympicum*

*Collegisse juvat, metaq; feruidis
Evitata Rotis ; palmaque no-
bilis*

*Terrarum Dominos evehit ad
Deos.*

Metrum Dactylicum Asclepiadæum Catalecticum constat ex Spondæo, Dactylo, & Syllaba longa; deinde ex dactylo, & Spondæo. in primo tamen loco quandoque stat Dactylus pro Spondæo, ut constat ex illis Versibus apud Boëtium Philosophum, & Poëtam.

I *Hen*

*Heu quàm præcipiti mersa pro-
fundo*

*Mens hebet, & propria luce re-
liſta,*

Tendit in æthereas ire tenèbras!

Metrum Daſtylicum Aſclepia-
dæum Meſhypercataleſticum ſe-
cundum alios conſtat ex Spondæo,
duobus Choriambis, & Pyri-
chio: iidem Verſus faciunt Ultrum-
que per diverſam Scanſionem.

De Metro Hendecaſyllabo.

C A P U T. V.

TRactavimus uſque adhuc de
Metro Daſtylico : nunc de
Metro Hendecaſyllabo breviter
agimus. Metrum Hendecaſylla-
bum ita dicitur à Voce græca
ἑνδέκα, quæ undecim ſignificat
apud Latinos, quia huiusmodi
Me-

Metrum ex undecim syllabis constat. Duplex est Metrum Hendecasyllabum, alterum Phaleucium, alterum Sapphicum.

Metrum Hendecasyllabum Phaleucium ita dictum est à Phaleuco, vel Phalecio, qui illud invenit; constat ex Spondæo, Dactylo, & tribus Choræis; quandoque in fine pro Choræo stat Spondæus, ad Exemplum sint illi Versus sub Imagine Martialis.

*Hic est, quem legis; ille, quem
requiris,*

Toto notus in Orbe Martialis

Argutis Epigrammaton libellis;

Cui, Lector studiose, quod dedisti

Viventi Decus, atque sentienti,

Rari post cineres habent Poëtæ.

Metrum Hendecasyllabum Sapphicum constat ex Choræo, Spondæo, Dactylo, & Duobus Choræis; quandoque in ultimo loco

pro Choræo stat Spondæus , ut
constat ex illis versibus apud Ho-
ratium libro I. Ode II. , quibus
ternis quibusque addit unum Ado-
nium.

*Jam satis terris niviis , atque diræ
Grandinis misit Pater , & ru-
bente*

*Dextera sacras inculatus Arces
Terruit Orbem.*

De Metro Jambico.

C A P V T. VI.

M Etrum Jambicum ita di-
citur à pedibus Jambis ,
quos admittit: quadruplex est, aliud
dicitur Monometrum , aliud Di-
metrum , aliud Trimetrum , aliud
Tetrametrum apud approbatos
Authores , & egregios Poëscos
Professores ; de singulis agendum
est. *De*

De Metro Jambico Monometro.

Metrum Jambicum Monometum quatuorplex est, Acatalecticum, Catalecticum, Brachycatalecticum, & Hypercatalecticum.

Metrum Jambicum Monometrum Acatalecticum constat ex duobus pedibus integris, quorum primus potest esse Spondæus, Choriæus, Pyrichius, vel Jambus; secundus est Jambus, vel Pyrichius, pro exemplo sint illi Versus.

<i>Fuge Malum,</i>		<i>Vita scelus,</i>
<i>Ama Bonum;</i>		<i>Crimen cave.</i>
<i>Cole Deos.</i>		<i>Crimen fuge.</i>

Metrum Jambicum Monometrum Catalecticum constat ex Jambo, & syllaba in fine, ut constat ex his Versibus.

<i>Timemus</i>		<i>Sepulchrum,</i>
<i>Pavemus,</i>		<i>quod instat.</i>

Metrum Jambicū Monometrum Brachycatalecticū constat ex uno pede integro, qui vel est Jambus, vel Spondæus, vel Choræus, vel Pyrichius, ut constat ex his Versibus,

Cave,

Fuge,

Vita

Malum:

Cole

Bonum,

Bonum

Fove.

Metrum Jambicū Monometrum, Hypercatalecticū constat ex duobus pedibus, & syllaba superfluente; primus pes est Spondæus, Choræus, Jambus, vel Pyrichius; secundus est Jambus, in fine stat syllaba, vel brevis, vel longa; quoniam ultima syllaba communis est ex bonis Poëtis; pro exemplo sint illi Versus,

Æther nitescit,

Latusque fulget

Usquam nec umbris

La-

*Latet sub atris;
Spondet proinde
Diem serenum;
Spondetque lucem
Nimbus carentem.*

De Metro Jambico Dimetro.

Metrum Jambicum Dimetrum quadruplex etiam est, aliud Acatalecticum, aliud Catalecticum, aliud Brachycatalecticum aliud Hypercatalecticum.

Metrum Jambicum Dimetrum Acatalecticum est illud, quod constat ex quatuor pedibus integris; in primo loco stat Jambus, vel Spondæus; in secundo Iambus; in tertio Iambus, vel Spondæus, in quarto loco Iambus, vel Pyri-chius; pro exemplo sint illi Versus apud Ecclesiasticos.

Quem Terra, Pontus, Sidera

I 4

Co-

*Colunt, adorant, prædicant
Trinam regentem Machinam
Clausum Mariæ bajulat.*

Quandoque in primo loco stat etiam Pyrichius, vel Choræus.

Metrum Jambicum Dimetrum Catalecticum constat ex quatuor pedibus, syllaba deficiente in fine; in primo, & secundo loco stat Spondæus, Jambus, Choræus, vel Pyrichius; in tertio loco stat Jambus, in fine stat syllaba brevis, vel longa, pro exemplo sint hi Versus.

*Seu Sol surgit in Ortu,
Sive languet in Umbris,
Omnes Fatum timemus,
Nimis Orcum pavemus,
Omnes terret Sepulchrum.*

Iambicum Dimetrum Brachycatalecticum constat ex tribus pedibus integris, qui possunt esse mixti ex Spondæis, Choræis, Iambis, & Pyrichiis, ut constat ex illis
Ver-

Verſibus in laudem Dei paræ.

Ave Maris Stella,

Dei Mater alma,

Atque ſemper Virgo,

Felix Cœli Porta.

Sumens illud Ave

Gabrielis ore,

Funda nos in Pace

Mutans Evæ nomen.

Metrum Iambicum Dimetrum
Hypercatalecticum conſtat ex
quatuor pedibus, & ſyllaba in fine;
in primo loco ſtat Spondæus; in ſe-
cundo Iambus; in tertio Spon-
dæus; in quarto Iambus; in ulti-
mo loco ſyllaba brevis, vel lon-
ga, pro exemplo ſint illi verſus
Horatii.

Silvæ laborantes, geluque.

Deprome quadrimum Sabina.

Depræliantes, nec Cupreſſi.

J Ambicum Trimetrum dicitur alio nomine Senarium apud Poëtas, sicuti Dimetrum dicitur quaternarium: hujusmodi metrum quatuor species habet; nam aliud dicitur Acatalecticum, aliud Hypercatalecticum, aliud Catalecticum, aliud Brachycatalecticum.

Jambicum Trimetrum Acatalecticum est illud, quod habet sex pedes integros: in primo, secundo, & tertio loco admittit Spondæum, Iambum, Choræum, vel Pyrichium: in secundo, quarto, & sexto loco admittit solum Iambum, pro exemplo sint illi Versus Horatii in libro Epodon, ubi ex Iambicis Trimetris Acatalecticis, & Dimetris etiam Acatalecticis ad alternas vires facit plures Odas, & præsertim illam ad Maledicum.

Quid

*Quid immerentes hospites vexas
Canis*

*Ignavus adversum lupos?
Quin huc inanes, si potes, vertis
minas,*

*Et me remorsurum petis?
Nam qualis aut Molossus, aut
fulvus Lacon,
Amica Vis Pastoribus,*

*Agam per altas aure sublata nives,
Quaecunque præcedat fera.*

Hujusmodi metrum apud Tragicos, præsertim Senecam in suis Tragædiis in sexto loco admittit semper Iambum, in locis antecedentibus admittit Spondæum, Choriæum, Pyrichium, Dactylum, Anapæstum, Tribrachym, & alios; pro exemplo sint illi Versus ejusdem in Tragædia prima de Hercule Furiente Actu primo, ubi Iuno per Soliloquium sic conqueritur.

*Soror Tonantis, Hoc enim solum
mibi I 6 Ne*

*Nomen relictum est semper alie-
num Jovem ,*

*Ac templa summi Vidua deservi
Ætheris,*

*Locumque Cælo pulsa pellicibus
dedi.*

*Tellus colenda est, pellices Cœlum
tenent.*

Hujusmodi Metrum admittit etiam in sexto loco Spondæum, & tunc dicitur Iambicum Choliambicum, Scazon, seu Claudicans, ut potes videre apud Martialem, qui sæpe sæpius utitur hoc Metro ad componenda Epigrammata, de quibus Nos dicemus in altero Opusculo, pro exemplo sint illi Versus.

*Pauper est Clytus, & videri vult
pauper;*

*O numquam dives fiat, rogamus
Cœlum.*

*Vt quidquid exoptat, impetret mi-
sellus.*

Me-

Metrum Iambicum Trimetrum
Catalecticum habet sex pedes, syllaba
deficiente, pro exemplo sit Ode
illa apud Horatium libro secundo
Carminum, ubi ex Trochaicis Di-
metris Catalecticis, & Iambicis
Trimetris Catalecticis alternatim
facit longum Carmen.

Non Ebur, neque aureum

Mea renidet in Domo lacunar;

Non trabes Hymettie

*Premunt Colūnas ultima recisas
Africa, neque Attali*

Ignotus hères regiam occupavi.

Iambicum Trimetrum Hyper-
catalecticum constat ex sex pedi-
bus, & syllaba in fine super exce-
dente; pro exemplo sint hi Versus.

*Nequam Quintillus est, hoc dum-
taxat refertur.*

*Nequam Quintillus est, hoc dum-
taxat monemus.*

*Nequam Quintillus est, hoc dum-
taxat putetis.*

De

De Iambico Tetrametro.

Iambicum Tetrametrum alio nomine dicitur Octonarium; quadruplex est, Acatalecticū, Catalecticum, Brachycatalecticum, & Hypercatalecticum eo modo, quo dictum est de Trimetro.

De Metro Trochaico.

CAPUT. VII.

Metrum Trochaicum ita dicitur à pedibus Trochæis, quos admittit: in quadruplici genere est, aliud dicitur Monometrum, aliud Dimetrum, aliud Trimetrum, aliud Tetrametrum; de singulis agimus.

De

De Metro Trochaico Monometri.

Sicuti Jambicum Monometrum quadruplex est; aliud Acatalecticum, aliud Catalecticum, aliud Brachycatalecticum, aliud Hypercatalecticum, ita Trochaicum Monometrum quadruplex est, aliud Acatalecticum, aliud Catalecticum, aliud Brachycatalecticum, aliud Hypercatalecticum.

Metrum Trochaicum Monometrum Acatalecticum habet duos pedes integros, qui sunt ambo Trochæi, vel mixti ex Spondæis, Jambis, & Pyrichiis; pro exemplo sint hi Versus.

<i>Astra pulchra,</i>	<i>Nec timete,</i>
<i>Astra clara,</i>	<i>Nec pavete</i>
<i>Scintillate,</i>	<i>Quotquot umbras</i>
<i>Fulgurate</i>	<i>Terra vibrat:</i>
<i>Luce semper</i>	<i>Quotquot umbras</i>
<i>Speciosa.</i>	<i>Terra jacet.</i>

Metrum Trochaicum Monome-

metrum Catalecticum habet duos pedes, syllaba deficiente, exemplum habes in his Versibus mixtis.

<i>Sidera</i>		<i>Micate,</i>
<i>Lucida;</i>		<i>Fulgete;</i>
<i>Fulgida</i>		<i>Radios.</i>
<i>Sidera</i>		<i>Vibrate.</i>

Metrum Trochaicum Monometrum Brachycatalecticum habet unum, & unicum pedem Trochaicum, ut constat ex his Versibus mixtis.

<i>Pelle,</i>		<i>Quidquid,</i>
<i>Cave,</i>		<i>Dei</i>
<i>Fuge,</i>		<i>Jura</i>
<i>Vita</i>		<i>Ledit.</i>

Metrum Trochaicum Monometrum Hypercatalecticum habet duos pedes, & syllabam in fine superfluentem, ut constat ex his Versibus mixtis.

<i>Cernite solem</i>		<i>Sereniores</i>
<i>Fulgurat ore,</i>		<i>Radios vibrat;</i>
		<i>Lu-</i>

<i>Lumina mittit</i>		<i>Gaudia gignit</i>
<i>Radios vibrat</i>		<i>Fulgurat ore</i>
<i>Lucidiores.</i>		<i>Cernite solem.</i>

De Metro Trochaico Dimetro.

Metrum Trochaicum Dimetrum quadruplex est, aliud Acatalecticum, aliud Catalecticum, aliud Brachycatalecticum, aliud Hypercatalecticum.

Metrum Trochaicum Dimetrum Acatalecticum habet quatuor pedes integros, qui omnes sunt Trochæi, vel mixti ex Spondæis, Jambis, Pyrichiis, & Trochæis, sicuti Metrum Trochaicum Dimetrum Catalecticum habet quatuor pedes, syllaba deficiente in fine; ad Exemplum sit primò Hymnus pro Eucharistia, in quo Trochaici Dimetri Acatalectici, & Versus Trochaici Dimetri Catalectici

Etici ad alternas vices faciunt longam Cantilenam.

*Pange lingua gloriosi
Corporis Mysterium;
Sanguinisque pretiosi,
Quem in Mundi pretium
Fructus ventris generosi
Rex effudit gentium.*

Secundò pro exemplo sint illi Versus; qui cantantur in Agenda Defunctorum, qui omnes sunt Acatalectici cum Rythmo in fine.

*Dies ira, dies illa
Solvat sæculum in favilla,
Teste David cum Sybilla.
Quantus tremor est futurus,
Quando Iudex est venturus,
Cuncta stricte discussurus!*

Metrum Trochaicum Dimeterum Brachycatalecticum habet tres pedes, qui possunt esse omnes Trochæi, vel Mixti ex Trochæis, Spondæis, Jambis, & Pyrichiis, pro exem-

exemplo sint illi Versus.

*Phæbe, Præses, Ardor,
Lux, Amorque Vatum;
Dulce cede plectrum,
Lumen adde metris,
Sic tuos libenter
Concinam triumphos.*

Metrum Dimetrum Trochaicum Hypercatalecticum habet quatuor pedes, & syllabam superexcedentem, pro exemplo sint illi Versus.

*Cave, vita mentis turbines;
Pelle, fuga cordis vulnera;
Semper obsunt enim Palladi.
De Metro Trochaico Trimetro,
& Tetrametro.*

Metrum Trochaicum Trimetrum, & Tetrametrum quadruplex etiam est, Acatalecticum, Catalecticum, Brachycatalecticum, & Hypercatalecticum, ut dictum est de Jambico.

De

De Cæteris Speciebus Metrorum.

C A P U T . VIII.

Supereſt denique ut tractemus de cæteris ſpeciebus metrorum pro complendis iis, quæ ſpectant ad Naturam, genera, & ſpecies eorundem.

Præter metrum Dactylicum, Hendecafyllabum, Jambicum, & Trochaicum datut Metrum Anapaſticum, Choriambicum Callimachium, Choriambicum Tetrametrum, Trochaicum Stæſichorium, Jonicum minus, Dactylicum Boëtianum, Choriambicum Phaleucium, & Dactylotrochaicum Eptametrum; de ſingulis damus regulam.

De Metro Anapaſtico.

Metrum Anapaſticum ita dicitur, quia admittit pedes
Ana-

Anapæstos; multiplex est, aliud dicitur monometrum, aliud Dimeterum, aliud Trimeterum, aliud Tetrametrum.

De Metro Anapæstico Monometro.

Metrum Anapæsticum Monometrum duplex est, Acatalecticum, & Hypercatalecticum.

Metrum Monometrum Anapæsticum Acatalecticum habet duos pedes Anapæstos integros, pro exemplo sint illi Versus.

Leuiore manu.

Graviore rogo.

Speciosa Rosa est.

Metrum Anapæsticum Monometrum Hypercatalecticum habet duos pedes Anapæstos, & syllabam superfluentem in fine, pro exemplo sint hi Versus.

Rosa Vere rubescit.

Ma-

Manus Igne calefcit.

Amor Arte triumphat.

De Metro Anapæftico Dimetro.

Metrum Anapæfticum Dimetrum, aliud eft Acataleëticum, aliud Cataleëticum, aliud Brachycataleëticum, aliud Hypercataleëticum.

Metrum Anapæfticum Dimetrum Acataleëticum habet quatuor pedes integros, qui funt omnes Anapæfti, vel mixti ex Anapæftis, Daëtylis, & Spondæis; vel mixti ex folis Daëtylis, & Spondæis, ut videre eft apud Senecam in fuis argutiffimis Tragædiis; pro exemplo fint illi Verfus apud eundem Authorem in Tragædia, cujus titulus Troas, ubi Andromacha fic profatur per multos Anapæfticos.

Huc

*Huc è latebris procede tuis,
 Flebile matris furtum misere,
 Hic puer, hic est terror, Ulyssè,
 Mille carinis; submitte manus,
 Dominique pedes supplice dextra
 Stratus adora, nec turpe puta
 Quidquid miseros fortuna jubet,
 Pone ex animo Reges Atavos,
 Magnique senis jura per omnes
 Inclyta terras, excidat Hector.*

Metrum Anapæsticum Dime-
 trum Catalecticum constat ex
 quatuor Anapæstis, syllaba defi-
 ciente, pro exemplo sint hi Versus.

*Morimur miseri, morimur semel:
 Rigido Genio Lachesis furit:*

Metrum Anapæsticum Dime-
 trum Brachycatalecticum est illud,
 quod habet tres pedes Anapæstos
 integros pro exemplo sint hi Ver-
 sus.

*Morimur miseri, morimur;
 Rigido Genio Lachesis*

Pe

Perimit Homines, perimit.

Metrum Anapæsticum Dime-
trum Hypercatalecticum habet
quatuor pedes, & syllabam super-
fluentem in fine, pro exemplo ha-
bes hos Versus.

*Rosa murice fulgida, Rore madescit,
Rosa lumine vivida, Vere rubescit,
Rosa frondibus inclyta, Sole nitescit*

De Metro Anapæstico Trimetro.

METrum Anapæsticum Tri-
metrum quadruplex est,
aliud Acatalecticum, aliud Cata-
lecticum, aliud Brachycatalecti-
cum, aliud Hypercatalecticum;
Acatalecticum habet sex pedes in-
tegros: Catalecticum habet sex pe-
des, syllaba deficiente; Brachyca-
talecticum habet quinque pedes:
Hypercatalecticum habet sex pe-
des, & syllabam superabundantem.

De

De Metro Anapæstico Tetrametro.

Hoc Metrum etiam est in quadruplici specie; Acatalecticum, & habet octo pedes integros: Catalecticum, & habet septem pedes cum syllaba; Brachycatalecticum, & habet septem pedes; denique Hypercatalecticum habet octo pedes, & syllabam superfluentem in fine, ut videre est apud Poëtas Antiquiores, & Recentiores, quorum Exempla prætereo, ne prolixus supra modum efficiar.

De Metro Choriambico Callimachio.

Metrum Choriambicum Callimachium constat ex quinque pedibus: primus est Spondaeus; tres sequentes sunt Choriambi; quintus est Pyrichius, vel Iambus; dicitur Choriambicum, quia pedes Choriambos admittit; dici-

K tur

tur Callimachium , quia fortasse
inventum à Callimacho Poëta
Græco; pro Exemplo sint illi Versus
Horatii libro primo Carminum
Ode XI. ad Leuconèem .

*Tu nè quæsieris, scire Nefas, quem
mibi, quem tibi*

*Finem Dii dederint, Leuconè; nec
Babylonios*

*Tentaris numeros, ut melius, quid-
quid erit, pati;*

*Seu plures Hyemes , seu tribuit
Juppiter ultimam.*

De Metro Choriambico Tetrametro.

M Etrum Choriambicum Te-
trametrum habet quatuor
pedes ; in primo loco stat Epitritus
secundus ; in secundo , & tertio
Choriambus , in quarto Bacchius;
pro Exemplo sint illi Versus Ho-
ratii libro primo Carminum Ode
VIII.

VIII. ad Lydiam, ubi ex Dactylo-
trochaico Dimetro Brachycatale-
ctico, & Choriambico Tetrametro
ad alternas vices facit Odem.

Lydia, dic per omnes

*Te Deos oro, Sibarim cur prope-
ras amando*

Perdere? cur apricum

*Oderit campum patiens pulve-
ris, atque Solis?*

Cur neque militaris

*Inter æquales equitet, Gallia nec
lupatis*

Temperet ora frænis?

De Metro Trochaico Stesichorio.

Metrum Trochaicum Stesi-
chorium habet sex pedes;
primus est Choræus, vel Spon-
dæus; secundus dactylus; tertius
Creticus; quartus Choræus; quin-
ctus Dactylus; sextus Choræus;
aut Spondæus, pro Exemplo sint

K 2

fe

sequentes Versus.

*Bella per Populos calent mille fæta
Ruinis,*

*Gignunt Perniciem, ferunt damna
plurima Regnis;*

*Spernunt Justitiam, nihil sacrâ
dogmata Juris*

*Curant: o rigidi Furor cesset, Ira-
que Martis.*

Dicitur Throchaicum, quia ad-
mittit pedes Trochæos; dicitur
Stesichorium, quia inventum à
Stesichore claro inter Poëtas græ-
cos.

De Metro Jonico Minore

Metrum Jonicum Minus ita
dicitur, quia constat ex Jo-
nicis à Minore; duplex est, alte-
rum Trimetrum Acatalecticum,
alterum Tetrametrum Acatalecti-
cum.

Me

Metrum Ionicum Minus Trimeterum Acatalecticum constat ex Tribus Ionicis à Minore integris, quandoque in ultimo loco pro Ionico à Minore stat Pæon tertius, uti est illud apud Horatium.

Miserorum est neque Amori dare ludum.

Metrum Ionicum Minus Tetrametrum Acatalecticum constat ex quatuor Ionicis à Minore; in fine quandoque pro Ionico à Minore stat etiam Pæon tertius, uti est illud, *Simul omnes Tiberinis humeros Quis dedit undis?*

De Metro Dactylico Boëtiano.

Metrum Dactylicum Boëtianum habet tres pedes, & syllabam; in primo stat Dactylus; in secundo, & tertio Dactylus, aut Spondæus; in ultimo stat syllaba

K 3 lon

longa, vel brevis, ut constat ex his
Versibus.

*Omnia furtim prætereunt ;
Quidquid in Orbe videmus, obit:
Vivimus heu miseri, sed Mors
Mox perimet cunctos telo
Lethifero, clavoque premet.*

De Metro Choriambico Phaleucio.

M Etrum Choriambicum Pha-
leucium ita dicitur à pedi-
bus Choriambis, quos admittit, &
à Phaleuco ejus inventore ; habet
quatuor pedes ; tres primi sunt
Choriambi ; ultimus est Amphibra-
chys, ut habes ex his.

*Phæbe Pater, Phæbe mei grande
Decus, Nitorque,
Cede Lyram, cede Chelym, Cede Tu-
bam Maronis.*

Me-

*De Metro Daſtylotrochaico
Eptametro.*

M Etrum Daſtylotroichum Eptamecrum reducitur ad Genus Daſtylicum, dicitur Eptametrum à voce græca Επτμή, quæ apud Latinos ſignificat ſeptem: dicitur Daſtylotrochaicum, quia conſtat ex pedibus partim Daſtylis, & partim Trochæis. Habet ſeptem pedes; primi tres ſunt omnes Daſtyli, omnes Spondæi, vel mixti ex Daſtylis, & Spondæis; quartus eſt ſemper Daſtylus, qui fit ex ſyllaba reciſa ab antecedentibus dictionibus, & Pyrichio; tres ultimi ſunt Trochæi; ſeptimus tamen poteſt eſſe Spondæus, & pro Trochæo habetur, quoniam ultima ſyllaba eſt communis in quocumque metro; Exemplum habes apud Horatium libro primo Carminum, Ode IV.,

ad L. Sextium Consularem, ubi ex
Eptametris Daſtylotrochaicis, &
Jambicis Senariis Catalecticis ad al-
ternas vices componit Odem.

*Solvitur acris Hyems grata vice
Veris, & Favoni,*

*Trabuntque ſiccas machinae ca-
rinas;*

*Ac neque jam ſtabulis gaudet pe-
cus, aut arator igne,*

*Nec prata canis albicant prui-
nis;*

De Pentemimeri, & Epſtemimeri.

C A P U T IX.

MEtrum tunc plauſus meret,
& laudes expoſcit, cum cæ-
ſuras habet, & pedum colligatio-
nem cum tali ſimètria, ut diſtiones
ex ultimis ſyllabis priorum, & pri-
mis poſteriorum componant pedes,
ex

ex quibus Metrum fabricatur, constructur, & tandem absolvitur, quod habetur ex virtute Pentemimeris, & Eptemimeris apud Professores Artis Poëticæ; de utraque proinde sermo est in hoc præsentī Capite nono.

Pentemimeris est vox græca Idem ac Semiquinaria apud Latinos, quoniam comprehendit medietatem quinque pedum; Πεντε enim apud Græcos quinque significat: hujusmodi Cæsura accidit in Metro post duos primos pedes; Quandoque est Trochaica, quandoque est Dactylīca, quandoque est Spondaica; Cæsura Trochaica est ea, quæ habet Trochæum ante se ex dictione antecedenti, & syllabam brevem, cum qua facit Dactylum, uti constat ex illo Virgilii.

At Regina gravi jam dudum saucia cura.

K s

Cæ

Cæsura Dactylica est ea, quæ habet duos pedes ante se, quorum secundus est Dactylus, primus Dactilus, aut Spondæus, ut constat ex illis Ovidii.

*Parve, nec invideo, sine me, Liber
ibis in Urbem.*

*Nec te purpureo velent Vaccinia
succo.*

Cæsura Spondaica est ea, quæ habet duos pedes ante se, quorum secundus est Spondæus, ut constat ex illo ejusdem Ovidii.

*Vivere me dices, saluum tamen esse
negabis.*

Epthemimeris etiam est vox græca, idem est ac Semiseptenaria, apud Latinos, quoniam Επῆμιρ apud Græcos significat septem apud Latinos. Hujusmodi Cæsura quandoque est Bucolica, quandoque est simplex, quandoque est Trochaica; Bucolica dicitur quoties habet

Py.

Pyrichium post se, cum quo facit
 dactylū, uti constat ex illo Virgilii.
*Namque erit ille mihi semper Deus,
 illius Aram.*

Simplex dicitur quoties habet
 syllabam longam post se, & cum
 eadem facit Spondæum, uti constat
 ex illo apud Ovidium.

*Hæc mea sic quondam peragi spera-
 verat Ætas.*

Trochaica habet ante se Tro-
 chæum, & syllabam brevem, cum
 qua facit Dactylum, uti constat ex
 illis Versibus Virgilii in principio
 Æneidos.

*Quidue dolens Regina Deum tot
 voluere casus*

*Insignem Pietate Virum, tot adire
 labores*

*Impulerit; Tantæne Animis Cæle-
 stibus Iræ?*

De syllaba communi.

C A P U T X.

Syllaba triplex est, alia longa, alia brevis, alia communis, si-
ve anceps.

Advertendum est primò, quòd
Vocalis longa in fine dictionis an-
tecedentis, evadit communis, si se-
quatur Vocalis, aut Diphthongus
in principio dictionis sequentis; &
idem dicitur de diphthongo; quod
est frequentissimum apud Græcos.

Advertendum est secundò, quòd
syllaba brevis in fine metrorum
est communis, & idem dicitur de
syllaba, si sit longa, & reperiatur in
fine cujuscumque metri.

Advertendum est tertio, quòd
si Vocalis ex regula brevis in fine
dictionis antecedentis præcedat
duas consonantes, vel unam ex
duplicibus in principio dictionis se-
quentis, evadit communis. Apud

Græ.

Græcos frequenter, apud Latinos rarò, uti constat ex illo Virgilii in sua Æneide.

Ferte citi flammæ, date tela scandite muros.

De Cæsura.

C A P U T XI.

Cæsura ita dicitur à cædendo, quia est syllaba veluti cæsa ab antecedentibus, & post aliquem pedem remanet sola in metro; cum aliis tamen syllabis subsequen- tibus integrat sequentem pedem: Cæsura accidit primò in Exametro, secundò in Pentametro, tertio in cæteris omnibus aliis metris.

Cæsura in Exametro accidit primò post primum pedem; secundò post secundum pedem; tertio post tertium pedem; quartò post quartum pedem; quintò post quintum pedem, ut videre potes apud omnes Poëtas, & præsertim apud Virgilium.

Cæ

Cæsura in Pentametro accidit primò post primum ; secundò post secundum ; tertio post tertium ; quartò post quartum pedem , uti videre potes apud Ovidium .

Cæsura in cæteris aliis metris accidit post certos pedes , ut videre potes apud Horatium , & alios Poëtas Lyricos .

Cæsura, si sit syllaba brevis, evadit communis ; nam illa uti possumus tamquam brevi ex quantitate, & tamquam longa ex Virtute Cæsurae.

De Necessitate Metrica, & Licentia Poetica.

C A P U T XII.

IN metro quædam contingunt ex Necessitate, quæ nominatur Metrica; quædam alia eveniunt ex Licentia , quæ appellatur Poëtica; & essent errores , nisi essent in Metro;

tro; plura enim conceduntur Poëtis, quæ Oratoribus minimè permittuntur, eo modo, quo eadem Ornamenta laudantur in Mulieribus, & vituperantur in Viris; propterea de utraque tractamus in præsentì Capite.

Neccssitas nullis legibus obligatur, quoniam cessat quæcumque Lex, ubi Neccssitatis Telo coacti urgemur ad opus contra Legum dictamen, & Legislatoris præscriptum: Ex Neccssitate Metrica Poëta cogitur ad non observandas regulas statutas, vel pro syllabarum quantitate, vel pro dictionum formatione; nam quandoque brevem elongat, vel longam abbreviat; quandoque dictionibus aliquid addit, vel aufert ad bonam elaborationem metrorum; nunc enim utitur Sístole, vel Diaístole; nunc Prothesi, vel Aphæresi; nunc Syncope

cope, vel Epenthesi; nunc Apocope, vel Paragoge; nunc Synæresi, vel Diæresi; de quibus figuris dicemus infra.

Licentia Poëtica est ea, per quã licet Poëtis ex Arbitrio abuti tempore syllabarum, ita ut sine ulla Necessitate ex sola Libertate faciant breve, quod est longum; & faciant longum, quod est breve: *Pictoribus, atque Poëtis quodlibet audendi semper fuit æqua potestas* ex Horatio in Arte Poëtica; quod tamen licuit Antiquioribus, non licet Recentioribus nisi per Imitationem.

Quamobrem Poëtæ ex Necessitate metrica abbreviant penultimam in his dictionibus fulgere, fervere, effulgere, effervere; sicuti elongant primam in his, Italiam, Italus, Priamides, Aonides; secundò ex Necessitate metrica dicunt

Rel-

Relligio , Repperi , Relliquiæ : tertio ex Necessitate Metrica dicunt Consili, Ingeni, Imperi, Virgili, cum dicendum sit Consilii, Ingenii, Imperii , Virgilii ; Quarto ex Necessitate Metrica dicunt scribier, dicier, amarier, cum dicendum sit , scribi, dici, amari, & sic de aliis . Sicuti ex Licentia Poëtica abbreviant penultimam in his dictionibus, tulerunt, steterunt , protulerunt , cum sit elonganda.

De Tropis.

C A P. XIII.

TRopi sunt in Versu veluti Astra in Firmamento, Gemmæ in Anulis, & Flores, ac Poma in Arboribus; Quoniam et & pretium addunt , & Decus, reddendo mirificum quod aliter esset commune, & superficiale. Tro-

Tropus ita dicitur à Verbo Græco *τροπή*, quod apud Latinos vertere, & transferre significat, quoniam per Tropos vertimus, & transferimus verborum, ac nominum significationem; quidquid enim convenit uni propriè, attribuitur alteri per improprietatem, & similitudinem, ut Sidera rident: Pubescunt undique Flores; Ex Oculis mœstis fletus pluit; Curis mens aestuat intus.

Tropi sunt in duplici Genere, Quidam uno verbo fiunt & in uno verbo consistunt; Quidam alii pluribus verbis fiunt, & in pluribus verbis consistunt ex eruditis Scriptoribus; Ideò Nos prius de Tropis, qui uno verbo; deinde de Tropis, qui pluribus verbis fiunt, tractabimus.

De Tropis, qui uno verbo fiunt

TRopi, qui uno Verbo fiunt, septem sunt, Metonimia, Metaphora, Synecdoche, Antonomastia, Onomatopoeia, Catachresis, & Metalepsis; de singulis singulatim danda est aliqua Notio.

De Metonimia.

Metonimia multis modis fit apud Oratores, & Poëtas; unde ad pleniorē intelligen-
tiam addendi sunt principales Modi ordinatim cum exemplis.

Primò fit Metonimia, cum Dii, vel Deæ ponuntur pro Rebus, quarum sunt Dii, vel Deæ; sic ponitur Neptunus pro Mari, Dis pro Inferis, Vulcanus pro Igne, Diana pro Venatu, Mars pro Bello, Mercurius pro Eloquentia, Apollo pro Mu-

Musis, Venus pro Pulchritudine,
 Pallas pro Sapientia, Juno pro Re-
 gnis, & Divitiis, quia Neptūnus
 est Deus Maris, Dis Deus Infero-
 rum, Vulcanus Deus Ignis, Diana
 Dea venationum, Mars Deus bel-
 lorum, Mercurius Deus Eloquen-
 tiæ, Apollo Deus Musarum, Venus
 Dea Pulchritudinis, Pallas Dea
 Sapientiæ, & Juno Dea Regnorum,
 ac Divitiarum, ut constat ex his
 Versibus.

*Neptunus commotus aquis fremit
 undique ab æstu.*

*Evitare cupis Ditem? sis pectore
 honestus.*

*Vulcanus furias auget, crescenti-
 bus Euris.*

*Diligimus toto studio, genioque
 Dianam.*

*Mars agitat populos, & funera su-
 scitat armis.*

*Mercurius blando totus tibi manat
 ab ore.*

Gra-

*Grata tibi Venus est , grata est mihi
provida Pallas ;*

*Temporibus nostris regnat , Juno
que triumphat.*

Secundò fit Metonimia, cum Inventor, & Inventrix ponitur pro Re inventa , sic Bacchus ponitur pro vitibus , vino , & uvis ; Ceres pro frumento , pane , & farina , quia Bacchus invenit vites , vinum , & uvas ; Ceres invenit frumentum , panem , & farinam , ut videre potes in his Versibus.

*Bacchus , & alma Ceres Mortalibus
omnibus adsunt,*

*Conservant vitæ vires , augentque
vigorem;*

*Si Bacchus , desitque Ceres , Venus
undique friget ,*

*Gratia languescit , moriturque , ge-
mitque Cupido.*

Tertiò fit Metonimia , cum Author ponitur pro Re , cujus est Author

thor, sic Phidia ponitur pro Sculptura, Apelles pro Pictura, Hippocrates pro Medicina, Justinianus pro Jure, Virgilius pro Æneide, Seneca pro Tragœdiis, Plautus pro Comœdiis, Homerus pro Iliade, quia Phidia est Author Sculpturæ, Appelles Picturæ, Hippocrates Medicinæ, Justinianus Juris, Virgilius Æneidos, Seneca Tragœdiarum, Plautus Comœdiarum, Homerus Iliados, unde sunt hi Versus.

Miramur Phidiam, doctum miramur Apellem;

Hippocrates plausus memores sibi gignit, & auget;

Justinianus opes cumulat, præbetque Togatis;

Virgilium, Senecam, Plautum, laudamus Homerum.

Quartò fit Metonimia, cum Nymphæ ponuntur pro Rebus, quarum sunt Nymphæ, sic Nereides

des ponuntur pro mari, Najades
pro fontibus, Dryades pro sylvis,
Oreades pro montibus, Orcades
pro latebris, & speluncis, quia Nerei-
des sunt Nymphæ maris, Najades
fontium, Dryades sylvarum, O-
reades montium, Orcades latebra-
rum, & speluncarum; unde sunt
hi Versus;

*Nereides placidæ rident, latèque
triumphant;*

*Nec furit aquoreus fluctus, nec
murmurat aquor;*

*Najades intexunt lusus, festasque
choreas,*

*Oreades gaudent, Dryadesque, at-
que Orcades omnes.*

Quintò fit Metonymia, cum Ab-
stractum ponitur pro Concreto, sic
ponitur Gula pro Gulosis, Avari-
tia pro Avaris, Invidia pro Invi-
dis, Miraculum pro rebus miris,
Virtus pro Viris habentibus Vir-
tu-

tutem, Sapientia pro Sapientibus,
Poësis pro Poëtis, Scelus pro Sce-
lestis, Vitium pro Vitiosis; unde
sunt hi Versus.

*Et Scelus, & Vitium, Venus, &
malefana Libido*

*Occupat excelsas Arces hoc tempo-
re; in imo*

*Stat Virtus, neglecta jacet Sapien-
tia cultu;*

*Sordida mendicat victum sibi cor-
dis Honestas.*

Sextò fit Metonimia, cum Con-
tinens ponitur pro Re contenta, sic
Cyathus ponitur pro Vino, Lances
pro Dapibus, Fons pro Aqua, Pectus
pro Corde, Caput pro Cerebro,
Marsupium pro Nummis; legas se-
quentes versus.

*Innumeros Cyathos tibi dulcia præ-
dia præbent,*

*Attale, Quis poterit Lances nume-
rare frequentes,*

Quot-

*Quotquot Servorum tibi provida
turba ministrat?*

*Fœta Penus semper vernat; nec de-
ficit olli*

*Quod Gula, quod Venter, quod po-
stulat usque Palatium.*

Septimò fit Metònimia, cum
Locus ponitur pro Locato, sic Cœ-
lum ponitur pro Superis, Orcus
pro manibus, Mundus pro mun-
danis, Roma pro Romanis, Gallia
pro Gallis, Germania pro Germa-
nis, Exemplum habes in his Versi-
bus.

*Do Cœlo cum corde preces; nec Vota
tepescent,*

*Seu Cunas habeat Phœbus, cum
surgit ab Ortu;*

*Seu tumultum inveniat, pelagi cum
mersus in undis.*

*Occidit, ut semper felix Germania
vivat,*

*Gallia nec turbet felicia fœdera
Pacis. L Octa-*

Octavò fit Metonimia ; cum
 Tempus, Ætas, Sæculum, Annus,
 Dies ponitur pro Rebus existentibus
 in Tempore, in Ætate, in Sæculo,
 in Anno, in Die, ut satis constat
 ex his Versibus.

*Infame est Tempus, quod præterit,
 improba & Ætas ;*

*Sæcula, quæ venient, longè pejora
 putamus ;*

*Anno Annus refluet semper vitio-
 sior, atque*

*Deterior fiet series numerosa Die-
 rum ;*

*Ille fuit felix, prisco qui tempore
 vixit.*

Nonò fit Metonimia, cum flu-
 mina ponuntur pro Regnis, Pro-
 vinciis, & Urbibus, quâ transeunt,
 sic Tiberis ponitur pro Roma, Vul-
 turnus pro Capua, Sebethus pro
 Neapoli, Danubius pro Germania,
 Arnus pro Etruria, Rhenus pro
 Gal-

Gallia, Iberus pro Hispania, & sic deinceps, ut constat ex his Versibus.

*Danubius, Tiberis, Rhenus mea
carmina plaudunt;*

*Sebethus pariter celebrat mea me-
tra; nec Arnus*

*Conticet argutos Versus, dulcesque
Camœnas;*

*Eridanus, Ganges, Rhodanusque,
& Sequana Sertum*

*Laurigerum crini spondent, quod
vernet in Oeuvum.*

Decimò fit Metonimia, cum signa ponuntur pro Rebus signatis, & significatis; sic Circulus ponitur pro Æternitate; Triangulum pro Triade, Columna pro Viro forti, Columba pro Homine simplici, Serpens pro Viro prudenti, aut invidio.

Undecimò fit Metonimia, cum Insignia, & Habitus ponuntur pro

personis habentibus Insignia , & Habitus , sic Toga ponitur pro Causidico, Sagum pro Milite, Sceptum pro Rege , Triregnum pro Pontifice , Ostrum pro Purpurato, Fasces Consulares pro Consule, Aratrum pro Agricola. De cæteris videas apud Scriptores.

DE METAPHORA.

Metaphora fit quadrupliciter ex doctis , & eruditis Authoribus ; nos breviter , & obiter omnia cum Exemplis explicamus.

Primò fit Metaphora , cum Quidquid cōpetit propriè uni Generi Animatorum , attribuitur impropriè , & per quamdam similitudinem alteri Generi Animatorum, sic per Metaphoram dicimus Concionatores Canes, & Leones contra scelera, & scelestos ; nam sicuti Canes latrant , & Leones rugiunt exter-

terrendo Spectatores , ita Concionatores verbis veluti tonant exterrendo Auditores ; sic etiam per Metaphoram Poëtæ dicuntur Cycni, & Olores Ascræ , seu Permessi, quia sicuti Cycni, & Olores suavissimè concinunt , ita Poëtæ suavissimè repræsentant quidquid cū industria elaborant , & cum Arte elucubrantur in speciosa Musarum Officina.

Secundò fit Metaphora , cum Quidquid competit propriè uni Generi Inanimatorum attribuitur impropriè , & per similitudinem alteri Generi Inanimatorum ; sic Stellas dicimus Gemmas scintillantes in Arcibus Firmamēti, & Gemmas dicimus Stellas scintillantes in crinibus Mulierum , aut in pectore Equitum , aut in digitis nobilium Adolescentium ; sic Vinum dicimus Lac Senum , & Lac appella-

mus Vinum Puerorum.

Tertiò fit Metaphora , cum Quidquid competit propriè Animatis , attribuitur per similitudinem Inanimatis , sic dicimus Ventos sævire, Mare indignari, Tempestates insanire , cum sævire , indignari, & insanire sit proprium Animatorum.

Quartò fit Metaphora , cum Quidquid competit propriè Inanimatis , attribuitur per similitudinem Animatis; sic esse Fulmen, esse Sal , esse Lux competit propriè Rebus Inanimatis, tamen per similitudinem dicimus , quòd Duces strenui sint Fulmina bellorum, Viri Sapientes Sal Mundi, Nobiles Lux Universi , ut constat ex his Versibus .

*Est, quicumque orat, calidis Leo
fervidus Iris;
In Scelus, in Vitium rægit, gignit-
que*

*que Timorem ,
 Et facit , ut vitam formet , mores-
 que Scelestus ;
 Est Olor argutus Vates ; Cycnosque
 Poëtas
 Credimus , ingeminant Versus , te-
 nerasque Camœnas ,
 Ut placeant Animo , simul & sua
 Carmina prosint :
 Fulmina Bellorum , rigidi sunt
 Fulgura Martis
 Audaces , fortesque Duces , nil Fu-
 nera curant ,
 Sæviat in mediis quamvis Furor
 Improbis Armis .*

DE SYNECDOCHE.

Synecdoche multis etiam Mo-
 dis fit apud Oratores , & Poë-
 tas ; Modos peculiare ordinatim
 exponemus.

Primò fit Synecdoche, cum Ge-

L 4 nus

nus pro Specie, vel Species pro Genere ponitur, sic Flores ponuntur pro Liliis, & Lilia pro Floribus; Auster, & Africus pro Ventis, & Venti pro Austro, & Africo; Arbor pro Platano, & Abiete, Platanus, & Abies pro Arbore.

Secundò fit Synecdoche, cum Species pro specie ponitur, sic Platanus pro Abiete, Quercus pro Orno, & Populus pro Ulmo ponitur.

Tertiò fit Synecdoche, cum Numerus pluralis pro singulari, & singularis pro plurali ponitur, sic dicimus, Demosthenes facundi, Platones divini, Antigoni sacrilegi, Alexandri felices, cum dicere debeamus, Demosthenes facundus, Plato divinus, Antigonus sacrilegus, Alexander felix; Sicuti dicimus, Romanus fortis, Iberus pius,
Gal-

lus ingeniosus, cum dicere debeamus, Romani fortes, Iberi pii, Galli ingeniosi.

Quartò fit Synecdoche, cum Tempus pro tempore ponitur, ut Vicisti, periisti, pro vices, peribis: dixisse pro dicere, dissolvissè pro dissolvere.

Quintò fit Synecdoche, cum Modus ponitur pro Modo, ut facias hoc, dicas aliquid, scribes Versus, cum dicere debeamus, fac hoc, dic aliquid, scribe Versus.

Sextò fit Synecdoche, cum Pars ponitur pro Toto, vel Totum pro Parte, sic Domus ponitur pro Tecto, Navis pro Puppi, Mundus pro Asia; & è contra Tectum ponitur pro Domo, Puppis pro Navi, Asia pro Mundo.

Septimò fit Synecdoche, cum Materia ponitur pro Opere ex materia, & forma; sic Aurum, Argentum,

tum, Chryſtallum, Creta ponitur
pro poculo ex Auro, Argentio,
Chryſtallo, aut Creta, ut conſtat
ex his Verſibus.

*Africus, & Corus conturbant equo-
ris undas;*

*Carbaſa tenſa Notis, quâ vult for-
tuna, feruntur;*

*Ad ſcopulos puppes tumidis fran-
guntur ab Euris:*

*Illachrymant miſeri Nautæ, lachry-
masque profundunt,*

*Nec poſſunt cohibere animo ſuſpiria
ab imo:*

*Ante necem dicas mediis periſſe
ſub Undis.*

Cætera leges alibi.

DE ANTONOMASIA.

ANtonomaſia dupliciter fit,
primò cum Nomen Generis
ponitur pro illo, qui eſt primus in
eodem Genere, ſic Philoſophus po-
ni-

nitur pro Aristotele primo inter
Philosophos. Poëta pro Virgilio
primo inter omnes Poetas; Orator
pro Tullio primo inter omnes Ora-
tores; Secundò fit, cum proprium
Appositum, seu Epithetum perso-
narum ponitur pro ipsis personis,
sic Filius Semeles ponitur pro Bac-
cho; filius Alcmenæ pro Hercule;
Sol Aquini pro Divo Thoma; Poë-
ta Venusinus pro Horatio Flacco;
Decus Bilbilis pro Martiali, ut con-
stat ex his Versibus.

*Innumeras laudes Orator poscit
ubique;
Nemo illi quoniam toto par extat
in Orbe;
Eloquio micuit Sapientior omnibus
unus;
Debemus pariter per secula cuncta
Poëta
Egregios plausus, nam vix est do-
ctior illo;*

*Sive metrum spectes, sive altæ lu-
mina mentis;*

*Neve Venusinum Vatem contemne-
re oportet,*

*Namque modis lyricis floret, ver-
natque vicissim,*

*Neve est qui possit sapidas æquare
Camænas.*

DE ONOMATOPEA.

Onomatopea idem est ac fi-
ctio nominis; fit Onomato-
pea quotiescumque nova Verba,
aut nova Nomina inveniuntur, ut
Senescere, pubescere, juvenescere,
rugire, murmurare, sibilare, bom-
bardare, carcassare, & sic deinceps,
ut constat ex his Versibus.

*Pubescunt Vetule, juvenescunt se-
pius ore*

*Ore Senes, vernantque genis, &
corpore fervent,*

Id

*Id facit aut speculum fallax ,
 aut nobilis Esca ,
 Aut Toga, quæ cultu fulget, fastu-
 que nitescit;
 Sibilat interea Vulgus, latèque per
 Urbem
 Murmurat , & spargit lepidis Di-
 ſteria Verbis.*

DE CATACHRESI.

CAtachresis fit cum Quidquid de uno propriè dicitur , dicitur etiam cum quadam impropriè- tate de proximiori , sic Parricida propriè dicitur de eo, qui Patrem, & impropriè de eo, qui Matrem occidit: Fratricida dicitur propriè de eo, qui fratrem, & impropriè de eo, qui sororem perimit, enecat, vita privat, & Erebi manibus man- cipat.

DE

Metalepsis fit, cum ex uno gradum facimus ad aliud, & ex alio ad aliud usque ad veram, & propriam significationem Verborum; sic ponimus Messēs, Vindemias, & Brumas pro Annis, nam ex Messibus gradum facimus ad Æstates, ex Vindemiis ad Autumnos, ex Brumis ad Hyemes, deinde ex Æstatibus, Autumnis, & Hyemibus ad annos; ut constat ex his Versibus ad Fabianum.

*Ter segetes secuit per prædia falce
Colonus;*

*Ter vinum expressit camporum
Cultor ab uvīs,*

*Ter glacies hyemalis agros excussit,
& arva,*

*Nec specto, videoque tuas, Fabiane,
lituras.*

*Fac scribas aliquid, minuasque,
le-*

*levosque dolorem,
Quam jam concepi, fovēque in pe-
toris imo.*

*De Tropis, qui pluribus Verbis
fiunt.*

Tropi, qui pluribus Verbis
fiunt, & in pluribus Verbis
consistunt, quatuor sunt, nimirum
Allegoria, Hyperbole, Hyperba-
ton, & Periphrasis, de singulis dan-
da sunt Paradigmata, seu Exem-
pla.

DE ALLEGORIA.

Allegoria est continuata Me-
taphora ex Authoribus; fit
Allegoria apud Poëtas, cum plura
ponuntur in Carmine, itaut unum-
quodque singillatim ponatur pro
alio, ut Navis erat in medio Mari,
diversis Ventis agitata, tandem ad
sco-

scopulum irreparabiliter fracta est;
 pro Mari intelligitur Mundus; pro
 Navi Vltia humana; pro Ventis
 tribulationes, & labores; pro Sco-
 pulo Mors, quæ nulli parcit, omnes
 perdit, atque omnes sine ulla ex-
 ceptione inexorabiliter interimit;
 quæ omnia melius exprimuntur
 in his Versibus.

*In Pelago stat parva Rates, quam
 perdere certant
 Audaces nimium geminatis flati-
 bus Euri,
 Juratique Noti, Caurique, atque
 Africus; obstat
 Viribus; & tentat luctas superare
 minaces,
 At tandem cedit, scopuloque infixa
 debiscit,
 Naufragiumque pati mediis spe-
 ctatur in undis;
 Neve juvant Ausus, nec fortia ro-
 bor & prosunt.*

De

De Hyperbole.

Hyperbole Rem pluribus verbis, vel minuit, vel auget plusquam credibile est; pro Hyperbole, quæ auget, exemplum est hoc ad Divitem.

*Divitias, quot habes, vidit neve
Attalus olim,*

*Nec Cræsus, nec Roma vetus, nec
prisca Corinthus:*

*Nec spectavit Arabs, Maurus;
Germanus, & Indus;*

*Oceani gemmas omnes tua Scrinia
claudunt,*

Thesurosque Tagi, Gazasque nitentis Iberi.

*Tantum Auri, nec Terra sinu, nec
continet, Æquor.*

Pro Hyperbole, quæ minuit, celebre est Epigramma illud Martialis ad Luptum de prædio sibi donato libro XI. Epigrammate XVI.

Do-

*Donasti, Lupe, Rus sub Urbe nobis ,
Sed Rus est mihi majus in fene-
stra;*

*Rus hoc dicere? Rus potes vocare?
In quo Ruta facit nemus Dianæ,
Argutæ tegit Ala quod Cicadæ,
Quod formica die comedit uno,
Clausæ cui folium Rosæ corona est;
In quo non magis invenitur her-
ba*

*Quàm costi folium , piperis cru-
dum,*

*In quo nec Cucumis jacere rectus,
Nec Serpens habitare tutâ possit,
Erucam malè pascit Hortus
unam,*

*Consumpto moritur Culex salicti,
Et Talpa est mihi Fossor, atque
Arator,*

*Non Boletus biare, non Mariscæ
Ridere, aut Viole patere possunt;
Fines Mus populatur, & Colono
Tamquam Sus Calydonius time-
tur; Et*

Et sublata volantis ungue Pro-
cnes

In Nido seges est birundinino,
Vix implet Cocleam peracta mes-
sis,

Et mustum Nuce condimus pi-
cata:

Errasti, Lupe, litera sed una,
Nam quo tempore PRÆDIUM
dedisti,

Mallem Tu mihi PRANDIUM
dedisses.

De Hyperbato.

Hyperbaton dictionem divi-
dit, & inter partes divisas
aliquid interponit, pro Exemplo
legas sequentes Versus.

Quò Nos cumque vocat Fati Vis
provida, eamus,

Zona nimis friget Septem subiecta
trioni.

Hier

*Her magnam, tumidamque niam
geris, Harpale; namque*

*Præ me Carminibus clarum facit
alta Poësis,*

*Et parit æternos memori cum No-
mine plausus,*

*Urbs monstrat digito quoties me
cumque tuetur.*

De Periphrasi.

Periphrasis explicat pluribus,
quod posset explicari paucio-
ribus; ex Virtute hujus Tropi Poë-
tæ faciunt Descriptiones argutas,
lepidas, atque ingeniosas; vel Alba,
vel Auroræ, vel Diei, vel Noctis,
vel Veris, vel Æstatis, vel Autum-
ni, vel Hyemis ab eorum Adjun-
ctis, Effectibus, & Proprietatibus,
pro Exemplo sit hæc Periphrasis
de Nocte.

*Jam Sol occiderat, mediisque argen-
tea*

tea in umbris
Cynthia fulgebat stellatis vecta
quadrigis
Fundebatque super nocturna papa-
vera Mundum;
Omne Genus Volucrum, pariter Ge-
nus omne ferarum
Mortalesque Omnes dederant sua
lumina Somno ;
Nullus erat Terris, Pelago fragor
undique nullus,
Nullus erat Domibus, nullusque
per Arua tumultus.
 Ovidius libro tertio Tristium,
 Elegia XII. describit Ver per plu-
 res, & plures Versus hoc modo.
Frigora jam Zephyri minuunt,
annoque peracto,
Longior antiquis visa Meotis
Hyems ;
Impositamque sibi Qui non bene
pertulit Hellem,
Tempora nocturnis aqua diur-
na facit, *Jam*

Jam Violis Puerique legunt, bilaresque Puellæ,

Ruræque quæ nullo nata ferente ferunt:

Pratæque pubescunt variorum flore colorum,

Indocilique loquax gutture vernat Avis.

Cætera legi possunt ibidem apud eundem : hujusmodi Tropus pulcherrimus est inter totam Troporum familiam ex eo quod contexat longas & speciosas rerum Imagines non sine Arte, Lepore, & Ingenuo scribentis.

De Figuris Grammaticarum.

C A P U T XIV.

Figuræ dicuntur etiam Schemata ; non sunt aliud nisi quidam Modi eloquendi remoti ab usu

Uſu vulgari, & communi: Figuræ aliæ ſunt Grammaticorum, aliæ Dimensionis, aliæ Poëticæ, aliæ Oratorum; Nos in hoc capite tractamus de Figuris Grammaticorum tractaturi deinde ſingillatim de cæteris aliis.

Figuræ Grammaticorum ita dicuntur, quia iis utuntur Grammatici ad ſalvandam bonam Verborum, & Nominum Syntaxim: huiusmodi Figuræ ſunt Enallage, Synthesis, Antiptosis, Eclipsis, Zeugma, Syllepsis, Prolepsis. Hellenismus, Archaiſmus, Anaſtrophe, Synchesis, Tmeſis, & Parenthesis de ſingulis danda eſt ſua Notio, quatenus accidunt in Metro.

E Nallage fit cum una pars Orationis pro alia ponitur, sic Verbum ponitur pro Nomine, vel Nomen pro Adverbio, pro Exemplo legas hosce Versus.

*Vivere Pœna quidem; Miseri, dum
ducimus OEuum,*

*Innumeras Curas patimur, Spi-
nasque Laborum;*

*Horrendum, rigidumque fremit
qui vivit, & usque*

*Effundit tristes lachrymas, fle-
tusque perennes:*

*Dulce Mori reputo; quoniam
Mors omnia solvit,*

*Et Nos Curarum de Carcere li-
berat, atque*

*Terminat Ingentes Cordis, Men-
tisque Dolores.*

SYN-

S Y N T H E S I S.

Synthesis fit cum Nomen numeri singularis conjungitur cum Verbo Numeri pluralis, quod rectè contingit quotiescumque Nomen significat Collectionem, & multitudinem, ut satis, superque ostendunt sequentes Versus.

*Urbs ululant, Plebs tota gemunt,
pars syndone tristi*

*Induta ostendunt pallenti in fronte
dolorem,*

*Pars tamen haud monstrant fletus,
sed pectore gaudent,*

*Exultantque Animis, nec tristia
funera curant;*

*Principis Interitus non displicet
Omnibus aequè.*

A N T I P T O S I S.

Antiptosis fit cum Casus pro Casu ponitur, ut videre est ex

M hujus

hujusmodi Versibus ad Posthumum.

*Quas pecudes habeo, referunt fæta
Ubera lacte,*

*Multiplicant teneros præscripto
tempore partus;*

*Quos pariunt Agnos, sunt sæpius
esca Luporum;*

*Quos hædos generant, tibi sint; tibi,
Posthume, habeto.*

ECLYPSIS.

Eclypsis fit quotiescumque aliquid deest, & foris accipitur ad complendam significationem, & Metrorum Sententiam, ut videre potes in his.

*Infremere Æquorei fluctus, furere
undique Venti;*

*Currere per Cælum Nubes, attri-
que Vapores,*

*Eripere ex Oculis lumen, lucem-
que Diei, Et*

*Et parere obscuram Noctem,
cæcasque tenebras.*

Hoc est incipiunt, vel incæperunt; quod Verbum deest, sed foris quæritur, ut Oratio certum sensum comprehendat, & adæquatam significationem habeat Metrorum Congeries.

ZEUGMA.

Z Eugma fit quotiescûmque, quod deest cæteris, ex propinquis accipitur, nullis Attributis mutatis, neque generibus, neque numeris, neque casibus, neque personis; Paradigma habeas in his carminibus.

Sol Lucem, Lux clara Diem Mortalibus affert.

Divitias Pallas, dat Pallada Cura, Laborque;

Dat Deus Ingenium, Ingenium
M 2 *Vir-*

Virtutis Honorem.

Ubi advertas, quòd si quid desit,
 & accipitur ex principio, dicitur
 Protozeugma: si accipitur ex Me-
 dio, dicitur Mesozeugma; si ex ul-
 timo, dicitur Hypozeugma ab Au-
 thoribus, & eruditis Scriptoribus.

SYLLEPSIS.

Syllepsis fit quotiescumque;
 quod aliis deest, ex propinquis
 accipitur, mutatis Attributis, vel
 generis, vel numeri, vel casus, vel
 personæ, ut Exemplum habes in
 his Versibus de tribus fratribus.

*Sunt equidem insignes juncti tres
 sanguine Fratres.*

*Posthumius Musis, Cythara Cly-
 tus, Attalus auro.*

*Posthumius nostræ ætatis repu-
 tatur Apollo,*

*Sed Clytus Amphion, Cræsus ta-
 men*

men Attalus alter.

PROLEPSIS.

Prolepsis fit quotiescumque, quod commune est Toti, dividitur inter ejus partes, pro Exemplo tibi habeas hos Versus subsequentes.

*Regna per, & populos tantum duo
Numina regnant,*

*Triste ODIUM armatum furiis,
& amore CUPIDO,*

*Invidia est Olli comes improba, &
improbis Ausus;*

*Ira, Furor, Rabiesque ferox, Ge-
niusque nocendi;*

*Hunc sequitur Pietas Animi, Fa-
vor, Ardor honestus,*

*Vis dandi auxilium felix, & Gra-
tia triplex.*

HELLENISMUS.

HEllenismus est Vox græca, apud Latinos idem est ac Græcismus, scilicet Modus quidam loquendi proprius Græcorum contingit Hellenismus quotiescumque Adiectivum exigens post se Ablativum cum præpositione, In, vel sine præpositione, aut exigens Accusativum cum præpositione, secundum, construitur cum Accusativo sine ulla præpositione, ut Nigra oculos, nuda pedes, neglecta comas, pallida vultum, hoc est nigra in oculis, nigra oculis, nigra secundum oculos; nuda pedes, hoc est nuda in pedibus, nuda pedibus, nuda secundum pedes, & sic de aliis; quæ omnia melius patent ex his Versibus de Phyllide.

*Nigra oculos, speciosa genas, bene
compta capillos*

Phyl-

Phyllis Amatores urit, eosque ferit:

Si quis maestus adest vultum, deformis amictum,

Despicitur; gelido in pectore friget Amor.

Ipse Ego laurigeris redimitus tempora fertis

Contemnor, quoties Vis mibi languet Opum:

Divitiæ Veneri gratæ sunt tempore in omni;

Pauperiem didicit nulla Puella sequi.

ARCHAISMUS.

Archaismus etiam Vox græca est, significat primum Sermonem, priorem loquendi Modum, seu priscam, faudi formam apud Latinos; Archaismus non est aliud nisi Modus dicendi familia-

ris apud Antiquos , defuetus apud
 Modernos , ut Abstineo Irarum ,
 pro Abstineo Iris , seu ab Iris : Ab-
 sente Nobis pro Absentibus Nobis;
 Ebrietas nocet Omnes pro nocet
 Omnibus: ex vetustis, & priscis Mo-
 dis loquendi Quidam sunt in usu,
 Quidam alii non sunt in usu apud
 Homines præsentis ætatis, quoniam
 nova Tempora novos Mores intro-
 ducunt , ex novis Moribus intro-
 ductis Scelus est sequi languidas
 Antiquitatis Idæas, cum sit ubique
 locorum inconcussum illud Ada-
 gium, alia Tempora, aliæ Curæ: Alii
 Dies , aliæ Viæ ; Alii Homines, alii
 Mores.

ANASTROPHE.

A Nastrophe fit quotiescum-
 que dictiones invertuntur,
 itaut quæ præcedit ex natura , po-
 natur

natur posterius, & quæ sequitur ex natura, collocetur antè, ut Nobiscum, Vobiscum, Mecum, Tecum, Quicum pro Cum nobis, Cum vobis, Cum me, Cum te, Cum qui, seu quo.

SYNCHESIS.

Synchesis fit quotiescumque sensus confunduntur, vel ex interpunctione, ut Ibis, Redibis non morieris in bello; vel ex concursu similium casuum, qui efficiant Amphibologiam, ut Reor Demosthenem superasse Tullium; arbitror Virgilium præivisse Lucanum, ut constat ex his Versibus.

*Lucanum reputo longè superasse
Maronem;*

*Nasonem credo longè vicisse Catul-
lum;*

*Arbitror Hispanos longè præcellere
Gallos.*

M 5

TME.

TMESIS.

TMesis, & Hyperbaton idem sunt; Tmesis dicitur à Grammaticis, Hyperbaton ab Oratoribus idem Modus loquendi: fit Tmesis, seu Hyperbaton quotiescumque dictio aliqua dividitur, & postea inter partes divisas aliquid interjicimus, ut constat ex his Verbis.

*Quò te cumque vocant Venti, tua
Carbasa verte;*

*Quæ tu cumque facis, semper fecisse
juvabit;*

*Quod vis cumque, tibi concedant
Numina ab alto.*

PARENTHESIS

Parenthesis fit cum aliquid inter duos Semicirculos interjicitur, neque mutans, neque alterans ceterorum significationem, pro Exemplo sint illi Versus Ovidii libro primo Tristium Elègia secunda.

Diz

*Dii Maris, & Terræ quid enim nisi
Vota supersun ?)*

*Parcite quassatæ solvere membra
Ratis.*

De Figuris Dimensionis.

C A P U T XV.

Figuræ Dimensionis sunt illæ,
quæ necessariae sunt pro Scan-
sione, & Dimensione Metrorum;
cum eis Metra facilè dimetiuntur;
sine eisdem metra nullo modo me-
tiri possunt, aut scandi. Figuræ
Dimensionis septem sunt apud Poë-
tas, Synæresis, Diæresis, Sístole,
Diaístole, Synalephe, Ecthlypsis, &
Cæsuræ.

Synæresis duas syllabas contrahit
in unam; Diæresis unam syllabam
solvit in duas: Sístole syllabam lon-
gam abbreviat: Diaístole syllabam
brevem elongat: Synalephe absor-
bet vocalem, aut Diphthongum
positam in fine dictionis anteceden-

tis, quotiescumque in principio dictionis subsequenter reperitur Vocalis, aut Diphthongus; Eclypsis absorbet, *m*, cum vocali antecedenti in fine dictionis præcedentis quotiescumque in principio dictionis subsequenter stat Vocalis, aut Diphthongus; Antiqui illam non absorbebant, sed abbreviabant: Cæsuræ est syllaba, quæ remanet veluti cæsa ex aliis præcedentibus, & est communis apud Poëtas; de his videas, vel Prosodiam, vel Alvarum, ubi totum hoc reperies diffusius, & extensius cum suis Exemplis.

De Figuris Poëtarum.

C A P V T XVI.

Figuræ Poëtarum propriæ eorundem octo sunt, scilicet Prothesis, Aphæresis, Syncope, Epenthesis, Paragoge Apocope, Antithesis,

thesis, & Metathesis : singulas singillatim brevi verborum Tramite expediamus necesse est, ut nullus sit Flos in amplo Poëseos Viridario , sicuti & Pomario , quem Apicula nostri Ingenioli obiter non lambat, & breviter non attingat.

PROTHESIS.

Prothesis contingit quotiescumque in principio dictionum unam , vel plures literas addimus, ut Gnatus, Gnata, Eripio, Conclamo, Retardo pro Natus, Nata, Rapio, Clamo, Tardo.

APHÆRESIS.

Aphæresis Prothesi opponitur, & contingit quotiescumque è principio Dictionum unam , vel plures literas detrahimus, ut Tem
no

no pro Contemno; Pugno pro Repugno; Sto pro Insto; Rapio pro Eripio.

SYNCOPE.

Syncope contingit quotiescumque de medio dictionum unam, vel plures literas auferimus, ut amaras pro amaveras, dixti pro dixisti, audibam pro audiebam.

EPENTHESIS.

Epenthesi Syncope opponitur, & contingit quotiescumque in medio dictionum unam, vel plures literas adiungimus, ut Navita pro Nauta, Virago pro Virgo, Mavors pro Mars, Reliquiæ pro cliquæ, Relligio pro Religio.

Paragoge contingit quotiescumque in fine dictionum aliquid addimus, ut Scribier pro Scribi, Dicier pro Dici, Hisce pro His, Suapte pro Sua.

APOCOPE.

Apocope opponitur Paragogæ, & contingit quotiescumque è fine Dictionum aliquid detrahimus, ut Virgilj pro Virgilii, Horatj pro Horatii, Imperj pro Imperii, Ingenj pro Ingenii.

ANTITHESIS.

Antithesis contingit quotiescumque literæ mutantur in Dictionibus, ut Olli pro Illi, Orion pro Urion.

ME

METATHESIS.

Metathesis Antithesi opponitur, & contingit quotiescumque literæ non mutantur, sed translocantur in Dictionibus, ut Leandre pro Leander; Timbre pro Timber; Evandre pro Evander.

Hujusmodi Figuræ, vel faciunt ad ornamentum metrorum, vel ad salvandam mensuram pedum in iisdem, vel ad imitandam antiquitatem, vel ad exercendam libertatem Poëticam, cui licent ea, quæ Oratoriæ, & Lapidariæ minimè permittuntur.

De Figuris Oratorum.

CAPUT XVII.

Figuræ Oratorum communes sunt, & Poëtis simul, & Oratori.

toribus: sunt in duplici Genere; Aliæ dicuntur Verborum, aut per similitudinem, aut per Additionem, aut per Detractionem; Aliæ dicuntur Sententiarum, siue expriment Idæas Mentis, siue repræsentent affectiones Cordis, siue manifestent inclinationes Voluntatis in humano, & admirabili Microcosmo: Nos de Utrisque agemus in secundo Opusculo, cum maximè pertineant ad Ornamentum, & Pulchritudinem Compositionum ex Metro, ibique addemus Exemplaria Antecessorum Poëtarum ad maiorem Intelligentiam, & Tyronum Capacitatem; de huiusmodi Figuris si benè, & ex professo tractare vellem, de eis dumtaxat speciosus Codex enasci possèt, tanta est copiosa farrago Exemplorum apud omnes Poëtas, & Artis Poeticæ Professores.

De

CAPUT XVIII.

DE hisce etiam in secundo Opusculo agendum est, quoniam important longam Congeriem Metrorum pro Exemplis, & Exemplaribus; Præcepta enim sine Exemplis juvant quidem Tyronibus, sed magis profunt cum felici Praxi Prototyporum, & erudita Paradigmatum Ostersione.

De Patronimicis.

CAPUT XIX.

POëtæ frequenter utuntur Patronimicis in suis Operibus, uti videre potes apud Ovidium in libris Metamorphoseon, & in libris Epistolarum Heroidum; apud Virgilium Maronem in sua Æneide,
nec

nec non apud alios Poëtas tùm Recentiores, tùm Antiquiores; Quamobrem in hoc Capite agendum est de Patronimicis non exigentibus pro Exemplaribus nisi Imagines eorundem Nominum.

Patronimica ita dicuntur, quia à Patribus originem trahunt; sunt Nomina quædam à majoribus deducta, & Posteror significancia: nomine Majorum veniunt omnes ascendentes utriusque sexus in quocumque gradu usque in infinitum; nomine Posterorum veniunt omnes descendentes utriusque sexus in quocumque gradu usque in infinitum; in primo gradu Majorum sunt Pater, & Mater: in primo gradu Posterorum sunt filius, & filia; in secundo gradu Majorum sunt Avus, & Avia; in secundo gradu Posterorum sunt Nepos, & Neptis; in tertio gradu Majorum sunt

sunt Proavus, & Proavia; in tertio gradu Posterorum sunt Pronepos, & Proneptis; in quarto gradu Majorum sunt Adavus, & Adavia; in quarto gradu Posterorum sunt Adnepos, & Adneptis; Cæteros gradus videas apud Juristas.

Nomina Patronimica derivantur primo ex Majoribus, sive masculis, sive fœminis, sic Achilles dicitur Pelides à patre Peleo; sic Pyrrhus Epirotarum Rex dicitur Æacides à patre Æaco; sic Hector, aut Paris dicitur Priamides à Patre Priamo; Romulus dicitur Iliades à Matre Ilia; Chiron dicitur Philyrides à Matre Philyra, Diana dicitur Latois à Matre Latona.

Nomina Patronimica derivantur secundo à Fratribus, sic Sorores Phaëtonis dicuntur Phaëtoniades à fratre Phaëtonte; sic Sorores Phoronis dicuntur Phoronides à fra-

à fratre Phorone.

Nomina Patronimica derivantur tertio à Regibus, & Urbium Fundatoribus, sic Romani dicuntur Romulidæ à Romulo Romæ Fundatore, vel Rege; sic Trojani dicuntur Dardanidæ à Dardano Trojæ Fundatore, vel Rege; sic Athenienses dicuntur Cecropidæ à Cecrope Athenarum, vel Fundatore, vel Rege.

Nomina Patronimica derivantur quarto à Regionibus, Urbibus, Montibus, Fontibus, Fluviis, atque aliis Rebus similibus. Sic Asiatici dicuntur Afides ab Asia; sic Itali dicuntur Italides ab Italia; sic Lybici dicuntur Lybistides à Lybia; sic Ausonii dicuntur Ausonides ab Ausonia; sic Sarmatæ dicuntur Sarmatides à Sarmatia; sic Theſſali dicuntur Theſſalides à Theſſalia; sic Sidonii dicuntur Sidonides à
Si

Sidonia ; sic Musæ dicuntur Castalides a fonte Castalio , à quo epoto attrahunt Oestrum Poëticum , & Poëticum Furorem cantandi ; sic eadem Musæ dicuntur Parnassides, Permessides, Pierides, Aonides a Monte Parnasso, Permessō , Pierio , & Aonio , ubi habitant , sic etiam eadem Musæ dicuntur Sicelides a Sicilia , ubi maximè exercitabantur.

Nomina Patronimica in duplici genere sunt ; alia dicuntur Masculina, alia dicuntur Fœminina; Nomina masculina desinunt in *Des* , ut Priamides filius Priami ; Æolides filius Æoli ; Æacides filius Æaci, Laconides filius Laconiae ; Amphitrioniades filius Amphitrionis; Nomina fœminina desinunt, vel in *As*, vel in *Is* , vel in *Ne* ; ut Thestias Althæa filia Thestii ; Thaumantias Iris filia Thaumantis ; Æolis Hyper-

permnestra filia Æoli ; Atlantis
 Electra filia Atlantis , Nerine Ga-
 latea filia Nerei ; Neptunine filia
 Neptuni, Araštine filia Araštī, Acri-
 sionine filia Acrisīonis . Nomina in
Des pertinent ad primam declina-
 tionem Græcorum , & ad primam
 Latinorum ; Nomina in *As* , & *Is*
 pertinent ad quintam declinatio-
 nem Græcorum, & ad tertiam La-
 tinorum ; Nomina patronimica in
Ne pertinent ad secundam decli-
 nationem Græcorum, & ad primam
 Latinorum , ut volunt Græcæ , &
 Latinæ linguæ Professores.

Advertendum est primò. pro
 formandis patronimicis quòd No-
 mina finita in *A* recipiunt *Des* ad
 formandum Patronimicum, ut Ilia
 Iliades , Asia Asiades , quandoque
 mutant *A* in *I* , ut Philyra Philyri-
 des, non Philyrades.

Advertendum est secundò quòd

no

nomina finita in *As* recipiunt *De* inter *A*, & *S* ad formanda patronimica, ut *Æneas* *Æneades*; Quandoque mutant *A* in *I*, ut *Æneides* *Julius* filius *Æneæ*.

Advertendum est tertio quòd Nomina in *Es* mutant *Es* in *Ades* ad formanda Patronimica, ut *Hypotes* *Hippotades*, *Æolus* *Hippotæ* filius; *Anchises* tamen, & *Laertes* recipiunt *I* ante *A*, ut *Anchisiades*, *Æneas* filius *Anchisæ*; *Laertiades* *Ulysses* filius *Laertis*.

Advertendum est quarto quòd Nomina in *Us* ad formanda Patronimica recipiunt *Des* post genitium singularem, ut *Æacus* *Æaci*, *Æacides* filius *Æaci*; *Priamus* *Priami*, *Priamides* filius *Priami*; *Tantalus*, *Tantali*, *Tantalides*, filius *Tantali*; Quandoque ante *Des* recipiunt *A*, ut *Battus*, *Batti*, *Battia-*
des; *Æsopus*, *Æsopi*, *Æsopiades*.

Ad-

Advertendum est quinctò quòd Patronimica in *Des* quandoque habent penultimam brevem, ut Priamides, Æacides; quandoque habent penultimam longam, ut Belides; Lycurgides, Amphiarades.

Advertendum sextò quòd Nomina finita in *Us* formant patronimicum in *Ades* à genitivo singulari, desinente in *I*, & mutato *I* in *A*, addito *Des* post *A*, ut Menatius, Menatii, Menatiades; Nauplius, Nauplii, Naupliades.

Advertendum est septimò quòd nomina finita in *Eus* formant patronimicum à genitivo singulari in *Ei*, ablato *E*, & addito *Des*, ut Pelcus, Pelei, Pelides; Alceus, Alcei, Alcides.

Advertendum est octavò quòd Nomina tertiæ Declinationis formant Patronimica à dativo singulari, addito *Des*, ut Agenor, Age-

N

noris,

noris, Agenori, Agenorides filius Agenoris; Testor, Testoris, Testori, Testorides, filius Testoris; Actor, Actoris, Actori, Actorides, filius Actoris, vel Patrochus nepos Actoris; Æson, Æsonis, Æsoni, Æsonides, filius Æsonis, uti fuit Jason ex eruditis Scriptoribus.

Advertendum est nonò quòd nomina finita in *As* cum genitivo in *Antis* formant patronimica à dativo singulari, addito *Ades*, ut Atlas, Atlantis, Atlanti, Atlantia-des filius Atlantis; Athamas, Athamantis, Athamanti, Athamantia-des, filius Athamantis. Phaëton, Phaëtontis, Phaëtonti, Phaëtontiades filius, aut frater Phaëtontis.

Advertendum est decimò quòd nomina finita in *On* etiam formant patronimica à Dativo singulari, addito *Ades*, ut Telamon, Telamonis, Telamoni, Telamoniades filius
Te-

Telamonis: Laomedon, Laomedontis, Laomedonti, Laomedontiades filius Laomedontis; Scipion facit Scipiades; & non Scipioniades.

Advertendum est undecimò quòd omnia Patronimica masculina finita in *Des* formant Patronimica foemina in *As*, vel *Is*, ablato *De*, ut *Ætiades*, *Ætias*. *Thestiades*, *Thestias*; *Thaumantiades*, *Thauman-tias*; *Æolides*, *Æolis*; *Tantalides*, *Tantalis*; *Latoides*, *Latois*; *Dardanides*, *Dardanis*; *Belides*, *Belis*; *Cecropides* *Cecropis*; *Æneides*, *Æneis*.

Advertendum est duodecimò quòd quædam patronimica foemina desinunt in *As*, & in *Is*, ut *Atlantias*, & *Atlantis*; *Pelias*, & *Pelis*. Hæc, & similia Patronimica addiscuntur usu, Praxi, & observatione eorum, quæ reperiuntur apud Antiquos Authores, & Poëtas; interim legas hos Versus.

N 2

Æso-

*Æsonidem stupeo, qui plurima digna
triumphis*

*Gessit, & egregiis famam sibi plausi-
bus auxit.*

*Æacidem pariter miror, qui clarus
in Armis*

*Edomuit tumidos Hostes, & Nomen
adeptus*

*Immortale, nequit Lethæis mergier
undis;*

*Scipiadas fortes bello, duo fulmina
Martis,*

*Quis laudare satis poterit? quis di-
dicero Musis?*

*Linquo Laertiadem, quem semper
Græcia plausit,*

*Consilio, Ingenio, Gladioque, Armis-
que potentem.*

*Priamidem celebrẽm fecit sat Musa
Maronis,*

*Atque Anchisiadem, Turnum qui
misit ad Orcum,*

*Et Nomen, laudesque suas super
ætheris Arces* Ex-

*Extulit; Orbis adbuc celebrat Vir-
tutis Honores.*

*De Verbis Novis; Inusitatis Æqui-
vocis, & Græcolatinis.*

C A P U T. XX.

IN Metro evitanda sunt, quan-
tum fieri potest, Verba Nova,
Verba Inusitata; Verba Æquivoca,
& Verba Græcolatina: Ratio est
quia Verba Nova non sunt in com-
muni omnium usu; Verba Inusita-
ta fuerunt, sed nunc non sunt am-
plius accepta, quia absoleta; Verba
Æquivoca torquent Legentium In-
genium propter ambiguitatem si-
gnificationis; Verba denique Græ-
colatina non sunt purè latina, sed
veluti barbara, proinde arcenda ex
metro Romano, & Latiali, de quo
sermonem facimus, & Artem Poë-

N 3 ticam

ticam edocemus ; Quandoque tamen licet Poëtis ex libertate, quam præferunt, aliqua Verba, vel Nova, vel Inusitata, vel Æquivoca, vel Græcolatina adhibere in Carminibus ad ostendendum Ingenium, Imitandam Antiquitatem, ad illudendum, aut ad Removendum dicendi Modum à vulgari, & communi Locutione sui temporis, suæque ætatis; Legas priscos, & novos Scriptores, quòd in eis omnia invenies, sed rarò ; omnia reperies, sed cum parsimonia ; omnia observabis, sed cum grano salis.

C A P U T XXI.

Phrasēs sunt Quidam Modi lo-
quendi , atque exprimendi
suos Conceptus , & Mentis Idæas
Legentibus , aut Audientibus cum
Vivacitate, Argutia, Arte , Cultu,
& Claritate remoti à communi , at-
que vulgari usu dicendi.

Phrasēs sunt in duplici specie ;
aliæ dicuntur Oratoriæ, aliæ dicun-
tur Poëticæ: Phrasēs Oratoriæ sunt
propriæ Oratorum : Phrasēs Poëti-
cæ sunt propriæ Poëtarum : Inde-
corum tamen est in Arte Oratoria,
uti Phrasibus Poëticis , aut in Arte
Poëtica uti Phrasibus Oratoriis, sicuti
Absurdum est Mulieres uti In-
dumentis Virorum, & Viros uti In-
dumentis Mulierum : Excitat Ri-
sum Spectatoribus Alcides cum Co-
lo,

lo, aut fuso, & Jole cum Clava, aut pharetra, & sagittis.

Phrases Poëticae non debent esse eadem in Omnibus Compositionibus ex Metro; nam in Poëmate debent colligi ex Virgilio; in Odis debent colligi ex Horatio; in Elegiis debent colligi ex Ovidio; in Epigrammate debent colligi ex Martiali; in Tragædiis debent colligi ex Seneca; in Comædiis debent colligi ex Plauto; in Satyris debent colligi ex Persio, aut Juvenale; Non Omnis Modus dicendi aptus est pro omni Opere Poëtico; nec omnia Verba bene exprimunt omnes Res dicendas in omni partu, qui ex Mente Poëtarum enascitur, & emanat.

Primò Phrases debent esse latinae; secundò floridae; tertio expolitae; quartò argutae; quintò vivaces; sextò tropologicae; septimò figuris Verborum ornatae; octavò figuris
Sen-

Sententiarum illustratæ; nonò Eruditionibus aspersæ, & conditæ ne-
ctareis Gratiarum Modulationibus,
ita ut nihil habeant rude, nihil in-
cultum, nihil superfluum, nihil per-
peram positum, & nihil, quod displiceat
Eruditis Sapientum auribus;
quod totum habebimus, si Autho-
res primi Ordinis tanquam proprios
Fontes cum omni Diligentia, Cura,
& Attentione observabimus.

De Epithetis, & Synonymis

C A P U T XXII,

ET ULTIMUM.

EPitheta dant Ornamentum, Spi-
ritum, & Calorem Metro, præ-
cipuè si sint consantanea Rebus,
quibus applicantur; quoniam ma-
gis exprimunt earundem Natu-
ram,

ram, & naturales Proprietates . Synonima pariformiter necessaria sunt & ad Suppellectilem Artis Poëticae locupletandam, & ad pleniorē explicationem eorum , quæ exponimus; non Opus est de iisdem fusiùs tractare, cùm obvia sint erudita earundem Volumina apud Bibliopolas , & Bibliothecas nostræ Urbis; Hoc tamen adverto : legito Poëtas egregios, eximios, & primi Nominis, diligenter examinando, speculando, notando, & transcribendo ea , quæ laudabiliter ad Nos transmiserunt ; nam ex alienis Exemplaribus eruditur quàm maximè , & imbuitur ad miraculum nostra Mens ; per Oculos rerum omnium Duces , & primas Speculas intrant Phantasmata in Sensum communem, ex Sensu communi in Imaginativam , & ex Imaginativa in Officinam Intellectus , atque Intelligentiæ ; Nihil enim

enim est in Mente, nisi præfuerit in Sensu, & in Potentiis sensitivis ex Aristotele omnium Philosophorum Primate, ac Principe; Qualia sunt Prototypa, talia solent esse ea, quæ deinde ex Utero nostri ingenii emanant; ~~fugito~~ eos Authores, qui vel Lasciviam, vel Satyram, vel crassam Minervam ostendunt in suis Operibus; nam hæc Omnia inficiunt & Vitæ Honestatem, & dehonestant Literarum Facultatem; Interim Vivito, ut secundum Opusculum de Compositionibus ex Metro cum plausu conspicias, & excipias.

F I N I S.

AO1

1463612

